





14
7
B
20



III a 58.

no. A.

IO. ANTONII
VIPERANI
DE SVMMO BONO
LIBRI V.



Neapoli:

Ex officina Horatij Saluiani.

M. D. LXXV.

TO THE

MEMBERS OF THE

AMERICAN ASSOCIATION

OF HISTORIANS



Library

of the American Association


of Historians

GASPARI CHIROGAE
EPISCOPO CONCHENSI,

REGIS PHILIPPI

*a consilijs, atq̃ hæreticæ prauitatis in Hispania
Inquisitori maximo*

IO. ANTONIVS VIPERANVS.



VÆRENTI mihi
patronum Gaspar Chi
roga quẽ libris de sum
mo bono darem An
tonius Perenottus S. R. E. Cardina
lis Granuellanus, qui nunc pro re
ge Neapolim gubernat, te vnũ pro
posuit hominem integerrimum, ac
summæ eruditionis & authoritatis.
Et quãuis ipse de tua virtute & do
ctrina magnam ante opinionẽ ex
multorum


multorum commendatione cepis-
sem, tamen tanti viri, quem sum-
mo opere colo & obseruo, testimo-
nium existimationem auxit. Vnde
mox in tuam fidem eos tradere nō
dubitaui. In his agitur de fine bo-
norum: quam rem ad bene sentien-
dum & recte viuendum necessariā,
tum veteris philosophiæ magistri
permultis concertationibus exagi-
tarunt, tum diuinorum scriptorū
interpretes magnis voluminibus
explicuerunt. Atq; equidē in dia-
logo scripsi nō solum quia veritas
in disputatione melius elicitur, &
subtilius limatur, verum etiā quia
sermo in certas personas distribu-
tus in locos amœniores opportu-
nius digreditur, & rerum varietate

te

te lectorem vehementius delectat:
nec a theologorum sententia quic-
quam discessi, & philosophorum
opiniones discussi; ita ut quid se-
qui, quid contra fugere oporteat
nobis ad veritatē omnino persua-
sum sit. Dicendi vero copiam &
ornatum quoad potui persequutus
sum ea temperatione, quam rerum
grauitas postulare à me videbatur.
Siquidem ieiunam & inornatā ora-
tionem plerique ut iniucundam a-
spernantur. Sed tamē maximus at-
que optimus patronus his libris
adoptandus fuit, cuius autoritate
non solum defenderentur, uerum
etiam probarentur. Cardinali autē
Granuellano maximam gratiam
habeo, quod ad humanitatem tuā

mihi aditum aperuerit, tibi nõ mi-
norem habiturus, si & librorum &
authoris tutelam pro tuo ingenio
liberaliter acceperis.

4
IO. ANTONII VIPERANI
DE SUMMO BONO
LIB. PRIMVS.



Quæ sit Beatitudo.



ICOLAI Patris nostri memoriã Petre frater summa cum beneuolentia semper tenere debemus, tum quia uitam ab eo, & patrimonium accepimus, tum quia bonis artibus instructi, & ad pietatem & religionem Christianam magna cura instituti sumus. quæ quidem ille nihil antiquius habuit. Nam orbatus uxore Francisca Armalea matre nostra prudentissima & castissima muliere se totum ad diuinarum rerum studium traduxit, & quod uitæ reliquum illi fuit honeste ac sancte peregit, tanta probitatis
A 4 opinione

DE SUMMO BONO

*opinione omnium uocibus commendatus, quan-
 tam de optimo uiro haberi decuisset. Equidem pie-
 tatis amator, religionis cultor, & quitatis obserua-
 tissimus erat, modestus & frugi, in uotis atq; in
 templo frequens; nempe qui se Deo caste & pure
 deuouerat: quodque sibi tempus a cœlestium re-
 rum contemplatione & sacrarum librorum lectio-
 ne superabat, miserorum hominum temporibus
 trans mittebat, ab omni honorum cupiditate alie-
 nus, nec rei familiaris plus negotij agens, quam
 honesta familia ratio postulasset; qui honestatem
 pecunia potiore ducebat, existimabatq; uirtu-
 tis hereditate nullam aliam posse liberis meliorem
 relinqui. Consuetudine uero eorum maxime ute-
 batur, quos secum pietas & sacrarum rerum scien-
 tia coniunxisset. quandoquidē ipsum liberales ar-
 tes omnes, atq; in primis theologiæ doctrinam de-
 lectabat. Vnde moriens incredibile sui desiderium
 in omnium animis reliquit, clarum profecto tem-
 poribus nostris & illustre integritatis ac ueteris
 sanctitatis exemplar. Ne uero sermones ij, qui
 de hominis summo bono inter eum olim & Bartho-
 lomæum Merulam ac F. Bernardinum Barbanum
 habiti sunt doctissimi & eruditissimi, certis monu-
 mentiis carerent, illos nostris literis commendan-
 dos putauimus; utq; parentis nostri memoriam ce-
 lebraremus, & tibi paternæ probitatis imitatori
 rem gratam efficeremus. Nam licet tuum munus
 sit*

sit de iure consulentibus respondere. quod egre-
 gie sane facis. tamen res istas lubenter etiam per-
 tractas. Cum enim dies uenissent, qui bacchana-
 lium more aguntur, rogauit parens noster Bartho-
 lomaum Merulam presbyterum nobilem & inte-
 gerrimum, ut F. Bernardinum Barbanum adirent
 in ueteri illo Capucinorū Fratrum cœnobio, quod
 ab urbe mille fere passus distabat, qui se a lasciua
 uulgi hilaritate & petulantia segregarent, ac san-
 ctissimi & doctissimi viri congressu tempus saluta-
 riter consumerent. Etenim probe nosti quanta pa-
 renti nostro cum Bartholomæo Merula familiari-
 tas & beneuolentiæ coniunctio fuerit ex morū stu-
 diorumq; similitudine. quanquam Nicolaus inge-
 nio erat acriori, & ad excogitandum & intelligen-
 dum celeriori: neuter tamen illiteratus, aut bona-
 rum artium rudis. Capucini uero maxima sancti-
 tatis et doctrinæ existimatio erat ob grauissimam
 institutionem uitæ & disciplinam, magnarumq;
 rerum cognitionem atq; sciētiam; qua pollere cun-
 ctis suis in celeberrimis gratissimisq; concionibus
 uidebatur. Is cum uenire ad se homines beneuo-
 los & amantes sui uidisset, illis obuiam paululum
 processit, atque amicissime, sicut ferebat usus re-
 ligiosi uiri, consalutauit. Vbi causam aduentus
 didicit, consilium laudans in hortum illos indu-
 xit. Nam suauissimus dies illucebat sereno cœlo,
 & nim extremæ hyemis temperante solis calore,

nem distinguat, & uarijs doctrinarum institutis & rationibus contentioni asperitatem condiat. Mox etiam Merula, nec est quidem, inquit, quod ipse melius quam Barbanum nostrum de summo bono disputatē audire: neque isthac disputatione iucundiorē & utiliorē ullam esse puto. Itaq; F. Bernardino Barbanus sic exorsus est.

Christiani studium in comparanda beata uita totum uersari debet, sicut religionis nostræ uolūt instituta, & iubent morum officiorumq; præcepta. Quid tu ais? N I C. Idem aio. B A R. Ac nemo quidem mihi philosophi nomine dignus uidetur, æque ac Christianus; qui uerā ac diuinæ sapientiæ rationes tenet. An nō idem tibi uidetur? N I C. Videtur. B A R. Quod si ueteres illi doctrinarum magistri magnā ex eo nominis existimationē adepti sunt, quoniam id bonum exquirere cæpissent, quo hominis cogitationes omnes atque conatus referri oporteret, quantanam erit Christiani auctoritas, qui solus bonorum summam percipit? N I C. Christiani dignitatem agnosco: uerum illud ualde miror. B A R. Quam rem? N I C. Quod in constituendo fine bonorum tam multis uarijsq; sententijs inter se philosophi discrepauerint. Nam Varro, nisfallor, refert octoginta de felicitate hominis secum dissentientes illorum opiniones extitisse. Amabo unde opinionum tanta uarietas? B A R. Ex appetitionum uarietate. Nam ut gusta-

DE SUMMO BONO

tus non est omnium similis. nam sapore alius aliā voluptatem capit: sic pro sua quisque libidine de felicitate alius aliud sentit; ac beatam vitam ea re contineri existimat, quam ipse legit. Ac uelut ij, qui uel morbo aliquo affecti sunt, uel stupore sensus correpti, suauitatem cibi non sentiunt, sic qui turbidis animorum concitationibus perturbantur, neq; ueri neq; falsi, neq; boni neq; mali re-
ctum syncerumq; iudicium ullum habent. Qui uero ratione reguntur, ij uitam ex uirtute fingunt. quanquam bonum ipsum, ex quo uere beata uita hominis efficitur, mortaliū nemo acie mētis suæ potest plane uidere, si non diuini atq; æterni solis lumine Iesu Christi merito illustretur. NIC. De bonorum & malorum finibus non dubito eos philosophos rectius dyudicasse, in quibus appetitionum & sententiarum quasi tempestates quasdam uirtus sedauerat: uerum. BAR. Quid hoc est? NIC. Hominem, qui sagax & prouidum animal est, finem suum ex se non præcipere, cum unaquæq; res naturæ instinctu finem suum & generis perfectionem asciscat: nullus autem insitus a natura conatus uanus & inanis existit. dico uanū, cuius neque modus, neque finis ullus inuenitur. grauis profecto mihi, & obscura multis oratio est. BAR. Sed obscuris rebus adhibendæ sunt explanationes, ut apertæ fiant. MÉR. Scitis es Barbanc. Ego tamē abs te prius audire uelim, quæ fuerint de sum-

mo bono sententiæ philosophorum, dum id com-
mode fieri posse censeas. BAR. Morem gerā, ubi
notionem summi boni explicuero. sic enim melius,
opinor, procedet oratio. MER. Age ut lubet. BAR.
Vultis ne uero disputationem ipsam inter nos in-
terrogando, ac respondendo agitemus? an per-
petuam & contextam orationem amatis? NIC.
Ego, ut pro meo Merula etiam respondeam, malo
distinctum perconfectionibus sermonem, quā per-
petuam & continentem orationem. Nā audien-
do & dicendo quid uerum falsumue sit melius eli-
citur, multa quoq; inter colloquendum sæpe inter-
cidunt, quæ mirabili uarietate disputationē exor-
nant; alioquin eodem tractu fluentem orationem
effugerent. BAR. Te igitur primum interrogo an
bonum ab expetendo seiungas. NIC. Verbo qui-
dem secernerem, sed re & cogitatione non separa-
rē. BAR. Prudenter, quia quodq; expetitur qua-
tenus bonum est, hoc est, aptum conueniensq; na-
turæ. nonne hoc dicis? NIC. Hoc ipsum omnino.
Siquidem quæ aspernamur, ut mala reiicimus; quæ
uero quærimus, ut bona expetimus. BAR. Dicis
igitur appetitum non cieri nisi ab obiecti specie bo-
ni. NIC. Hoc equidem ipsum. BAR. Ergo, si bo-
num id est, quod expetendum, summum bonū id
etiam erit, quod maxime optabile & expetendū.
neque enim foret summū, nisi omnibus bonis præ-
staret. NIC. Ita prorsus. BAR. Hoc si das mihi,
dabis

DE SUMMO BONO

dabis idem quoque perfectum & absolutum esse.

NIC. Qui istud? BAR. Quoniam si quid illi addideris, summum non erit, sed inferius eo, cuius accessione perficitur. Hæc autem est perfecti conditio, nihil ut ei desit, nihil adiungi queat; sed habeat (ut Stoici loquuntur) omnes numeros; omnibus inquam suis partibus aptum & absolutum sit.

NIC. Quid ad hoc? BAR. Ex hoc consequens est solum summum bonum, quia perfectum est, exple re appetitum posse; atque ob id maxime expetendum esse, quia omnia, quæ natura postulat, complectitur. quandoquidem si ad expletionem naturæ satis non esset, perfectum non foret, in quo aliquid præterea desideraretur. Quamobrem summum bonum adhuc necessario concedes, quia perfectum est, optimum in bonis esse. Hinc ueteres greci, quod nos summum bonum appellamus, illi ἀπὸ τοῦ ἀγαθοῦ dixerunt, hoc est optimum bonum, scilicet quod in bonis præstantissimum est. NIC. Concedo quidem summum bonum optimum esse. quid verò tum? BAR. Audies. Si summum bonum inter nos conuenit id genere esse, quod maxime expetendum & optimum, assentieris quoque extremum esse bonorum. nempe quo cetera referantur: ipsum uero nullam ad aliam rem conferatur. NIC. Finem uis opinor dicere. BAR. Etiam. nam quæ greci τέλος uocant, tu siue finem nomines, siue ultimum, siue extremum, siue id, quo omnia referuntur

feruntur, siue cuius gratia reliqua sunt, semper idem dixeris, ac summum bonum. *NIO.* Quonā modo? *BAR.* Quia huic uerbo finis subiecta est notio perfectionis; ac quæq; res finem suum assequitur, cum omni ex parte in suo genere perficitur; hoc est, ad absolutam naturæ suæ formam speciēq; reducitur. Ex quo animaduertis cum summum bonum dico, finem etiam me dicere. Sed hanc ipsam orationem planius dilatabo. *MER.* Porro ne volumus. *BAR.* Appetitionis motum gignit obiectum bonum: quod nimirum propriam speciem habet, cur appetendum sit. Quare bonum & finis uim habent eandem, quatenus ab utroq; est expletio perfectioque naturæ. Nam ut in bono, sic etiam in proposito fine appetitus omnis conquiescit, atque omnes motus suos conatusque deponit. Quid enim amplius appetat, si expletus est? aut cur longius progrediatur, si ad metam peruenit? quod accidit, cum omnia, quæ natura postulat, cōsecutus est. Atque hoc est perfectum & absolutum esse. Quoniam uero unaquæq; res gestit finem suum contingere, atque in optimo naturæ suæ statu esse, merito ueteres bonum (ut Aristoteles tradit) id esse dixerunt, quod omnia appetunt. Quod quidem in eo ponitur, quod naturæ accommodatum est. Hinc quæ inter bona, eadē inter fines est differentia. Etenim finium quidam ad alium finē spectant, quidam extremi sunt, ad quos alij reuocantur;

DE SUMMO BONO

cantur; sicut bonorum quaedam alterius gratia, quaedam propter se expetuntur. Quamquam Stoici nolunt quicquā appellari bonum, quod non sui gratia queritur; quae vero non sui, sed alterius causa petuntur, ea uolunt commoda uel utilitates nuncupari; ita ut quod bonum sit, idem sit per se expetendum. NIC. Hac eadem ratione arbitror, qui alio pertinent, proprie fines non dici, sed utraque ducentes ad finem. BAR. Attamen usu uenit, ut quod huic bonum est, alteri utile sit, atque unius artis finis alterius officio deseruiat. sicuti pharmacopola vnguenta & pocula medicus ad curandā ualitudinem usurpat. Ita rem eandem diuersae rationes uarie afficiunt. Verum de uerbis contentio fugiendā est, dum res intelligitur. Intelligere autē iam uos opinor ex his, quae dicta sunt, quod in bonis extremum est, id summum bonum esse. NIC. Tu hoc uno summi boni uocabulo optimi, ac maxime expetendi boni, extremi, atque perfecti intelligentias simul inuoluisti, eandemque rem pluribus uerborum notis signasti. BAR. Nunc beatitudinis significatio enucleabitur; quae est summi boni adeptio. Etenim beatus omnibus numeris & partibus in suo genere expletus & cumulatus est; ita ut ei nihil desit. Atqui perfectionem expletionemque natura in uos conuenit summū bonū esse: Id enim est in omni re optimum. Quā igitur beatitudo uim habeat ex summi boni ratione et natura cognoscitis.

NIC.

NIC. Etiā. **BAR.** Hæc tanquā fundamenta totius
 disputationis ieci. quæ si a uobis probe tenentur, ad
 cognoscendas philosophorum de summo bono sen-
 tentias ingrediar. **NIC.** Nos equidem huc usq; a
 te breuiter circumscriptum ac notatum habemus,
 quid summum bonum sit, quid etiam beatitudo.
 quæ mihi non tam re, quam uocibus differre uiden-
 tur. Cetera tuo arbitratu. **BAR.** Porro cum de
 summo bono simpliciter & absolute sine ulla ad-
 iunctione queritur, de nullius certæ rei; sed de
 uniuersitatis causa, & principio queri uidetur, ni-
 mirum quæ uis in rerum uniuersi natura quamma-
 xime excellat: sin uero rem aliquam adiunxeris,
 ut angeli, uel hominis, uel bruti animantis, tunc
 singularem questionem fieri, spectatiuq; de huius
 uel illius rei perfectione & absolute rogari.
 Nobis etsi propositum est eius boni sedem inqui-
 rere, in qua hominis beatitudo ponatur; tamen,
 quia docent differendi ac dicendi magistri rem ad
 genus, & ad uniuersam naturam referri semper
 oportere, non dissentaneum fore existimo uniuersi-
 tatis summū bonū prius inuestigare. Sed attingā id
 breuiter, & quasi per transfennam præteriens stri-
 ctim indicabo. quoniam eius explioandi locus a-
 lius opportunior nobis reseruatur. **NIC.** Et per
 transfennam istuc uidere nos inuabit. **BAR.** Nec
 difficilis sane questio est. Nam quicumq; de uni-
 uersitatis summo bono interrogetur quod sit, dicitur

cælum suspiciat, ac totius mundi fabricationem, &
 pulchritudinem intueatur, respondere non hæsita-
 uerit Deum in uniuerſi natura perfectiſſimum, &
 præſtantiſſimum eſſe, rerum omnium procreato-
 rem, atq; rectorem. Cuius quippe anticipationem,
 ſeu prænotionem, græci προληψιν, Cicero antece-
 ptam animo informationē uocauit, nemo uſquā eſt
 hominum tam rudis & ferus, qui ſine ulla doctrina
 inſitam a natura non habeat. Conſenſus autem na-
 turæ ad faciendam fidem magnam uim habet. Ni-
 hilominus quia argumentorum momenta ab inge-
 nioſis uiris etiam petuntur, afferam rationes,
 quibus id probetur. NIC. Næ tu prudenter co-
 gitas. BAR. Omnium rerum, quæ uel ſenſum mo-
 uent, uel ratione & intelligentia comprehendun-
 tur, aliquod principium eſſe neceſſe eſt: quod ipſum
 e nulla re alia natū ſit. neq; enim principium foret,
 ſi aliunde oriretur. Hoc autem principium, ex quo
 orta ſunt omnia, tam humanarum quam diuinarum
 rerum periti Deum eſſe confirmant. Quem ma-
 gus ille Zoroaſter πατριὸν ἀρχαῖν, & ab inſi-
 gni ui ignem uocauit, ex quo uno res omnes geni-
 ta ſunt,

αἰὶν πατὴρ τοῦ ἐνός ἰγχεῖται:

ac per quem diuinus Ioannes omnia facta eſſe di-
 xit, & ſine ipſo factum eſſe nihil. Quinetiam a
 Chriſto Ieſu diuinæ ſapientiæ magiſtro prohibe-
 mur patrem alium uocare, quam eum, qui in cœ-
 lis

lis est. Et Boëtius non spernendus auctor inter
latinos,

Vnus enim rerum pater est, inquit,

Vnus cuncta ministrat.

Iam Principij uis infinita & immutabilis est,
quia simplex & aterna. Nullius enim generis
circumscriptione concluditur, cuius nulla origo
est: ac quia ex se subsistit, semper eadem est. nihil
enim se ipsum unquam deserit. Quare monendi-
uinum Orpheus existendi necessitatem nuncupa-
uit, qua cuncta reguntur,

Θεὸν γὰρ διὰ τὴν πάντα κρατοῦντα.

Itaque Deus, cum solus in se sui, & aliorum ex-
tra se origo sit, purus simplex & ab omni con-
cretionem separatus, solus utiq; a se bonus semper
est, non (ut doctissimus Augustinus loquitur) alio
bono bonus, sed omnis boni bonum; & (quemad-
modū aut inter grecos non minimus theologiae do-
ctor Damascenus) superbonus. Quod si causa
præstantior est a se rebus effectis, & eorum, quæ
effecta sunt, uirtutes in eo, a quo fiunt, maiores
cernuntur, certe nihil erit in procreatis rebus bo-
nitatis, quod in procreatore amplius non insit.
Nec secus ad creatoris numen creatarum rerum
uis & natura reducitur, ac numerus & multi-
tudo ad unum caput reuocatur, a quo fluunt.
Quocirca solus Deus summe bonus & perfectus

existit, quia omnium rerum præstantia a se solus
 excellit. Siquidem (ut uult Aristoteles intelli-
 gens & acutus philosophus) omnino perfectum
 id est, quod omnes uirtutes, quæ in singulis rerum
 generibus sunt, amplectitur. Et Deum hunc esse
 grauis Aristotelis interpretæ Auerroes sentit. Ve-
 rum dissimilium rerum diuersis generibus differen-
 tes uirtutes cum sint, tamen in Deo non re, sed tan-
 tum ratione & intelligentia distinguuntur. Quo-
 niã quicquid in Deo est, id eius est simplex æternaq;
 natura. Ceterum si in Deo est omnium rerum
 causa, in eodem quoq; erit finis. Eiusdem quippe
 rei idem est finis atq; principium: & ex quo fonte
 uniuersi bonitas emanat, in eundem reducitur.
 Quæso non indignũ Deo esse duceres, si frustra ac
 sine causa aliquid faceret? NIC. Quinimmo istud
 ab hominis constantia abhorret. BAR. Quã igitur
 ob causam mundum fabricauit? sui ne gratia, an al-
 terius? NIC. Non dicam alterius. BAR. Scite:
 ne aliud a Deo principium ponere uidearis, e quo
 potestas numinis diuini pendeat: aut aliquo bono
 Deum carere fatearis, eo nimirum, quod extra ip-
 sum esset, si allus ab eo finis existeret. Dices igi-
 tur sui gratia mundum fuisse molitum. NIC. Dicã
 sane. BAR. Ergo si Deus est uniuersi finis, etiam
 est summum uniuersitatis bonum. nam eadem est
 finis bonique sententia. Qui uero nullum finem in
 uniuersi natura poni uolunt, ij boni rationem o-
 mnem

nem & naturam evertant: Sublato enim fine tol-
 litur etiam bonum: quoniam est, quod saepe dixi,
 eadem notio utriusque. Plures autem fines univer-
 sitatis esse nequeunt: alioquin a se ipso uniuersum
 dissentiret; quia nullum rerum ordinem seruaret.
 Nam quae certa partium distributione inter se col-
 locata sunt, spectant ad unum finem omnia. Hic au-
 tem finis est Deus, ad quem uniuersa pertinent: quae
 mirabili prudentia inter se tanquam Homeri aurea
 cithena connexa & apta uidemus. Quo argumen-
 to Aristoteles in metaphysicis Deum unum esse,
 eundemque perfectissimum praestantissimumque con-
 firmat. Itaque Deum summum bonum esse pluri-
 bus forte, quam institueram, demonstratum est.
 Nic. Id a te quidem apte & plane effectum est:
 Sed tamen percunctor, cum dicis Deum summum
 bonum esse, comparate ne tu id dicis? quasi in u-
 niuerso rerum genere supremum quid sit? ue-
 lut homo teterrorum animantium praestantissimus
 est? Bar. Haudquaquam. Nam in nullum genus
 rerum redigitur, quod immense fertur supra om-
 nia. Et quis est tam insipiens, qui id, quod extre-
 mum non habet, cum eo, quod extremum habet,
 componat? Atqui Dei uis immensa & infinita, re-
 liquarum uera rerum a Deo constituta potestas est.
 Itaque nullae res quantumlibet excellens & prestans
 sit, cum caelesti numine comparari potest. Sed
 Deum summum bonum simpliciter dico, quod non

solum longo interuallo ceteris præstet, sed quod omnium uirtutes capiat. Ad authoris tamen sui respectum inter se reliquæ res conferuntur, ut præstent ea, quæ diuinæ bonitatis capaciores sunt, magisque optimi naturam imitantur. NIC. Intelligenter quod quærebam explicasti. Deinceps de hominis summo bono differendum tibi est. BAR. Rite mones. Sed de uniuerſi fine licet quæri uideatur, cum de summo bono simpliciter & absolute quaeritur, tamen usus loquendi philosophorum obtinuit, ut cum de summo bono disputare se dicunt, de hominis felicitate eos differere intelligamus. Quam rem infinitis prope disputationibus & concertationum plenis exagitarunt. Verum ut ipsi recte hominis finem statuamus, meminisse uos oportet ea, quæ de summi boni natura & beatitudinis uniuerſe ante dicta sunt. Teneſ ne memoria beatitudinem esse summi boni adeptionem? NIC. Teneo. BAR. Summum uero bonum optimū & perfectissimum esse, maximeque expetendum, quod per se unum ad expletionem naturæ sufficiat? NIC. Etiam. BAR. Cum uero summum bonum generaliter nullo alio adiecto casu dicitur, Deum intelligi summam uniuerſitatis authorem? NIC. Scilicet. BAR. Et cuiusque rei summum bonum in suo esse genere cuiusque perfectionem? NIC. Hoc etiam. BAR. Ergo si beatitudinem hominis quaerimus, eius in suo genere absolutionem inspiciamus oportet.

NIC. Maxime. BAR. Fiet autem opinor id apte,
 si eius naturam perscrutemur. NIC. Probe. BAR.
 Primum hominis natura ex duabus dissimilibus
 inter se partibus conflatur, animo inquam & cor-
 pore, ille ratione præditus, hoc quinque sensibus
 ad percipiendas res præsentibus instructum est.
 At mens sensu longe præstantior. Est autem inter
 sensum & mentem ea distinctio, quæ inter caducum
 & æternum. Nam corpus ex terra, aqua, ære,
 igni concretum dissolvitur interitque, non aliter ac
 res eæ, quæ ex his principiis natæ & fictæ sunt: a-
 nimus uero a Deo ingeneratus, nec quidquam ha-
 bens admixti atque corporei, semper uiget & uiuit
 immortalis. Quare Chaldeorum sapientissimi ho-
 minem uarium & quasi multiforme animal uoca-
 uerunt, inter superos & mortales intermedium,
 utriusque naturæ cælestis terrestrisque participem.
 Ceterum animi, quæ uetus est primum Pithagoræ,
 deinde Platonis, tum ab alijs quoque philosophis rece-
 pta diuisio, partes sunt duæ, quarum alteram faciunt
 rationis participem, alteram expertem, quam græ-
 ci *πῦρ* uocant, M. Cicero appetitum: qui licet ex
 se rationis expertus sit, tamen rationis imperium
 sentit. Sed & diuinarum rerum præceptores su-
 periores illam animi partem spiritum, inferiorem
 uero quandoque sensum, quandoque carnem appellau-
 runt. in quibus perpetuum bellum est; nec pax
 ulla unquam homini ab his gignitur, nisi caro spiri-

cui prorsus obtemperare didicerit. Iam corporis
 proprium & peculiare bonū mihi uidetur esse ua-
 letudo, quæ totam illius seruat integritatem. Quæ
 quidem per se ipsa non satis est hominem beatum
 efficere; cum e duabus hominis partibus tantum-
 modo unam, eamq; attingat, quæ naturæ conditione
 ignobilior est. At appetitus sanitas eius est re-
 cta & constans affectio; quæ eadem est uirtus di-
 cta moralis, quoniam actione perficitur. Modus
 enim, quo appetitus menti obtemperans redditur,
 non est mathematicorum rationibus similis, qui-
 bus; statim atq; demonstratæ sunt, assensionē præ-
 stamus, sed usu & exercitatione consistit. Quam
 animæ perfectionem actione constantem (siquidem
 felicitas & perfectio rem eandem significant) fe-
 licitatem philosophi nominarunt ætīuam, uel (si
 uerbum latinum refugis, & mauis græcum) πρα-
 τικὴν. Verum mens, cui uelut reginæ paret tota ho-
 minis natura, humanarum & diuinarum rerum co-
 gnitione ac contemplatione expolitur. Quam fe-
 licitatem idem philosophi nuncuparunt inspectiuā,
 uel (si uerbo græco gaudes) θεωρητικὴν. N 1 C. At quædā
 modo mihi occurrunt animū nescio in quas dubita-
 tiones impellentia: ea, ni orationis tuæ cursum impe-
 diā, pronuntiabo. Nolo enim (ut aiunt) in salebra
 herere. BAR. Recte facis. nā ignoratis primis eorum
 quæ cōsequuntur, sciētia nulla haberi potest. eloque-
 re. N 1 C. A te primū sciscitor cur rectā animi affe-
 ctio-

Etione felicitatis nomine signasti, & priuasti eadem
 appellatione corporis ualetudinē; cū utriusq; & ani-
 mi & corporis integritas secundū hominis naturam
 sit? BAR. Quia corporis bona sūt homini cū brutis
 animantibus communia: bruta uero animantia,
 quoniam ratione & intelligentia carent, nullam
 capiunt beatitudinem. Itaq; beatitudinis uim om-
 nem ignorarunt, qui summum bonum in corporis
 uoluptate statuerunt, non sane multum a belluis dif-
 ferentes. Ad hoc in potiori parte rem opti-
 mam locauimus: hominis uero regnum tenet in-
 telligentia, qua diuini numinis principem naturā
 imitatur. NIC. Non repugnans in hanc ego
 sententiam uenio. Sed illud etiam sciscitor. BAR.
 Quamnam rem? NIC. Fecisti duplicem felicitate-
 tem, actiuam & inspectiuam. BAR. Feci. quid
 tum? NIC. Quid? si finis & felicitas in rem unā
 eandemq; redigūtur, duos fines homini propositos
 esse fatebimur. uerum unius rerum generis unus
 mihi finis esse uidetur. BAR. Non iniuria hesi-
 tas. Nam qui plura extrema dederit, illa uel dis-
 iuncta esse concesserit, uel inter se coherentia non
 negarit. Primum si dixerit, diuersa genera
 effecerit; quandoquidem unius rei una est forma,
 unus modus & terminus: alterum si asseruerit,
 confiteri cogetur unum ultimū existere, ad quod
 reliqua referantur. Cum igitur hominis unum sit
 genus, unam quoq; dicemus eius esse formam, u-

unum finem atq; felicitatem. Sed quoniam humana natura conditio simplex non est, non etiam perfectionis eius ratio simplex erit. Erit autem ille felicitatis perfectus status, qui omnium partium absolute perfectione perficitur. Quamobrem felicitatis actiue inspectiueq; diuisio nō ex rei natura, sed ex animæ partibus facta est: ipsa uero natura humana absolutio utriusq; rationem complectitur. Quin eandem fere dubitationem nobis afferrēt, quæ euangelista Matthæus de proposita hominibus a Christo beatitudine tradit. NIC. Eam dic sodes. BAR. Scis quidē Sanctis (quos uocem sanctos intelligis, ne vos inquam Christi cultores a Deo duplici testamento adoptatos) cæli hereditatem sponderi. At cum una beatitudo sit, tamen a Matthæo multiplicem describi dices. Refert enim quod Christus pauperibus spiritu, & tuenda ueritatis causa incommoda tolerantibus regnum cælorum, mitibus possessionē terræ, ludentibus solatia, esurientibus & sitientibus iustitiā saturitatē, misericordiis misericordiam, mundis corde diuini numinis præsentiam, pacificis filiorum Dei nominationem, ab impijs suis nomine iniuriam patientibus mercedem amplissimam pollicetur. Numquid igitur ob ista plures hominis beatitudines esse putabimus? aut humane felicitatis formas rationesq; diuersas? minime quidem. Sed quoniam mortalis homo nequit beatitudinis illius naturam uno mentis intuitu cõ-

prehendere, diuersis ea bonis pro uaria meritorum ratione notata est: quae omnia in unum felicitatis complexum ueniunt. Atq; hæc quidem est de hominis felicitate uera sententia, quæ afferit beatam & æternā uitam ex sempiternae lucis aspectu fieri fulgētis ex ore sanctæ atq; indiuiduæ trinitatis, a Deo & homine Christo Iesu enunciata, nobisque diuinitus persuasa. Sed prius discutiendæ sunt philosophorum opiniones, quam nostra fides confirmanda, sicut initio disputationis constituimus.

MER. Video. pedetentim eo deuenisse orationem, quo intendebam. Agendum inceptum persequere.

BAR. Tres philosophorum opiniones de hominis summo bono primarias extitisse inspecio: quorum alij beatam uitam e corporeis uoluptatibus extarre, alij recta animi affectione & uirtute contineri, tertij rerum inquisitione, & scientia effici uoluerunt. Nam eos sciens omitto, qui uel in diuitijs, quarum infinita cupiditas; uel in nobilitate, cuius inanis est aura; uel in dignitate, quam sollicitudo sequitur, uel in potentia, quam metus comitatur, uel in gloria, cui nihil solidi subest, uel in hominum sermone & prædicatione, quæ uana & mēdax est, collocarunt: quia nec proprium hominis, nec constans bonum ullum & ui sua expetendum uiderunt. siquidem isthæc bona uel in opinione uulgi, quod nec consilio nec ratione regitur; uel (si fas nobis eam nominare) in fortunæ temeritate sita sunt;

DE SUMMO BONO

sunt; quam cecam & insanam esse, faxq; nolubili instare fabularum artifices cōsulerunt. Qui uero ad uoluptatem omnia retulerunt (quod nomen est tam ad animi, quam ad corporis delectationes trahitur, tamen iucundus sensuum motus, & quia nemo usquam est, qui illum non sentiat, & quia presens ubique semper est, proprium effecit) partem aliquam hominis attigerunt. quamquā eum de suo dignitatis gradu deiicere se non animaduenterunt; quem pecudi parcem redderent, cuiq; nullam uiment is rationisq; tribuerent. At qui hominis dignitatem cognouerunt & honestatem, beata uitæ summam in uirtute posuerunt: quæ turbatos animi motus refrenat, & affectiones moderatur, & rectā uiuendi rationem tradit, & officia cuiusq; prescribit; quibus hominum societas, & uitæ communitas sancte iusteq; seruatur. Sed qui rerum cognitionem felicitatis effectricem esse affirmarunt, sicut poetæ ille,

Felix, qui potuit rerum cognoscere causas.

ij mentis & intelligētiæ opus inspexerunt occultas a natura & reconditas res semper inuestigātis. ex qua inuestigatione mirum quāmagnum fructum & delectationē animus percipiat. Harum opinionum prima Epicureorum est. uoluptates corporis seculantium; quorum est porcorum similis grex: altera Stoicorum felicitatem ex perturbationum sedatione

Ratione fieri credentium: tertia Peripateticorum
& Platoniorum precipue uidetur. quorum illi ma-
gis in rerum naturalium inquisitione, isti magis in
rerum diuinarum contemplatione uersati sunt.

Prima illa uitæ forma ratioi aduersatur, nihil a bru-
torum animantium cultu abhorrens, non hominẽ
cultui tribuenda; in quibus animus & ortu. & uĩ
corpore nobilior est: altera uirtutis actiuosa est, ho-
minis propria; quatenus sensu ac mente simul ad a-
gendum monetur, operam suam huic tertiæ præ-
bens, quæ diuinorum spirituum pacatæ & tran-
quillæ uitæ quamsimilima est. Quippe mens, quæ
animi pars est in homine suprema & (ut ita dicam)
oculus, ueritatis lucem bene intueri nequit, nisi ra-
tio motus animi turbidos concitadosq; sedauerit.

Atq; ut homo uoluptati regendum se tradens ad
belluinos mores se absjcit, sic ad ueri cognitionẽ
attollens in diuinam & cœlestem naturam conuer-
titur. Itaq; de hominis felicitate [quamoptime pro
hominis ingenio sensisse eos iudico, qui sapientiã,
hoc est humanarum diuinarumque rerum scientiã
homini satis ad beate uiuendum esse dixerunt. quã-
quam ij ne absolutam quidem rationem felicitatis
perceperunt: sed nec percipere inquam per se ipsi
ualuissent; quod diuina luce priuati essent, quam
attulit Iesus Christus demissus e cœlo ad depellen-
das ignorantia tenebras humano generi primi pa-
rentis scelere offusas. Atq; hoc est illud, ni fallor,
de quo

DE SYMMONIO

de quo me rogabatis: uidelicet, cur philosophorum nemo ueram hominis felicitatem cognouerit. **NIC.** Ita sane: & cupimus hoc a te nobis explicari. **BAR.** Puto autem posse hoc pacto rite id demonstrari, si prius ostendero in huius uitæ usura nullam posse ueram & diuturnam felicitatem sentiri. Id quod in promptu ita est, ut res longa disputatione non egeat. Etenim si aut corporis bonum ullum absit, aut etiam fortunæ, cuius commoda ipsimet Peripatetici ad explendam beatam uitam necessaria ducunt, aut si totius animi tranquillitas non adsit, aut eius discendi cupiditas omnium rerum, quas nosse desiderat, cognitione satiata non fuerit, haud dubium est, quin uita omnino beata non sit, quandoquidem felicitas perfectum bonum est, cui nihil addi potest: aut si quid ex ea demi potest, uera felicitas non est; quæ stabile & perpetuum bonum est. Huius profecto modi beatus inuentus est, nec inuenitur usquam nemo, dum in hoc fragili & obscuro animæ ergastulo uixerit: qui omnia, quæ ad perficiendam uitam beatam requiruntur, adeptus sit, utaturque ijs absq; ullius boni uel temeritate fortunæ, uel hominum maleuolentia, uel propria conditionis uitio amittendi metu. Et, ut uno uerbo rem concludam, cuius animus ita quietus & tranquillus est, nihil ut uelit, nihil optet, nihil concupiscat, qui omnibus letitijs cumulatum se atque expletum sentiat? immo quotusquisq; est, qui uitæ
suæ

*suæ conditionem dolenter non deploret & conquæ-
ratur? ut iure poëta ille miretur,*

*Qui fit Mæcenas, ut nemo quam sibi sortem
Seu ratio dederit, seu fors obiecerit, illa
Contentus uiuat: laudet diuersa sequētes?*

*Cum igitur sub hoc orbe lunari in hac infimæ
mundi sede, in qua nihil est nisi mortale & cadu-
cum, nulla beatitudo haberi possit; expetat autem
homo naturaliter naturæ suæ expletionē atq; bea-
titudinem; & naturæ instinctus omnium philoso-
phorum sententiæ nullus uanus & inanis existat;
certe alio loco atq; alijs sedibus nostra nobis que-
renda felicitas est, non in poëtarum campis ely-
sijs, sed in cælorum splendidissimis ædibus: ubi Deus
optimus uniuersorum parens & dominus (sicut
propheta loquitur) in bonis omne desiderium ex-
plet. Hanc nostram immortalem felicitatem ne
susplicari quidem unquam ullus mortalium ex se
potuit. Deus, qui naturam humanam assumpsit
miseratus humani generis errores, ipse nobis de-
monstrauit. NIC. At cur homo plenus rationis
atq; cōsiliij diuinæ suæ mentis studio immortalem
suam felicitatem assequi non ualet? BAR. Mane.
Hoc ipsum equidem molior enodare. NIC. Maneo.
BAR. Modi, quibus Deum cognoscimus, tres tra-
duntur Rationis, Fidei, Visionis. Primus initur
ex notatione rerum uniuersi: quarum animaduer-
sione*

DE SUMMO BONO

sione in opificis agnitionem moderatorisq; deducimur. Sic numen diuinum, quod sensum oculorum effugit, apostolus Paulus ab homine, quem ob communicationem omnium naturarum, quæ in uniuerso sunt, mundi creaturam uocat, per ea, quæ facta sunt, intellectum fuisse testatur. Quem modum animus noster in hac uita proprium & peculiarem habet. Sed eo solum intelligit Deum opificem esse & rectorem uniuersi: non autem cælestem ipsius eximiamque naturam potest comprehendere; quoniam a nulla re procreata exprimitur. Verum illam (ut prophetas sileam, quorum ore Deum loquutum fuisse scimus) Iesus Christus, qui in sinu patris est, atq; omnem domini sensum nouit, ipse nouissimis temporibus factus homo nobis notam effecit. Quis enim mortalium a se unquam in animam induxisset unam eandemque naturam diuinam omnis compositionis expertem in tribus personis patris & filij & spiritus sancti inesse? ac dei patris filium ad liberandum genus humanum e diaboli potestate, in quâ Adæ primi parentis culpa deuenerat, e cælo in terras descendisse? aut quis unquam cogitasset hominis finem in cælis constitutum esse? & præstari quicquam a nobis cum Deo posse, quo diuinæ beatitudinis hereditate digni haberemur? Iesus Christus dei & hominis filius aperte cuncta nos docuit. Quod apud Ioannem Euangelistam ipsemet ait. Nemo nouit patrem nisi filius, & cui uoluerit, filius

filius reuelare. Horum persuasio fides dicitur,
 nempe qualitas quædam instar lucis animæ diui-
 nitus infusa, quæ mens supra rationem ad uiden-
 dum Deum afficitur. At uero ubi nos Deus in re-
 gnum suum traduxerit, tunc illum (ut apostolus lo-
 quitur) facie ad faciem uidebimus. Qui aspectus
 Dei eius perfecta cognitio est. Ac quoniam tantæ
 beatitudo nec sensibus percipi potest, quorū præ-
 stantissimi sunt uisus & auditus, nec ratione, me-
 rito Isaias inquit, Oculus non uidit, nec auris au-
 diuit, nec in cor hominis ascenderunt, quæ præ-
 parauit Deus ijs, qui diligunt illum. Quamob-
 rem ad cognoscendam & consequendam cælestem
 beatitudinem non humana, sed diuina opus est fa-
 cultate. NIC. Hæc præclare a te dicta sunt: sed
 tamē uidetur o Barbane præter alios poëtæ, quo-
 rum e doctis antiquissimum genus apud ueteres
 extitit, beatitudinē isthanc hominis si nō cognouis-
 se, at quodammodo suspicatus fuisse. BAR. Quo-
 nam modo? NIC. Quia iustos, & fortes homines
 commentum est a terra in cælum transferri, atque
 una cum dijs ambrosia & nectare ali, hoc est, im-
 mortales & beatos fieri, diuinarumq; rerum con-
 templatione in omne tempus frui.

Hac arte (inquit ille) Pollux, hac uagus Hercules
 Innixus arces attigit igneas:
 Quos inter Augustus recumbens.

DE SUMMO BONO

Purpureo bibit ore nectar.

Et locorum fortunatorum descriptio, quæ bonos & pios viros manent post mortem, mihi quadam est beatorum status adumbratio.

Largior hic campos æther, & lumine uestit
Purpureo: solemque suum, sua sidera norunt.

BAR. Finxerunt quidem illi, nec male, constitutas esse pijs viros post mortem in cælo sedes, quod animos hominum immortales esse opinarentur, ac factorum suorum præmium aut pœnam a dijs mundi rectoribus relatu-ros. insunt enim in animis nostris uestigia veritatis, quæ, ni falsis opinionibus & vitijs obruantur, minimum errare nos patiuntur. sed quod diuinæ naturæ (ut Petrus apostolorum princeps ait) consortes efficiamur, atque in summi Dei habitum & formam commutemur, ut non solùm filij Dei propter diuinæ imaginis signatam in nobis similitudinem, sed etiam dii nominemur propter cælestis gloriæ communicationem, quis aut philosophorum, aut poetarum non dicam intelligentia, sed suspitione ulla unquam assequutus est?

NIC. Iam sane quæ dicis intelligo. **BAR.** Non igitur se christianus efferat, aut insolenter glorietur, quod hominis summum bonum præceteris philosophis unde sit uideat, sed omnem veritatis cognitionem Deo acceptam referat, a quo in lucem e tenebris euocatus est. Quinimmo a Deo nobis timendum ualde est,

est, ne oblatum diuinum munus pro nihilo ducentes caelestem lucem nostris uitis & sceleribus restinguamus. Nec certe parum illi philosophi commendandi sunt, qui prae se ferentes lumen rationis ad eam felicitatem mentis oculos adiecerunt, quae homini maxime conueniret, quaeque humana opera & studio posset acquiri. In quibus ingenio & doctrina Plato plurimum excelsit. Habetis quae philosophorum laudanda, & quae sit de summo bono tenenda sententia. MER. Habemus, sed significatam potius, quam enodatam; ut nolim susceptam de hominis felicitate disputationem a te explicatam putes. BAR. Alibi, minime equidem. Sed libuit in primis philosophorum celebriores sententias proponere: post singulas ad uerae & perfectae beatitudinis rationem perpendemus; atque interrogando inter nos & respondendo rem omnem planam & euidentem efficiemus. MER. Probo. BAR. Non autem superuacaneum fore arbitror quid beatitudo sit rursus dicere, ac deinde quae ad eius rationem uniuerse requirantur exponere. MER. Age sis. BAR. Beatitudo a nobis summi boni adeptio, a Boëtio finitur status omnium bonorum congregatione perfectus. Nec sane huic uerbo, cum beatum dicimus, ulla alia notio subiecta est (quemadmodum refert Cicero) nisi segretis omnibus malis cumulata bonorum complexio. Ete-

DE SUMMO BONO

nim à beatà uita neceſſe eſt abſit non modo ma-
 lum; nam ſi quod malum inſit totam felicitatem
 corrumpit; ſed etiam metus mali. quanquam
 metus ipſe in malis cenſetur. Quis enim poteſt
 eſſe beatus in malorum timore? Siquidem qui
 exiſtimat ſe miſerum eſſe poſſe, certe hoc ipſo
 miſereſt. Segretis autem malis extet cumulus
 bonorum oportet; qui deſiderium cuiusque rei
 plene expleat: alioquin beatus non dicitur, qui
 non habet quae uelit. Hinc beatitudinem in ſa-
 cris uoluminibus pacis uocabulo designatam le-
 gimus, qua non modo appetitus cum ratione con-
 cordia, ſed totius etiam animi tranquillitas ſi-
 gnificatur. Quapropter apoſtolus Paulus beati-
 tudinis authorem Deum pacis appellat: quam
 bis, ad quos ſcribit, ſemper exoptat. *MEER.* Et
 quidem illis rem exoptat, qua nihil melius, aut
 optabilius eſt. *BAR.* Ad hoc uero per ſe iucun-
 da & ſuauiſ eſt beatitudo; quoniam ſummi bo-
 ni adeptionem fructus gaudiumq; conſequitur.
 Ideoq; græci, quem nos beatum, ipſi a gaudendo
 μακάριον uocant; quod cum delectatione ac iu-
 cunditate copulata felicitas ſit. Nec Epicurus
 omnino abſurde, quoniam qui felix eſt, iucunde
 ac ſuauiſter uiuit, ad uoluptatem, quam uti ſum-
 mum bonum, aut ſummi boni ſociam natura ſem-
 per aſciſcit, omnia reuocaſſet, ſi non corporis, ſed
 animi delectationem perſequutus fuiſſet. Haec
 enim

enim uera, constans, & laudabilis; illa & nocens, & turpis, & rationis inimica est. Quae sit igitur beatitudinis uis & natura perspicitis. MER. Maxime. BAR. Nec uero praetermittam, quanquam reticere cogitaueram, discrimen, quod inter felicem & beatum nonnulli sciuerint. (nā omnis orationis initio soleo uerborum, quae in disputatione uersantur, notationes exprimere, ut nominū ambiguitates tollantur, & rebus perspicuitas maior accedat) quod felicem dici existiment, qui bonis tantum animi instructus, beatum uero, qui omnibus bonis cumulatus est: tamen quando peritiores uiri utrunq; nomen dant eidem rei, apud me quoq; erit nominis utriusq; eadem significatio. Huic differentiae consimilis est ea, quā inter bene uiuere, & beate uolunt; ut bene uiuere sit cū uirtute uiuere, at beate uiuere cunctis bonis affluere. MER. Etsi leuis tibi, mihi certe non inutilis uidetur dictorum istorum animaduersio; qua mens ad dispiciendum doctorum hominum sententias exacuitur. BAR. Tu uero quid tecum uersas? NIC. Illud meditor. BAR. Quidnam? NIC. Dixti, ni quid me fallit, beatitudinem natura expeti. Nam dixti qui beatitudinem ad uoluptatem refert, eum cupere quod natura expetit. Velim hoc a te planius explicari. BAR. Dixi, ac lubens faciam quod rogas, nihilque residere in animis uestris patiar,

DE SUMMO BONO

quod rerum intelligentiam perturbet. Finis in deliberationem non uenit, nec summum bonum in electione ponitur: sed quae alterius gratia, non per se expetuntur, ea dubitationem afferunt, & consultatione egent. Nulla igitur summi boni electio est; quia nullam habet deliberationis causam, cum per se expetatur, utpote ab omni parte perfectum & absolutum. Est autem electio eorum, quorum est deliberatio. Nec de fine consultamus, utpote perfectissimo & extremo bono, sed ad ea deligenda consultationem adhibemus, quae censentur ad finem conferre, ut meliora et conducibilia eligamus. Atqui summo bono nihil melius habetur, neq; ad aliud pertinet, & omnibus numeris expletum est. Quamobrem beatitudo, quia expletum bonum est, ac finis, necessario expetitur: nec potest homo uelle non esse beatus. Cuius rei appetitus primus uoluntatis motus dicitur, non ab animi consilio, sed a naturae ui excitatus, constans atq; perpetuus, in omnibus, atq; omni tempore idem. Itaq; homo beatitudinem primum omnium naturaliter desiderat; quanquam propter imbecillitatem mentis, & opinionum errores, ac morum prauitates, quibus a pueris imbuimur, eius inquirat locum. Sed arbitror non abs re fore, quae a plebisq; uiris doctis facta sunt appetitus genera edicere, quo res illustrior fiat. MER. Nihil a re alienum

alienum puto, quod ad docendum ualet. BAR.
*Aduertite animum, quod appetitus significatio-
ne cuiuscunq; rei propensionem modo intelli-
gendi nolo: quæ si rerum est sensus rationisq; exper-
tium, naturalis uocatur, quoniam neq; sensu, neq;
ratione præcipiunt quo inclinantur, sed sola im-
pulsione naturæ mouentur; sicuti ponderosa in
terram sua grauitate feruntur, & in cælum sua
leuitate his pugnantia. Si uero sensu, non etiam
ratione impelluntur, priuatim appetitus dicitur,
quæ sensuum commotio est; sic bruta animantia
sequuntur ea, quæ secundum sensum sunt, fugi-
untq; contraria. at qui mente & ratione ducun-
tur, in his uoluntas proprie appellatur rationis
capax appetitus. Ac quoniam sensus tantum res
presentes & singulares percipit, uniuersale bo-
num capere non potest: mens, quæ cum effectis
causas, & cum præteritis futura coniungit, sola
uniuersales rationes intelligit. Et quoniam libe-
ra est tenens in sua potestate suarum actionum
principium, potest idem uelle ac nolle: bruta ue-
ro animantia, quia sui iuris non sunt, sed suarum
motionum principium in naturæ potestate situm
habent, non possunt non id persequi, quo sensu &
natura incitantur. At quia uoluntatis ad beati-
tudinem inclinatio ex electione non proficiscitur,
nam omnem animi ratiocinationem præuertit,
sed ex instigatione naturæ, aut alicuius princi-*

C 4 palioris.

palioris causæ, summum bonum naturaliter ex-
 petitur, non sensu, qui uniuersum bonum compre-
 hendere nequit, sed uoluntate habente se instar
 naturæ: bona uero ad finem conferentia delibe-
 rationis causam afferunt, & animum in contra-
 rias partes distrahunt, & mentis ratione ac con-
 silio expenduntur. Quamobrem uoluntatis ad
 finem unus motus est a natura; propensio inquam
 ad finem; alter uero ad ea, quæ conducunt ad fi-
 nem, ex selectione consurgit. Sed uereor ne alio
 euagetur oratio: ad ea, quæ proposuimus, re-
 deamus. Memineris ne tu ea, quæ proposuerim?
 NIC. Memini: scilicet quid beatitudo sit, &
 quæ ad eius rationem requirantur. BAR. Sic est.
 atq; alterum explicuimus; alterum restat ex-
 plicandum. Equidem mihi formam & rationem
 beatitudinis contemplantis secundum ea, quæ a
 nobis de summi boni natura dicta sunt, hæ uiden-
 tur illius esse propriæ conditiones, ut perfectæ,
 iucunda, et æterna sit. quoniã bonum, quod bea-
 tum facit, summum, delectabile, & perpetuum
 est. Quæ quidem apta inter se, & connexa sunt.
 Sane in cuius possessione felicitatem ponimus, id
 summum esse, extremum, atq; perfectum con-
 stat: & beatus erit is, qui nullius rei eget. nam
 care miser esset, cuius indigens esset. Itaq; si
 nihil amplius optat, non uideo quid requirat, ut
 sit beator. Proinde propheta cælestem beatitu-
 dinem

dinem ab omnium bonorum affluentia saturita-
 tem uocat, Satiabor (inquiens Deo) cum appa-
 ruerit gloria tua. Ceterum tanti boni adeptio iu-
 cundissimam uitam efficit: quae profecto si amit-
 ti potest, beata esse non potest: nec in parte tem-
 poris, sed in perpetuitate uita beata dici solet.
 Cum igitur nihil habendum sit in eo genere, quod
 uita beata complectitur, si id possit amitti, certe
 ex perpetuis plenisque gaudijs uita beata existit.
 MER. Certa haec mihi uidetur esse de beatitudi-
 nis conditione sententia: in qua prorsus omnes
 sumus. BAR. Bene est. Nunc postulare a me lo-
 cutus uidetur, ut inuestigem eum, in quem cadat
 beatitudo. neque enim in res omnes cadit. Sed
 meo more abste quoero, an quis recte dicatur bea-
 tus, qui neque intelligit neque sentit se aut absen-
 tem beatitudinem expetere, aut ea frui presen-
 te? NIC. Mea quidem sententia non satis re-
 cte. Nam quem fructum capit, qui beatum se es-
 se non cognoscit? BAR. Non igitur nobis im-
 pendent montes, non subsidentem uallem, non
 uirentes arbores, non gemmantes uites, non ena-
 scentes stirpes, non nudos illos silices, non exesa
 cadentibus guttis saxa, non altas speluncas, non
 opacum nemus, non strepentem fontem, non per
 hortulos manantem riuum felicem beatumue di-
 xeris? NIC. Minime quidem. BAR. Cur ita? NIC.
 Quia non modo ratione, sed etiam sensu

uacant.

DE SUMMO BONO

vacant. BAR. An fortasse pennatas aues, aut
cornigeros tauros, aut ludētes in campis equos,
aut pecudum greges libere per agros et rura pa-
scentes beatos uocaueris? NIC. Sentiant qui-
dem illi uoluptatem aliquam. BAR. At corpo-
ream. NIC. Certe. BAR. Quòd si bonum re cum
fine consentit, finem autem nullum bruta ani-
mantia præcipiunt, quia rationis expertia sunt,
nec fructum quidem ullum summi boni perci-
pient. non igitur beata? Naturæ dumtaxat illæ
finem suum norunt, quæ mente prædita sunt, &
rationes rerum intelligentia comprehendunt.
Vnde perspicuū est neq; res sensu carentes, neq;
ratione non utentes feras beatas esse, nec pueros
quidem ipsos; in quibus ratio propter ætatem
minime dum uiget. NIC. Ecquid etiam ne-
gabis belluis naturam, uel (ut contra atq; il-
le dicam) natura meliorem Deum modum ac fi-
nem præstituisse? BAR. Ais tu? NIC.
Aio. BAR. At te rogo ad constitutum sibi finem
num se ipsa cōponunt, an ab omnium rerum pa-
rente & moderatore ordinantur? Est est cuiusq;
rei propria & distincta ab alijs natura, suoq; in
genere absoluta perfectio ab his quidē rebus in-
tellecta, in quibus mens inest, ab illis uero igno-
rata, in quibus nulla uis rationis insita est. atq;
hæ scienter appetunt quod naturæ suæ accōmo-
datum sentiunt, illæ inscienter; hæ magnum fru-

Quum ex perfectionis suae adeptione capiunt, ille nullum. Quae sane licet sensum uoluptate capiantur, tamen rite beatarum nomen obtinere non possunt, quia sunt ratione uacantes. Quin ceterarum rerum naturae hominum commodis deseruiunt; homo uero ad fruendum summo uniuersi bono generatus est. Ideoque solus homo praeter ceteris animantibus uere felix et beatus habetur. Et ne pluribus urgeam, quis potest sine uirtute beatus esse? atqui nec uirtus potest sine ratione constare. Tandem felix iure non dicitur, qui Deo non fruitur, utpote summo bono. N I C. Plane intelligo neque in sensu carentes res, neque in rationis expertes belluas, sed tantum in hominem cadere beatitudinem, qui diuini numinis cognatione tenetur. B A R. Hic hodiernae disputationis terminus esto. nam ad uesperas cit, & uobis in urbem redeundum est. reliquos dies in inquirendo summi boni domicilio impendemus; cuius naturam huius diei sermone euolutam & notatam habetis. M E R. Tua profecto nos oratione mirum in modum recreasti, & ad futuram disputationem magis ac magis animum accendisti. B A R. Volo autem ea, quae de beatitudinis ratione breuiter dixi, totius nostri sermonis esse principia: e quibus concludemus quod uolumus, atque ad exitum perueniemus. Feci quod mathematici solent. nam illi semper ex concessis proba-

DE SYMMOBONO

probatisq; demonstrationes eliciunt; non aliter ipse modo a uobis ea mihi concedi uolui, unde uniuersa pendet oratio: ac primum omnium de summo bono in uniuersum ea disserui, quae alioquin in singulis deinceps proponenda fuissent. Sic earundem rerum fastidiosa repetitio tollitur, & ex concessis accommodatius singularum rerum consecutiones deriuabuntur. Oportet enim ex principijs aut per se notis, aut sumptis pro notis manare conclusiones, ut rem dubiam probandi ratio finem aliquem habeat.



IO. ANTONII VIPERANI

DE SUMMO BONO

LIB. II.



Quid bonum, & quot eius
genera.

NON dubito Petre frater; ne hoc
nostra scriptionis genus in multo-
rum reprehensiones incurrat: quo-
rum alij negēt huiusmodi sermones
inter eos fuisse, quos disputātes inducimus; aut
me id ætatis tunc non fuisse, qui capere intelli-
gentia, & mandare illos memoriae potuerim.
Hoc quid aliud est, quam mortuis inuidere, atq;
omnem morem dialogorum tollere? Reprehen-
dant cum innumeris alijs omnium bonarum ar-
tium

DE SUMMO BONO

tium scriptoribus Platonē; qui tam multa commentus est poëtarum modo in suis libris, quos in disputatione & dialogo scripsit. Immo uero potius nobis poëtica interdican, qua personas, & personarum moribus conuenientes orationes effingere docemur. Existent quoq; alij reprehensores, quibus quia politioris genus orationis persequi uidear, me duplex pro uno negociū lectoribus exhibere incusent, præter rerum, curam etiam uerborum. Ad quos ita breui respondeo, me latine scribere, atque hanc operam dare, ut oratio emendata sit atq; dilucida. Nam barbaram & obscuram eruditi uiri omnes oderunt. Ornatum modicum & rebus aptum pro me quesisse, nimiamq; diligentiam & apparatus in scribendo quamminimū affectasse, qui meum ingenium norit facile credet. Quod si latinum sermonem ipsi minus intelligunt, & quā porro non est inscientiam suam meo labori obijcere. Contra alij me ut parum elegantem & cultum negligent, nimirum ij, qui se Ciceronianos esse profitentur, homines delicatissimi palatus atq; fastidij. Cuius generis hominibus quia difficile est quenquam satisfacere, & quiore animo patiar me ab illis cum alijs reprehendi. Neq; enim me prædico Ciceronis imitatorē adeo esse, ut eloquentiae parentis ore loqui me posse confidam. Quin non parua laude me dignum putarem

rem, si in aliena lingua uel grammatice loqui
scirem, nedum eleganter & ornatè. Adhuc mul-
ta mihi explicanda fuerunt a latinis scriptori-
bus aut minus tractata, aut penitus ignota.
Siquidem philosophia, atq; ea dumtaxat, quae
ad uitam & mores pertinet, haud scio (ne Sene-
cam memorem non forte satis cultum philoso-
phum) a quo alio quam a Cicerone tractata sit:
theologia uero prorsus a nullo illorum cognita
fuit. Solum extant tres Ciceronis de natura
Deorum libri; qui aut quamparum, aut omni-
no nihil ad nostram theologiam, nisi ad illorum
religionem redarguendam faciunt. Nostram
theologiam qui primi tractare cœperunt nō qui-
dem meo iudicio barbære, sed non Ciceroniane il-
lam explicuerunt magis rebus studentes quàm
uerbis. Atqui rebus nouis noua uerba imponen-
da fuerunt. Sed latina uerba innouare solis la-
tinis authoribus fas esse existimo; qui in sua lin-
gua rectè id faciunt: aut etiam his, qui latinam
linguam optime callcant. Innouarunt tamē apud
nos per multa; quae licet nullam sapere latini-
tatem quibusdam uideantur, nihilominus prop-
ter rerum nouitatem, & uerborum egestatē re-
cipienda fuerunt. At elocutione circumscriben-
dae sunt res simplices, quae latinis notis carēt.
Hoc ab oratore quidem fit, qui ad animorū mo-
tum orationem intendens in amplificando lau-
dem

dem asequitur, non ab artium præceptore, quæ
fidem petentem omnis circuitio dedecet. quo-
niam auditor certis uocibus docendus est. Quã-
obrem prudentes & doctos uiros facilius mihi
ueniam duros spero, si interdum minus latine
rem aliquam dixero a latinis illis scriptoribus
ignoratam. quanquam pro mea uirili conabor
ita dicere, ut barbarie quamminimū inquene-
tur oratio. Aut ne tam grande nefas est cū clau-
dis uersantem aliquando claudicare? nec mirum
esse debet barbarorum libros euoluentem non-
numquam barbare loqui, sicut ambulātem in
sole colorari. Nec isti quidem Ciceroniani, si
Ciceronis iudicium probant, qui a philosopho
eloquentiam non flagitat, aspernari ullius scri-
pta deberent, cum carent ea copia & ornatu,
quo ipsi libros suos distinguunt; ut ne, dum inele-
gantem aliorum orationem damnant, impruden-
tiam suam & inscitiam prodant: Ego autem
mallempolitus, quam ineruditus uideri.
Tandem id statui facere, ut dū a barbaris reij-
cior, ad latinos confugiam; dum a Ciceronianis
respuor, barbaris me scribere dicam. Nec cer-
te pudebit unquam fateri quod nesciā, nec cor-
rigi quod peccem. Sed interea dum hæc loqui-
mur, nostri ad F. Bernardinum Barbanum uene-
runt, ut illum de summo bono altera disputatio-
ne differentē audirent. Qui cum suo quisq; loco
sub

sub quercu consediſſent, Barbanus ſic dicere incepit. Quoniã externa diſputatio nobis quæ eſſet beatitudo explicuit, deinceps uidendum arbitror unde ſit. Nam beatitudinem eiſmodi eſſe, qualem deſcripſimus, omnes philoſophorum ſcholæ una mente & uoce conſentiunt: ſed ubi locanda ſit magna diſſenſio; ac quot appetitiones, tot ſententiæ. Quærimus igitur in quo finem hominis conſtituamus. Vt autem ratione & uia procedat oratio, boni uim atq; naturam primum omnium inſpiciemus. ſic enim opinor rectius ſummi boni ſedem inueſtigabimus. Nec uero beatitudo aliud eſt, quam ſummi boni adeptio. MER. Recte ſane ingrederis: et quando nos dociles reddiſti, erimus etiam attenti tam utili & neceſſaria quaſtione propoſita. BAR. Res quidem ſcitu digna eſt, & tota diſputatione præcipua: ſed tamen danda nobis uenia erit, ſi uerbis interdum utemur minus a latinis authoribus uſitatis. nam a latinorum quam pauciſſimis tractatam philoſophiam uideſtis; quæ tantum a græcis exculta fuit; nec uniuerſam quidem eam, ſed unam eius partem; quæ ad bonarum ac malarum rerum cognitionem pertinet. Ideoq; multis doctrinæ proprijs uocabulis caremus, quibus græci abundant. Et quod grauius eſt, aliquot etiam factis a noſtris in magna inopia ſuperbe & ingrate ſaſtidimus: ac malumus rem unam pluribus dicere, quam uno uerbo

D. exprimere,

DE SUMMO BONO

exprimere, si aut inusitatum, aut peregrinum,
 aut incultum uisum fuerit; cum animus sensus ma-
 gis uacās quam uerbis nescio quomodo inuitus a
 magnarum cogitationū intentione huiusmodi cir-
 cuitionibus distrahatur. MER. Nos tam diligen-
 ter perpolitā orationem in philosopho, aut theo-
 logo minime desideramus; nec laboramus de uer-
 bis, dum rem intelligimus. BAR. Quando per
 uos mihi licet uti uerbis rem magis exprimētibus,
 etsi minus a latinioribus usurpatis (quāquā ope-
 ram dabo semper, ut seligam e barbaris quāma-
 xime latina) ad patefaciendā boni uim & natu-
 ram liberius accedam. MER. Rem bonam ages.
 BAR. Exordiar autem ab ipsa definitione: unde
 præcipiunt omnem disputationem inchoari debe-
 re. Nec puto fas esse nobis ab ea definitione bo-
 ni discedere, quam ueteres tradiderunt, & Ari-
 stoteles approbavit. Nimirum bonū id esse, quod
 ab omnibus natura expetitur. Quod uerbum, etsi
 Cicero ex quo appellatum sit nescire se dicit, nō-
 nulli tamen interpretantes a seculo græco dedu-
 cunt, quod clamare apud nos sonat. quoniam res
 omnes tam inanitæ, quam animatæ bonum desi-
 derant. Sed eius uis declaranda adhuc melius est.
 Siquidem ista definitio solum boni efficientiam no-
 tat, qua cuncta ad se allicit. Quid autē sit, quod
 quisq; appetat, euoluendum. MER. Optime.
 BAR. Vnaquæq; res quod facit ad conuenientiam.

& conseruationem suae naturae, id profecto du-
 cc natura sequitur, fugitq; contrarium. Vnde bo-
 num id est, quod cuiusq; naturae aptum & ac-
 commodatum est. Quamobrem boni notione con-
 gruenter rei modum intelliges. NIC. Audio.
 BAR. Igitur quia unaquaq; res seipsam diligit,
 naturalis est cuiusq; ad bonum inclinatio, auer-
 sioq; a malo. NIC. Vtiq;. BAR. Prudenter
 itaq; ueteres bonum ab eius effectione descripse-
 runt id esse, quod omnia naturaliter appetunt.
 NIC. Ita uidetur. BAR. At uero iam perfectū
 in eandem uenit, quam bonum sententiam. NIC.
 Quo modo? BAR. Eo modo, quo fini & perfectio-
 ni eadem subiecta res est: nam utraque uoce in
 suo genere cuiusq; rei absolutio denotatur. Atqui
 bonum & finis eandē uim habent, quatenus per se
 rem expetendā utrunq; nomen significat. Quod si
 boni & perfecti eadē significatio est, perquiramus
 etiā ipsam rationē perfecti. NIC. Bene. BAR. Ad
 perficiendā cuiusq; rei absolutionē duo requirun-
 tur, quorū alterum ea continet, quæ ad cōfectio-
 nē rei sunt necessaria; alterū inter se ista rite con-
 iungit, hoc est, plenus partium numerus, & ordo.
 Itaq; corpus hominis integrum & perfectum est,
 cum nulla parte mancum aut distortum cernitur.
 Proinde qua ratione partes omnes habet, perfe-
 cta res dicitur; quatenus uero partes seruat inter
 se congruenter annexas, bona appellatur. NIC.

DE SUMMO BONO

Preclare . uerum quot qualesue sunt partes , ex quibus bonum conflatur? BAR. Doctissimus Augustinus in libro, quem de natura boni cōscripsit, tres esse docet modum , speciem, & ordinem . Et quidem singulae res a Deo formam sortitae sunt propriam, certis finibus descriptam , suae aptam conuenientemq; naturae . Hinc res concretas & mouentes sensum uidemus certa dimensas materia, ac peculiari specie formatas, qua ad proprias quasdam et praecipuas operationes institutae sunt. Nec solum res singulas ab uniuersis separatim perfectas, sed cum uniuersis quoq; consentientes & cōgruentes intuemur : ex quarum inter se ordine mira uniuersitatis pulchritudo absolutioq; consurgit : ita ut cum singulae res per se bonae sint, simul iunctae tamen uniuersae ualde bonae existant. Idem diuus Augustinus modum, speciem, & ordinem , quibus res omnes separatim & cōmuniter constare dixit , ad mensuram, numerum, & pondus alibi redigit : secundum quae legimus in libro , qui Sapientiae inscribitur, Deum uniuersa creasse . nam qui cūcta composuit Deus suae quaeq; uirtute modificatur, Sapientia informat, bonitate stabilis, uniuscuiusq; rei uim & naturam referens in seipsum . Itaq; cum mensura modus , cum pondere ordo , cum forma numerus conuenit . nam & Aristoteles formas , quae materiam interpungunt , numeris germanas esse confirmat .

Quae

Quae quidem perficientes partes quo nobiliores
 & praestantiores sunt, eo magnificentius & illu-
 strius existit id, quod ab illis cōponitur. NIC.
 At sine te a me interrogari. BAR. Lubenter sinā.
 NIC. Istorum trium, quibus constare bonum di-
 xti, num suapte natura quodq; bonum etiam est
 ita, ut rursus alium modum, formā, ordinemq; de-
 pōscat? BAR. Haudquaquam. esset enim modo-
 rum, formarum, & ordinum infinitio. Sed eate-
 nus bona sunt, quatenus bonum construunt: non
 secus ac color albus est, quo res alba efficitur.
 Sed adhuc rem aliam a te percuncter. BAR. Per-
 cunctare. NIC. Nunquid non Deus bonus est?
 BAR. Bonus? maxime. NIC. Quod si bonus est,
 & cuiusq; rei suus est, ut dixti, modus, quē modū
 eius naturae pones? BAR. Nullum. quia nō est
 finite bonus, cuius nullum principiū, nullumq; ex-
 tremum est: sed, ut Damascenus loquitur, super
 bonus. a ut certe hunc peculiarem & propriū so-
 lius diuini numinis modum statuemus, ut nullum
 habeat bonitatis suae modum. NIC. Satis a te
 postulationi meae factum est. reliquā disputatio-
 nem persequere. BAR. Aperiendum nunc est
 quo modo bonum re etiam cum ente conueniat.
 Voco ens quod grāci τὸ ὄν, latinorum aliqui quod
 est dixerunt, entis nomen repudiantes, simul &
 essentiae, quae grācis est οὐσία. MER. Equidē
 quid inter ens & quod est intersit nō uideo; curue

DE SYMMONE

nomen essentiae respuerint, non intelligo. cū nullū uerbum haberent, quod melius uolau ex-
primeret. BAR. Mihi certe harum uocum usus
inopiae causa a uobis cōcessus est. MER. Concessi-
mus, atque iterum concedimus. BAR. Primum
ad probandum bonum cum ente maximam cognat-
ionem, immo eandem pene uim habere, diuinæ
scripturae testimonio, cuius authoritas apud nos
maxima esse debet, adnitar. Quicquid in uniuers-
o est uel Deus est, uel res effecta a Deo. Atquē
res omnes, quas Deus procreauit, bonas esse Pau-
lus apostolus asserit in epistola, quam ad Timo-
theum scribit. nec Deus non erit bonus, qui cun-
cta bona molitus est. Omne igitur ens bonum est.
Nec solum diuino scripto, sed etiā alijs argumen-
tis hoc ipsum probatur. Quaecunq; ita connexa
sunt, ut ullo modo inter se nec diuelli nec distrahī
possint, omnino re copulata, atq; eiusdem generis
sunt. atqui bonū sinu suo ens coërcet. constat enim
bonum id esse, quod perfectum. nec potest quic-
quam esse diciue perfectū, si in rerum natura non
sit: quod autem in rerum natura est, ens nomina-
tur. Vides igitur boni, entis, atq; perfecti quo mo-
do una eademq; sententia sit? NIC. Video. quid
præterea. BAR. Duo sunt philosophorum propria
uocabula, quibus rerum uirtutem uitiumq; signi-
ficant, scilicet actus, & potentia. Potentiam uo-
cant, quam græci δύναμις, nostrorum aliqui fa-
cultas

cultatem, nō agendi, hoc est, ui sua aliquid facien-
 di, sed aliquid extrinsecus accipiēdi, id est, quāse
 ferendi & patiendi. Pati enim philosophis est ali-
 quid ab alio recipere. Actus quod habeat pro-
 prius nomen, & significantius apud latinos haud
 quidem scio. Est autem actus uox rem esse signifi-
 cans: potentia quod nondū sit, sed quod esse pos-
 sit. Ex quo ens actum esse aiunt, ac deinceps per-
 fectum. Igitur bonum, quia perfectum est, suo
 complexu ens continet, nec genere ab illo sepa-
 ratur. Adhuc ingenio & doctrina praestantissi-
 mus Augustinus a te peteret, ut illi ens, quodcūq;
 uelles, dares: tum ubi quod uolueris dederis, ro-
 garet, an ulla res esset, quae tuo enti posset obes-
 se? si responderis nullam omnino rem illi posse ob-
 esse, tunc inferret ens illud satis superq; bonū es-
 se, quod nulla re posset labefactari; sin posse di-
 xeris, sic etiam confici quod proposuerat assere-
 ret. Nam si nocere est bonum imminuere, certe
 non potest ea res damnum accipere, in qua nihil
 est boni. Ita utrinq; concludente argumento ca-
 ptum te senseris. NIC. At quando intellexi quo
 pacto bonum et ens secum consentiant, audire etiā
 uelim si modo aliquo inter se differāt. BAR. Hoc
 differunt, quod animus noster boni notionem per-
 cipiens, aliquid aliud praeter entis cognitionē ca-
 pit. nam cum in animo entis notio sit, tantummo-
 do rem esse mens aduertit: cum autem boni notio

generatur, non modo rem esse, sed etiam expetendam esse intelligit. Hac igitur ratione ens & bonum inter se discernuntur, quod boni intelligentia edicit uim quandam enti inesse, cur expetatur. Semper autem prius in animum cadit notio entis, quam boni. nam quicquid intelligentia consequimur, semper id prius esse, quam tale esse concipimus. nec potest mens nostra ullam boni rationem comprehendere, si nullam entis notitiam anteceperit; entis uero naturam sine ulla boni cognitione potest. atq; ut menti prius sese offert ens, quā bonum, sic quoq; prius ens, quam bonum, a mente percipitur. Sed & bonum ente, ut genere, definitur. definitur enim bonum esse ens perfectum. ens uero non necesse habet bono definiri. Quod si id, quod adhibetur ut genus ad declarandam alicuius rei definitionem (quemadmodum docent dialectici) natura prius est eo, quod definitur; profecto ens bono prius erit. nam in exprimenda propria boni uim generis uicem tenet. Verumtamen si obijcias interdum alicuius rei propriam aliquam potestatem animo notari eius non percepta natura, respondebo, nunquam proprietatem ullam cuiusuis rei perfecte posse cognosci, non prius cognita eius notione, imperfecte uero posse. Quin proprietatem illam prius animus concipit, quod sit, quam quod talis sit. Et ut breuiter dicā, quicquid ab intelligentia comprehenditur, quatenus

in rerum

in rerum natura est, comprehenditur. Quare notitiam boni in animo anteuertit cognitio entis. Nec tamē existimatis idcirco boni nomen aliquid exprimere, quod ens ui sua non contineat. quandoquidem (ut demonstratum est) ab ente bonū re non secernitur. sed uti reliquae entis proprietates, (est enim bonum entis proprietas) solo uerbo & significandi ratione distinguitur. Hæc tamen pluribus disserenda metaphysico relinquamus. Nos ex eius quasi officina tantum ea mutuati sumus, quae ad patefaciendam boni naturam utilia fore censuimus. Sed oritur questio subdifficilis, & inter uiros doctos uersata. **N. C.** Quae isthæc est? **BAR.** An boni ratio solum in appetendo consistat, hoc est, an bonum entis significationi aliquid aliud addat, quā (liceat ita mihi per uos loqui) optabilitatem, entis inquam ad appetitum relationem. Etenim quia boni nomen ad aliud relatae rei uox est. finitur enim id esse, quod res omnes appetunt. nonnulli aiunt solam entis relationem ipsam boni rationem esse, nihilq; aliud significari boni uerbo, quam ens, quod ad aliud cōfertur. Ego uero aliter sentio. Nam illa definitio tantū declarat bonū cum fine conuenire : sed cur expetatur, aliā causam afferat netesse est : eiusq; natura prius extet oportet, quā ut ametur. Et si propria potestas boni est (sicut Dionysius Areopagita inquit) ut se se alijs communicet & quasi diffun-

DE SUMMO BONO

diffundat, sane prius esse bonum, quam tale esse concedes; atq; in eo causam inesse, cur expetatur. optabile enim est, quia bonum. Sed rem planius exponam. MER. Iure. nam res subtilitate sua hebetiorum mentes facile prateruolat. BAR. Est quidem in rebus a natura insita ad rem sibi conuenientem propensio; quae uulgo appetitus nuncupatur; est etiam rei species, quae appetitui obijciuntur; est postremo ad oblatam sibi rem appetitus commotio. equidem appetitus ab obiectae rei forma mouetur. Ex quo appetitae rei natura ante appetitus motionem est: neq; ab appetitus commotione boni natura perficitur, sed rei perfectio sua specie appetitum ciēt, atque ad se allicit. Quapropter appetitae rei ad appetitum respectus non est boni natura, sed ex eius natura existit. Ac quēadmodum aspectus non est ratio coloris, sic optabilitas non est ratio boni, quae in rei perfectione consistit. Tum si bonum res nulla est, sed solum nomen rei ad appetitum relatae, quaeso Deus antequam mundum procreasset, num bonus etiam dicendus fuisset? negare uidetur nefas: si cōcedis, rogo quam ad rem eius bonitas cōferebatur, cum prater eum nulla res esset? Sed & mundus nōne tibi bonus esse uidetur, quem mirabili ornatu distinctum, atq; omnibus bonis cumulatū & expletum cernis? at sub quam oro pariter cum aliorationem cadit? hoc enim est ad aliud referri.

Hac

Hæc uere dicerentur de bono, quod alijs confert, non de bono, quod cum alio non confertur. Est enim quoddam bonum, quod respectu nullam ad rem habet, quoddam, quod ad alterius rationem pertinet. nos autem de uniuerso genere boni loquimur.

MER. Bene rem satis enodasti, quæ nobis inuoluta primum, atq; obscurior erat. BAR. Ex his, quæ dicta sunt, (ut unde fluxit, eo remigret oratio) bonum, quia naturaliter ab omnibus expetitur, in eam, quam finis, sententiam reuocatur. nã est terminus, in quem fertur appetitus. Ideoq; boni ac finis apud ueteres eadem est definitio, et significatio. Ac quemadmodum causa, quæ græce τελευτη, a nostratibus finalis appellatur, reliquarum causarum exitu quidem nouissima est, sed animo prima concipitur, sic bonum licet ens consequatur, prius tamen appetitum suæ speciem mouet. Interea nos pulchrum ut ad se digrediamur inuitat: quod etiam magis uoce abest, quam re a bono. Vultis ne paulisper, ni quid amplius hic hæretis, eo diuertamus?

MER. I præ, sequemur. BAR. At uero eius naturam ex corporæ pulchritudinis ratione facilius deprehendemus. Tria sapientissimi homines in corporis pulchritudine aduertunt, debitam partium magnitudinem, aptam illarum inter se compositionem, coloris toto corpore fusi suauitatem. Horum si quid absit a corpore, formosum illud dici nolimus.

DE SUMMO BONO

ci nolunt. Etenim pusillos homines, licet recte compositi efficiq; sint, tamen quia carent iustā mole, nequaquam pulchros, sed concinnos volunt nominari. membrorum uero cōpositio quasi lineamentis formam pulchritudinis effingit: quam deinde sanguinis uenustas colorat. Maxime autē naturae suae speciem pulchritudo in membrorum apta dispositione ostendit. Itaq; ut ab his, quae cernuntur & tanguntur, ad ea, quae ratione & sapientia comprehenduntur, rationes trāsferamus, aio pulchrum ex rei perfectionum tanquam partium apta inter se collocatione atq; ordine constare. Vnde a bono pulchrū hoc differt, quod bonum rei perfectionem notat, eius uero dispositionem pulchrum. Quare alterum ab altero seiungi non potest, quoniam iisdem finibus utrunq; coercetur. quāquam non eadem ui animi utrunq; percipitur. siquidem bonum ab appetitu expetitur, pulchrum a mente cognoscitur: illud ad uoluntatem, hoc ad intelligentiam defertur. NIC. Istud amabo dic planius. BAR. Mos a me uobis semper gerendus est lubētissime. sed te rogo an liqueat uobis boni uoce perfectionē rei significari? NIC. Liquet. BAR. Pulchri uero intelligentia perfectionis descriptionem concipi? NIC. Etiā. BAR. Atqui res suis locis disponere nonne munus est rationis & intelligentiae? NIC. Videlicet. BAR. Et pulchrum nonne recta perfectionum compositio

zio facit? N^o c. Sic est. BAR. Igitur pulchri formam mens ac sapientia uidet, nempe quae ordinis uim & naturam intelligit. Quin corporea & assestabilis pulchritudo ab his sensibus maxime capitur, qui plurimum intelligentiae deseruiunt, simpliciores atq; agiliores ministri, uisum inquam & auditum; quorum alter uenustatem, alter harmoniã sentit. et utraq; harũ certa partium & numerorum ratione consistit. Equidem appetitus dñi bonum sequitur, tantum quod secundum naturam est amat: sed eius descriptionem intelligentia contemplatur. Proinde pulchri uox ad boni notionẽ addit ordinem: ita ut bonũ simpliciter id sit, quod appetitui arridet; pulchrũ uero, cuius species cõprehensa animum delectat. Sed ne diutius hoc loco immoremur, declinante iam ad occasum die, quod restat iter conficiamus. Ac quando de bono tam multa diximus, ni quid præterea de eius natura ambigitis, uultis de ipsius appetitione pauca dicamus? MER. Etiam uolumus. BAR. Appetitum externa disputatione, si recte meministis, doctorũ hominũ sententia triplicem fecimus naturae, sensus, & rationis: quanquã deinde sensus ad obiectae rei speciem cõmotio appetitus nomẽ proprium effecit. Aio itaq; bonum alio modo, cum eo caremus, expeti, alio, cum eius potimur, amari. nã cum absens perquiritur, uelut a materia forma efflagitatur, ferturq; ad illud appetitionismotus, quasi

DE SUMMO BONO

quasi ad metā cursus : cū uero possidetur , in eius fructu appetitus conquiescit & tranquillatur. *Ve* uero differētibus nominibus ista discernamus, absentis boni appetitū uocemus desideriū, presentis uero amorē : ac desideriū quidem inchoatae, absolutae uero rei amorem. *MER.* Cur desiderium inchoatae rei appetitum esse dicis, amorem absolutae? *BAR.* Quia nulla res est, quae naturae suae uim omnem requirat. nam alioqui non esset in rerum natura, si omni perfectione careret, quandoquidem in nulla entis potestate esset. Quod si in rerum natura est, uim aliquam naturam esse oportet; quoniā entis aliquid assequuta est. Nulla igitur res, saltem quia est, totam perfectionem suā desiderat : at potest tota sua perfectione gaudere. Idcirco desiderium inchoatae, amorem perfectae rei appetitionem esse diximus. *MER.* Sapiēter & argute dictum. *BAR.* Quādo naturā boni descripsimus, agite inspiciamus, quā in re boni ratio perfectae et absolute insit. nimirū quā res in uniuerso ex se perfecta & bona sit omnem continens bonitatem. Verum ni superuacaneum aut molestum uobis uidetur, paucis ea repetā, quae de natura boni antea explicuimus. *MER.* Nobis in re obscura & perdifficili neq; superuacaneum id uidetur, neq; molestum est. *NIC.* Leuium rerum, & importuna repetitio ea est, quae intelligentibus fastidium parit : sed dictorum commemoratio, quae

RECOR-

recognitionem rerum affert, quarum audientes meminisse oportet, perquam sane utilis est: quin etiam tunc grata, cum ad futuram dictionem aditum munit: BAR. Bonum itaq; id est, quod naturae suae aptum, & congruentem modum seruat. Si uero me roges quam uim subiectam huic nomini, cum modum dico, sentiam, respondebo perfectionis: ita ut cuiusq; rei in suo genere perfectio ipsa sit forma & ratio boni.

Quae si etiam alteri prodest, tunc non solum sui, sed etiam alterius gratia res bona est. Semper autem boni quasi sedes & fundamentum est rei uel sibi in suo genere aptus & conueniens modus, uel alterius quoq; naturae conferens perfectio. Habetq; finis rationem, ad quem nimirum uel sua procliuitate sensus mouetur, uel uoluntario motu animus instigatur, uel a natura insita uires unaquaq; cietur. Iam si rerum uersitatem consideremus, nullam rem esse uidebimus, quae non a Deo facta & perfecta sit: Deum uero nullum ortum habere, sed eundem semper & sui similem extitisse. Ex quo aperte conficitur solum Deum per se bonum esse. Intuere terram in media mundi sede locatam, circumq; fusam aquam, & ambientem utramq; aëra; qui & ipse coërcetur ab igne: ex quibus elementis nasci omnia dicuntur. mox suspice candentes caelorum orbis, in quibus certis locis fixas cernimus innumerabiles stellas, errantes

DE SUMMO BONO

errantes etiam aliquas, et cōtrario motu, quā cœ-
 lum extimum, sese uertentes: quarum uaria con-
 citatione diuersas res quotidie generari uidemus.
 demum contemplare totius orbis faciem & orna-
 tum, uniuersitatis ordinem, ac tantæ molis gu-
 bernationem: ipsamet rerum uniuersi natura te
 confiteri coget huius tam præclari & eximij ope-
 ris unum aliquem effectorem & molitorē esse æ-
 ternum & immortalem, qui a nullo genitus sit: cū
 omnium rerum unū aliquod principium esse opor-
 teat, quod ipsum semper fuerit nullo unquam or-
 tu generatum. Hæc autem præstans & excellēs
 natura, quæ mundum effecit, mouet, regit & gu-
 bernat, Deus est, qui unus semper atq; idem est,
 principij nomine a diuinarum rerum peritis iure
 maximo nuncupatus. quo etiam nomine Christus,
 quod Deus esset, non iniuria se ipsum appellauit.
 Quamobrem cum Dei optimi maximi nulla origo
 sit, eum per se bonum esse necesse est; quæ uero
 a principio generata & orta sunt, ea non a se, sed
 a principio bona sunt. Cum igitur res ea uere, et a
 a se bona sit, quæ nulli bonitatem suam acceptam
 refert; istius autē modi solus sit Deus, cuius nulla
 origo reperiri potest, certe solus a se bonus est
 Deus. NIC. Atqui ex apostoli Pauli sententia
 non dixi omnem rem a Deo procreatam bonam
 esse? BAR. Dixi: at tu res procreatas a Deo a
 se ne, an a Deo bonas esse inquires? NIC. A Deo.
 BAR.

BAR. Quin vt dem tibi per se bonas esse, tu tamen illarum virtutem, ad diuinā nihilominus referes necessario. **NIC.** Quamobrem? **BAR.** Audi. Bonum, quod sepe commemoro, eandem vim habet, quam suis. Itaq; quod est bonorum extremum, id est omnino per se bonum. Ac quemadmodum princeps & perfecta causa in efficiendo maxime dominatur, nec secunda & proximae absq; primariae ui & instinctu quicquam efficiunt, sic medij secundue fines sine ultimi respectu mouere nil possunt. Quare ad Deum ultimum & extremum bonorum oportet uniuersa bona referri. Patet igitur Deum per se bonum esse, quia nullum extra se, aliumue a se finem respicit; sed ad se ipsum omnia reducit. **NIC.** Egregie. **BAR.** Præterea Deo nihil attribui potest, quod eius naturae adiunctum credatur; sed quicquid in eo inest, id a natura diuina non seiungitur; quæ summe simplex est, nihil habens admixti, omnisq; cōcretionis expers & iunctionis: in nobis uero sapientia, scientia, uirtus, & huiusmodi qualitates aliae nostrae naturae adiunctae sunt res, nec eiusdem cum natura rei, sed diuersae. Quocirca solus Deus uere & perfecte bonus est, in quo bonitas est eiusmet diuina cælestisq; natura. Quin etiam proprie bonus est, qui solus per se talis est; alioquin imperfectus foret, si per se talis nō esset. nam aliquid aliunde reciperet. Et cuiusuis quidē

DE SUMMO BONO

rei natura re aliqua extrinsecus accedente perficitur, uel existētia, ut existat (sane proprius nomen aliud in praesentia mihi non occurrit, quo ream exprimam, qua cuiusq; natura existit) uel uirtute; ut suas actiones exerceat, uel finis adceptione, ut certo fructu latetur. atqui alia existentiae, alia essentiae ratio est; & uirtus naturam recte afficit; a qua etiam finis distinguitur, quem non sine aliquo externo & aduentitio adiumento contingimus. Ceterum Dei essentia nulla existentia foris accersita existit; nec ullo attributo in-formatur, quae nulli rei admiscetur; & seipsa contenta est, quae aliunde non pendet. Quare a se bonus & absolute perfectus est. Praeterea immensus et infinitus est, nullo extremo nulloq; principio circumscriptus. sua igitur ui summe bonus est. Quam etiam diuus Augustinus huius rei fidē his argumentis facit. Cui nihil mali admixtū est, id uniuersum bonum continet; nam malum finitū esse boni priuationem. Quamobrem a quo nihil boni detrahitur, id omni malo caret. atqui solus Deus est in uniuerso perfecte absolutus, purus, ut philosophi loquuntur, actus; qui fugit omnem extrinsecus aliquid accipiendi necessitatem. Tum quicquid tale est, quale ab aliquo fit, porro huius naturae potestas ad causae uirtutem reuocatur; ueluti receptus a ligno calor ad ardorem ignis refertur, qui ex se calidus est. atqui
ceterae

ceterae omnes res bonitatem suā in acceptū Deo referunt. Omnis igitur bonitas ad diuinam bonitatem, ueluti ad fontem, reducitur. Patet igitur nullam rem, quae principium habet, a se bonā esse. Quid autem habes, inquit apostolus Paulus, quod non accepisti? aut quis prior dedit illi? & retribuitur ei. Sed quicquid usquam boni est, id a Deo est. Meritoq; sanctus Iacobus, Omne donum optimum, & omne datum perfectum desursum est a patre luminū: nec male Homerus, quāquam male plures Deos facit, *Δεν δ' ὀνείρεται ἰδὼν*. **N**ic. At uero audime. Cum uniuersitatis res bonas esse dicis, aliqua bonitate affectas illas dicere uideris: cum uero a Deo bonas esse ais, illarum bonitatem ad diuinam refers. Quaeso explica quomodo res uniuersae bonae sint & sua bonitate, & ad diuinam relata. **B**ar. Non inscite loqueris; & philosopho digna quaestio est: quam plane expediam. Quod uniuersae res bonae sint, praeter sacrae scripturae auctoritatem, quae res omnes productas a Deo bonas uocat, etiam confirmari argumentis potest. Nam quicquid efficitur, ab aliqua causa efficitur; nec a sua causa dissimile est, sed habet similitudinem ad causam, atqui uniuersitas rerum a Deo genita est, habet igitur ad parentem suum & opificem similitudinem. Sunt ergo res uniuersae bonae, quando illarū effector bonus est. Tum unaquaq; res suum habet

DE SUMMO BONO

modum, speciem, & ordinem, e quibus bonum extat: sua ergo bonitate res quæq; consistit. Ad hoc quæ inter se contrarie opponuntur, eidem rei insunt, quamuis non eodem simul tempore. cadit autem in rem creatam malum. ergo cadit etiam bonum. Postremo nulla res est, quæ non ullam habeat uirtutem aliquid efficiendi. ergo habet etiam causam, cur expetatur. quandoquidē in quo uis inest efficientis causæ, in eodem inest ratio finis.

Nic. Satis quidem probasti res uniuersas bonas esse: proba easdem sua bonitate bonas esse. Bar. Quid autem aliud est certum modum, speciem, & ordinem habere, quam habere propriam bonitatem? Nic. At quo modo cuiusq; bonitas ad diuini numinis bonitatem refertur? Bar. Attende quæ doctrina, pietate, & genere insignis Thomas Aquinas in hanc rem scribit. Trium horum modorum uno aliquo rem quampiam uel bonam, uel calidam, uel nigram, uel alio quouis nomine eiusdem generis nuncupari ait, aut ab inherente sibi & insita forma, ueluti parietem ab infuso illi candore album nominamus; aut ab externa et aduentitia, sicuti animam dicimus sanam ab animantis sanitate; aut ab insita simul & extraria, quemadmodum aer solis & suo pariter splendore nitescit. Hoc pacto res a Deo generatae bonæ sūt & sua, et diuina bonitate. Quæ quidē bonitas diuina omnis generis perfectionum & efficiens causa,

sa, & finis, & exemplar est. NIC. Egregie diuus Thomas, ut cetera apte, et dilucide. BAR. Ex his perspicuum est Deum ab omnibus rebus naturaliter expeti: quoniam rei cuiusq; perfectio diuinæ bonitatis quadam est communicatio. Ex quo in omnibus rebus Deus inesse dicitur, quia, ut sit in rerum natura, unicuiq; tribuit. Quamobrè si unaquaq; res perfectionem suam desiderat, haud dubium est, quin etiam diuini numinis communicationem asciscat. Quam licet asciscere se non intelligat res, quae mentis ac sapiëntiae expers est, tamen insito quodam instinctu ad illius appetitionem excitatur. Restat ut bonum in sua genera dispertiamus: quae ex differentibus inter se rerum naturis constituuntur. NIC. Aduerto quem serues docendi modum. Primum una cum nominis interpretatione bonum ipsum definiisti: nunc in genera partiris. BAR. Prima boni partitio nobis hæc sese offert, quae illud in duo genera diuidit: quorum alterum ab alio fluat, alterius uero nulla sit origo: hoc a solo Deo possidetur, cuius nulla origo reperiri potest, illud ceteris rebus a Deo eömmunicatū est. Cui quidē diuisioni similis est illa, quae bonum secatur in id, quod a se, atq; in id, quod ab alio est. Nam bonum, quod a se est, nullum habet principium; quod uero ab alio est, sane oritur aliunde. A qua etiam non longe discrepat illa distributio, quae bonum partitur in natura & sim-

pliciter bonum, & bonum ex adiunctione. *Poco*
natura bonum, quod naturae adiunctum non est,
 sed est ipsamet natura: ex adiunctione uero, quod
 ab aliqua re extrinsecus adueniente absoluitur.
 cuiusmodi est rerum creatarum bonitas. quarum
 essentia, existētia, uirtus operatione, finis alio ex-
 tra se extremo perficitur. Verū in Deo nulla per-
 fectio fingi potest, quae non ipsius natura sit sim-
 plex & undequaq; absoluta. Et ut substantiae,
 quā uicīa græci uocant, nullares (quemadmo-
 dū philosophi docēt) cōtrarie opponitur, & com-
 paratiuam magnitudinem non habet, sic in diui-
 num bonum, quod natura bonū est, nihil mali po-
 test accidere, & comparabile non est, ut remissius
 uel intensius fiat. quoniam uniuersam bonitatem
 complectitur. Reliquae res, quae prae suorū ter-
 minorum exiguitate nequeunt uniuersam bonita-
 tem capere, pro suo quæque genere magis minus-
 ue bonae sunt, & repugnantem naturae suae qua-
 litatem recipiunt. Quarum sane bonum haud im-
 perite mali sedem uocaueris: quoniam defectio-
 nem patitur. Atq; ut res illa ceca merito dicitur,
 quae cum nata apta sit oculorū sensum habere, nō
 uidet tamen; sic boni priuans contrarium (neq;
 enim malum aliud est, quam boni priuatio) in id
 cadit, quod natum aptum est aliqua perfectione
 finire. Vnde cum bonū dicimus, si nihil aliud ad-
 dimus, Deum intelligimus: quippe cuius bonitas

eius

eius natura est. Quamobrem Christus solum Deū bonum esse prædicat : ceteris uero rebus boni nomen apponitur, ut cum bonum cælum, bonā tellurem, bonos fructus dicimus. Itaq; (ut grammaticorum more loquar) boni nomen substantiue datur tantum Deo, alijs uero rebus adiectiue. His congruens accedit illa diuidendi bonū ratio in immutabile, atq; mutabile. Est autem immutabile, quod semper idem, ac sui simile manet: cuiusmodi unus dumtaxat est Deus, qui nec tempore, nec loco, nec consilio, nec uoluntate, nec re ulla mutatur. Quod de se ipse ait per Hieremiam prophetam, Ego Deus, & non mutor. Ceteræ uero res inconstantes sunt, atque flexibiles. Nā quæ sub aliquem sensum cadunt, nos ipsi ea cernimus nasci & interire, minui atq; augeri, modoq; hanc, modoq; illam qualitatem formamq; subire. Et quid est Deum immortalem sub lunari hoc orbe, quod per diu constantiam ullam & immutabilitatem seruet? Quid statuū perturbationes? quid inclinationes temporum? quid rerum publicarum conuersiones memorem? quæ satis monent fallaces esse spes hominum, atq; inanes cogitationes, et operas. Simplicium quoq; mentiū, quas hebræorū more angelos nuncupamus, natura licet æterna sit, nihilominus mutabilis est. Nā illarū æternitas a diuini numinis æternitate principium trahit. Tum etiam uoluntate mutabiles sunt, quia a-

DE SUMMO BONO

Etionum suarum liberam potestatem habent, ut in-
 tegrum sit illis hoc, uel illud sequi. Quod si uo-
 luntatum, certe etiam consiliorum habent muta-
 tionem. Exemplo nobis est malorum demonū mu-
 tatio: qui a diuino imperio desciscientes conditio-
 nem ex felici miserrimam obierunt. Quod uero
 beati (eos uoco beatos, qui diuino cōmercio fruun-
 tur) rem ulla malam uelle amplius nequeant, di-
 uini muneris hoc est, non ipsorum naturae. Quid
 charitatis intensio, quae in beatis etiam est, non
 ne uobis species quēdam uidetur esse mutationis?
 Solus igitur Deus bonū est immutabile, qui solus
 semper aternus et immutabilis est. Nec partiti-
 onem illam silentio prētermittam, quae bonum in
 uniuersale, et singulare distribuit. Facit enim cum
 dictis non parum. Nam singulare bonum est cu-
 iusq; rei creatae sua propria & unica perfectio:
 uniuersale uero perfectiones omnes suo quasi gre-
 mio cōcludens, idem, quod summum, immutabile,
 simplex, natura, a se, nec aliunde productum bonū
 est. Quare boni significatio, quia primum notat
 Dei perfectam & absolutam naturam, deinde ip-
 sius operum uirtutes, a diuina & efficiente causa
 ad effectus naturas deducitur. Quae uocum deri-
 uatio a dialecticis analogia nuncupatur. Facit ad
 propositam nobis de summo bono thesim prēterea
 in medium, et extremum boni diuisio. Vltimum
 est, ad quod cetera referuntur; quae uero ad ip-
 sum

sum referuntur, media sunt : illud propter se, hoc extremi gratia optandum ; illud iure bonum, hoc commodum apte uocaueris . Quin extremum bonum illud est, in cuius adeptione animus conquiescit ; medium uero ad consequendum extremum adhibetur : illud latabile, hoc utile nominemus. Deus, qui principium est, idem est uniuersarum rerum finis ; atq; ut princeps causa in efficiendo, sic in mouendo finis maxime ualet : Ipse igitur extremum & summum bonum est : eoq; solo fruendum nobis est, reliquis uero rebus utendum. Quam rem animo quidam reputantes, & appetitus commotione cum corporis motu inter se componentes, bonum in honestum, utile, & delectabile distribuerunt. Nam termino, in quem motus intenditur, honestum ; medio uero, per quod agitur corpus, utile ; at quieti delectabile opposuerunt . Honestum interpretare non solum quod est (ut tradit Cicero) cum uirtute coniunctum . hoc enim modo solum quod humane rationi consentaneum est intelligeretur, sed quicquid propter se expetitur : quod deinde adeptum delectationem affert . Quae porro bona quandoq; re, quandoq; tantum ratione inter se discernuntur . Nam quod utile est, idem esse potest delectabile ; & quod delectabile, honestum : non secus ac potio dulcis ad uoletudinem conferens utilis est, atq; suavis : uirtus etiam honesta, & iucunda. tamen, si sua quodq; ratione perpēdamus, haud

DE SUMMO BONO

haud dubio diuersa extiterint. Nonnulli in bono-
 rificum, laudabile, & utile bonum diuiserunt: sed
 honorificum appellarunt id, quod sui gratia expe-
 titur, quale est felicitas; laudabile uero, quod li-
 cet aliquam dignitatem honesti habeat, tamen ad
 aliud refertur, ut forma, pudor, solertia; at utile,
 quod tantum ad rem quampiam cōmodo alicui est,
 ut diuitiae. Alij duo boni genera designarunt, al-
 terum perfecti, alterū etiā perficientis: uocantq;
 perfectum, quod habet naturae suae conuenientē
 modum; perficiens uero, quod alteri prodest: il-
 lud sui tantum rationem concernere, hoc etiā ad re-
 aliam respectum habere. Neque enim bonū sem-
 per relate opponitur. Quin saepe quod perfectum
 est, aliorum perficiens est bonum. qualis in primis
 Deus est sapiēs author & grādis opifex uniuersi,
 omnis boni fons & origo. Multae etiā res pro suo
 quaq; genere huiusmodi sunt. Semper autē prius
 boni significatio ad id, quod perfectum est, deinde
 ad perficiens trahitur. Illa uero bonorum sectio in
 magna, media, minima, Deum excipit; cuius uir-
 tus omnium comparisonem uincit; diuitiat ea,
 quae a Deo generata sunt, meminit, habentia in-
 ditae bonitatis primos, secūdosue gradus: ac quo
 res quaq; magis naturae diuinæ particeps fit, eo
 melior ac perfectior est. Declarat autem Augu-
 stinus minima bona ea esse, sine quibus recte uiuē
 potest; qualia sunt bona corporis & fortunae:

magna

magna uero bona, quæ rectam uitam efficiunt; quo in genere sunt uirtutes, rationi inquam consentaneæ & constantes animi affectiones: at media bona, quibus bene ac male uti possumus; cuius generis sunt naturales animi uirtutes, quas nostrates philosophi potentias appellant. Illarum enim est ad uitia uirtutesue capeffendas usus. Nic. Vnde obsecro tot boni diuisiones coëgisti? omnium eruditorum hominum libros euoluiffe uideris. BAR. Ipsamet notio boni diuidendi sui tot nobis uias aperuit. Nihilq; obstat, quo minus rem eandem multis modis pro diuersa ratione, quam eius ducimus, partiamur. Nunc quæ ad hominem pertinet genera bonorum constituenda sunt; ut tandē extremum uideamus: quo nos omnes cogitationes atq; conatus intendere oporteat. Sunt autē omniū consensu tria genera bonorū Animi, Corporis, et Fortuna. quāquā Cicero duo tantū genera primū efficit fortunæ, & naturæ. Sed naturæ bona deinde in animi & corporis partitus nihil ab alijs dissensit. Fortunæ bona uocant, quæ extra nos sunt, ut patria, genus, opes, amici, honores, imperia, fama popularis, & quæ his similia sunt. Verum plurali casu fortunæ diuitias significant, & quam græci *ὕλη*, Quintilianus substantiam, Cicero facultates, iurisperiti bona ciuilia appellant: quæ nimirum in ciuili nostræ rei familiarem possessionem ueniūt. Nec quæro an sit ulla in uniuerso fortuna,

DE SYMMO BONO

aut quid sit. nihil enim hic mea. sed ueterū usus
 pans uocabula fortunae bona appello, quae extra
 nos sunt, nec nostram naturam ulla ex parte at-
 tingunt. Quae quidem bona quia pro diuini numi-
 nis uoluntate ignota nobis & occulta mortalibus
 conferuntur, ideo illa temere interdum dari malis
 indignisue hominibus censentur. Quod utiq; non
 ita iudicaremus, si Dei mens et cōsiliū a nobis te-
 neretur. At bona corporis sunt ualetudo, uires,
 pernitas uelocitas, sensū uis & integritas, for-
 ma, suauitas coloris, uenustas oculorū, candor
 dentū, lenitudo uocis, mollitudo corporis: que-
 cunq; aut ualetudinē & integritatē, aut pulchri-
 tudinem & uenustatē corporis spectant. Verū ani-
 mi bona laudabiles animi qualitates sunt. Quo-
 rum quaedam insita sunt a natura, quaedam studio
 & exercitatione comparata; ac quaedam supe-
 riorem animi partem, quaedam inferiorem perfici-
 unt. siquidem animus in partes duas appetitū
 & rationem distribuitur. Et naturae bona, qui-
 bus mens ornatur, sunt praecipue solertia, me-
 moria, iudicium; quae etiam arte, & usu confir-
 mantur: acquisita uero sunt doctrinae omnes, atq;
 scientiae. quarum tamen initia a natura ducuntur.
 Verecundia uero, cōtinentia, fidentia, affabilitas,
 benignitas, grauitas, & quae eiusdem generis
 sunt animi affectiones, tum laudabiles, quia uir-
 tutem imitantur, tum naturales, quoniam a na-
 tura

tura inferuntur, sunt ad appetitum attinentia bona. ceterum fortitudo, temperantia, iustitia, & his annexae uirtutes rectae sunt appetitus affectiones studio et consuetudine a ratione & sapientia confirmatae. Ac sane affectiones omnes, hoc est, animi ad rem quampiam propensiones, uel a natura sint, uel studio habitae, mores a latinis, a graecis ἠθῶν uocantur. quarum omnium moderatrix est prudentia. Exposui uobis breuiter quot, et quae sint ad hominem conferenti genera bonorum. deinceps quærere oportebit, in quo beatam uitam constitutam esse uelimus: aut si finis in nullo horum ponendus sit, inuestigandum erit aliquod aliud extra nos, sed naturam nostram attingens bonum, quod nos beatos efficiat. At uero æquum non est omnem disputationis laborem a me sustineri: partem illius aliquam a uobis sumi decet. NIC. Et quid est hic operae, quam nos præstare possimus? BAR. Prima disputatione quæ esset beatitudo indicauius, tum ubi esset inquirere instituius: ac primum boni fontes et genera inuestigare cœpimus. Vobis id nunc agendum est, ut tu Nicolae bona corporis, et fortunæ perscruteris, aduertasq; an beatitudo in illis domicilium suum posuerit; tu Merula bona animi indages, obseruesq; an hominis felicitatem secum iunctam habeant. Quod operis perficiendum restabit, ipse conficiam. MER. Equidem
me

DE SUMMO BONO

cavit; ut illi peregrinos, atq; aduenas mercatores excipiendi omnis occasio tolleretur: quorū cupiditate profecta studia facile imbecilles hominē mentes inficiunt. Quid igitur mirum est, si ciuitas nostra mamertina, quod omnium nationū et gentium multitudo propter opportunitatem portus in urbē undiq; confluat, diuersis moribus & studijs dissipata nullo charitatis & amicitiae uinculo continetur? sed auaritiae morbo indies grauius uehementiusq; afflicta? Iacent bonae artes, nullusq; ingenuis et liberalibus doctrinis honos habetur: sed illud poëtae carmen semper usq; cantatur,

O ciues ciues, quæreda pecunia primū est,
Virtus post nummos.

Quid enim pecuniae uirtutē anteponant, si (ut idem poëta loquitur.)

Et genus, & formam regina pecunia donat?
Verum obsecro, quid homine dignius? aut quid ad animi culturam accommodatius esse potest bonarum artium disciplinis, quae ex agresti ciuilem nobis uitam efficiunt? Reliqua sane bona, si corporis sunt, aut ægritudine uitantur, aut semo conficiuntur; si sub imperium diuionemq; fortunae cadunt, nec satiare hominem possunt, cuius naturam non attingunt, nec in ullius possessione diu

diu permanere ab hera sinuntur; quae inconstās
 & instabilis nulla ratione, sed sola temeritate
 uersatur, & regitur. Rectae uero artes animum
 excolunt, mentē alunt, hominem a brutis animā-
 tibus secernunt; nec auferri e nobis queunt, quae
 nullius potestati, aut improbitati subiiciuntur,
 sed nostro studio & labore cōparantur, semperq;
 nobiscum manent, & in secundis rebus ornamen-
 to, & in aduersis solatio. Itaq; uides Petre fra-
 ter quantum patri nostro debeamus, qui nos bo-
 nis artibus instruendos a pueris curauit, uir non
 solum natura, sed etiam uoluntate bonus. Nam,
 ut ille idem Plato sentit, inter corruptos cupidita-
 tibus homines uirtute praeſtare, hominis eſt non
 solum a natura recte instituti, sed etiam intelligen-
 tis & seligentis bonum. Quamobrē Deo immor-
 tali gratias semper ago, & habeo, quod tali patre
 ortus & educatus sim; qui religiosorum morum
 praeceptis, & bonarum artium doctrinis filios in-
 stituit, ad ea studia quemq; appellens, ad quae na-
 tura aptum uideret. Ac te quidem ad iuris ciui-
 lis scientiam cohortatus est; qua ciuitates prudē-
 ter & legitime gubernantur: me uero, quod a iu-
 diciorum strepitu abhorrentem, atq; ab omni ne-
 gociatione alienum agnosceret, politioni doctri-
 nae & humanitati excolendum tradidit. quē de-
 inde philosophia, praesertim ea, quae bonarum
 malarumq; rerum cognitionem proficitur, exce-
 pit,

DE SUMMO BONO

rei natura re aliqua extrinsecus accedente perficitur, uel existētia, ut existat (sane proprius nomen aliud in praesentia mihi non occurrit, quo ream exprimam, qua cuiusq; natura existit) uel uirtute, ut suas actiones exerceat, uel finis adaptione, ut certo fructu latetur. atqui alia existentiae, alia essentiae ratio est; & uirtus naturam recte afficit; a qua etiam finis distinguitur, quem non sine aliquo externo & aduentitio adiuumento contingimus. Ceterum Dei essentia nulla existentia foris accersita existit; nec ullo attributo informatur, quæ nulli rei admiscetur; & seipsa contenta est, quæ aliunde non pendet. Quare a se bonus & absolute perfectus est. Præterea immensus et infinitus est, nullo extremo nulloq; principio circumscriptus. sua igitur uis summe bonus est. Quam etiam diuus Augustinus huius rei fidē his argumentis facit. Cui nihil mali admixtū est, id uniuersum bonum continet; nam malum finiūt esse boni priuationem. Quamobrem a quo nihil boni detrahitur, id omni malo caret. atqui solus Deus est in uniuerso perfecte absolutus, purus, ut philosophi loquuntur, actus; qui fugit omnem extrinsecus aliquid accipiendi necessitatem. Tum quicquid tale est, quale ab aliquo fit, porro huius naturae potestas ad causae uirtutem reuocatur; ueluti receptus a ligno calor ad ardorem ignis refertur, qui ex se calidus est. atqui
ceterae

ceterae omnes res bonitatem suā in acceptū Deo referunt. Omnis igitur bonitas ad diuinā bonitatem, ueluti ad fontem, reducitur. Patet igitur nullam rem, quae principium habet, a se bonā esse. Quid autem habes, inquit apostolus Paulus, quod non accepisti? aut quis prior dedit illi? & retribuetur ei. Sed quicquid usquam boni est, id a Deo est. Meritoq; sanctus Iacobus, Omne donum optimum, & omne datum perfectum desursum est a patre luminū: nec male Homerus, quamquam male plures Deos facit, *Dei δ' ὁντ' ἄρ' ἐόν.* N I C. At uero audi me. Cum uniuersitatis res bonas esse dicis, aliqua bonitate affectas illas dicere uideris: cum uero a Deo bonas esse ais, illarum bonitatem ad diuinam refers. Quaeso explica quomodo res uniuersae bonae sint & sua bonitate, & ad diuinam relata. B A R. Non inscite loqueris; & philosopho digna quaestio est: quam plane expediam. Quod uniuersae res bonae sint, praeter sacrae scripturae auctoritatem, quae res omnes productas a Deo bonas uocat, etiam confirmari argumentis potest. Nam quicquid efficitur, ab aliqua causa efficitur; nec a sua causa dissimile est, sed habet similitudinem ad causam, atque uniuersitas rerum a Deo genita est, habet igitur ad parentem suum & opificem similitudinem. Sunt ergo res uniuersae bonae, quando illarū effector bonus est. Tum unaquaeq; res suum habet

DE SUMMO BONO

modum, speciem, & ordinem, e quibus bonū extat: sua ergo bonitate res quæq; consistit. Ad hoc quæ inter se contrarie opponuntur, eidem rei insunt, quamuis non eodem simul tempore. cadit autem in rem creatam malum. ergo cadit etiam bonum. Postremo nulla res est, quæ non ullam habeat uirtutem aliquid efficiendi. ergo habet etiam causam, cur expetatur. quandoquidē in quo uis inest efficientis causæ, in eodem inest ratio finis. **Nic.** Satis quidem probasti res uniuersas bonas esse: proba easdem sua bonitate bonas esse. **BAR.** Quid autem aliud est certum modum, speciem, & ordinem habere, quam habere propriam bonitatem? **Nic.** At quo modo cuiusq; bonitas ad diuini numinis bonitatem refertur? **BAR.** Attende quæ doctrina, pietate, & genere insignis Thomas Aquinas in hanc rem scribit. Trium horum modorum uno aliquo rem quampiam uel bonam, uel calidam, uel nigram, uel alio quouis nomine eiusdem generis nuncupari ait, aut ab inherente sibi & insita forma, ueluti parietem ab infuso illi candore album nominamus; aut ab externa et aduentitia; sicuti animam dicimus sanam ab animantis sanitate; aut ab insita simul & extraria, quemadmodum aër solis & suo pariter splendore nitescit. Hoc pacto res a Deo generatae bonæ sūt & sua, et diuina bonitate. Quæ quidē bonitas diuina omnis generis perfectionum & efficiens causa,

sa, & finis, & exemplar est. NIC. Egregie diuus Thomas, ut cetera apte, et dilucide. BAR. Ex his perspicuum est Deum ab omnibus rebus naturaliter expeti: quoniam rei cuiusq; perfectio diuinæ bonitatis quædam est communicatio. Ex quo in omnibus rebus Deus inesse dicitur, quia, ut sit in rerum natura, unicuiq; tribuit. Quamobrè si unaquæq; res perfectionem suam desiderat, haud dubium est, quin etiam diuini numinis communicationem asciscat. Quam licet asciscere se non intelligat res, quæ mentis ac sapiëntiæ expers est, tamen insito quodam instinctu ad illius appetitionem excitatur. Restat ut bonum in sua genera differtiamus: quæ ex differentibus inter se rerum naturis constituuntur. NIC. Aduerto quem serues docendi modum. Primum una cum nominis interpretatione bonum ipsum definiisti: nunc in genera partiris. BAR. Prima boni partitio nobis hæc sese offert, quæ illud in duo genera diuidit: quorum alterum ab alio fluat, alterius uero nulla sit origo: hoc a solo Deo possidetur, cuius nulla origo reperiri potest, illud ceteris rebus a Deo cõmunicatũ est. Cui quidẽ diuisioni similis est illa, quæ bonum secatur in id, quod a se, atq; in id, quod ab alio est. Nam bonum, quod a se est, nullum habet principium; quod uero ab alio est, sane oritur aliunde. A qua etiam non longe discrepat illa distributio, quæ bonum partitur in natura & sim-

pliciter bonum, & bonum ex adiunctione. Poca
 natura bonum, quod naturae adiunctum non est,
 sed est ipsamet natura: ex adiunctione uero, quod
 ab aliqua re extrinsecus adueniente absoluitur.
 cuiusmodi est rerum creatarum bonitas. quarum
 essentia, existētia, uirtus operatione, finis alio ex-
 tra se extremo perficitur. Verū in Deo nulla per-
 fectio fingi potest, quae non ipsius natura sit sim-
 plex & undequaq; absoluta. Et ut substantiae,
 quā ὁμοίαν græci uocant, nullares (quemadmo-
 dū philosophi docēt) cōtrarie opponitur, & com-
 paratiuam magnitudinem non habet, sic in diui-
 num bonum, quod natura bonū est, nihil mali po-
 test accidere, & comparabile non est, ut remissius
 uel intensius fiat. quoniam uniuersam bonitatem
 completitur. Reliquae res, quae prae suorū ter-
 minorum exiguitate nequeunt uniuersam bonita-
 tem capere, pro suo quæque genere magis minus-
 ue bonae sunt, & repugnantem naturæ suæ qua-
 litatem recipiunt. Quarum sane bonum haud im-
 perite mali sedem uocaueris: quoniam defectio-
 nem patitur. Atq; ut res illa cæca merito dicitur,
 quae cum nata apta sit oculorū sensum habere, nō
 uidet tamen; sic boni priuans contrarium (neq;
 enim malum aliud est, quam boni priuatio) in id
 cadit, quod natum aptum est aliqua perfectione
 finire. Vnde cum bonū dicimus, si nihil aliud ad-
 dimus, Deum intelligimus: quippe cuius bonitas

eius

eius natura est. Quamobrem Christus solum Deū bonum esse prædicat : ceteris uero rebus boni nomen apponitur, ut cum bonum cælum, bonā tellurem, bonos fructus dicimus. Itaq; (ut grammaticorum more loquar) boni nomen substantiue datur tantum Deo, alijs uero rebus adiectiue. His congruens accedit illa diuidendi bonū ratio in immutabile, atq; mutabile. Est autem immutabile, quod semper idem, ac sui simile manet: cuiusmodi unus dumtaxat est Deus, qui nec tempore, nec loco, nec consilio, nec uoluntate, nec re ulla mutatur. Quod de se ipse ait per Hieremiam prophetam, Ego Deus, & non mutor. Ceteræ uero res inconstantes sunt, atque flexibiles. Nā quæ sub aliquem sensum cadunt, nos ipsi ea cernimus nasci & interire, minui atq; augeri, modoq; hanc, modoq; illam qualitatem formamq; subire. Et quid est Deum immortalem sub lunari hoc orbe, quod per diu constantiam ullam & immutabilitatem seruet? Quid statuū perturbationes? quid inclinationes temporum? quid rerum publicarum conuersiones memorem? quæ satis monent fallaces esse spes hominum, atq; inanes cogitationes, et operas. Simplicium quoq; mentiū, quas hebræorū more angelos nuncupamus, natura licet æterna sit, nihilominus mutabilis est. Nā illarū æternitas a diuini numinis æternitate principium trahit. Tum etiam uoluntate mutabiles sunt, quia a-

DE SUMMO BONO

Etionum suarum liberam potestatem habent, ut in-
 tegrum sit illis hoc, uel illud sequi. Quod si uo-
 luntatum, certe etiam consiliorum habent muta-
 tionem. Exemplo nobis est malorum demonū mu-
 tatio: qui a diuino imperio desciscentes conditio-
 nem ex felici miserrimam obierunt. Quod uero
 beati (eos uoco beatos, qui diuino cōmercio fruun-
 tur) rem ullam malam uelle amplius nequeant, di-
 uini muneris hoc est, non ipsorum naturae. Quid
 charitatis intensio, quae in beatis etiam est, non
 ne uobis species quaedam uidetur esse mutationis?
 Solus igitur Deus bonū est immutabile, qui solus
 semper aeternus et immutabilis est. Nec partitiō-
 nem illam silentio praetermittam, quae bonum in
 uniuersale, et singulare distribuit. Facit enim cum
 dictis non parum. Nam singulare bonum est cu-
 iusq; rei creatae sua propria & unica perfectio:
 uniuersale uero perfectiores omnes suo quasi gre-
 mio cōcludens, idem, quod summum, immutabile,
 simplex, natura, a se, nec aliunde productum bonū
 est. Quare boni significatio, quia primum notat
 Dei perfectam & absolutam naturam, deinde ip-
 sius operum uirtutes, a diuina & efficiente causa
 ad effectas naturas deducitur. Quae uocum deri-
 uatio a dialecticis analogia nuncupatur. Facit ad
 propositam nobis de summo bono thesim praeterea
 et medium, et extremum boni diuissio. Vltimum
 est, ad quod cetera referuntur; quae uero ad ip-
 sum

sum referuntur, media sunt : illud propter se, hoc extremi gratia optandum ; illud iure bonum, hoc commodum apte uocaueris . Quin extremum bonum illud est, in cuius adeptione animus conquiescit ; medium uero ad consequendum extremum adhibetur : illud letabile, hoc utile nominemus. Deus, qui principium est, idem est uniuersarum rerum finis ; atq; ut princeps causa in efficiendo, sic in mouendo finis maxime ualet : Ipse igitur extremum & summum bonum est : eoq; solo fruendum nobis est, reliquis uero rebus utendum. Quam rem animo quidam reputantes, & appetitus commotionem cum corporis motu inter se componentes, bonum in honestum, utile, & delectabile distribuerunt. Nam termino, in quem motus intenditur, honestum ; medio uero, per quod agitur corpus, utile ; at quieti delectabile opposuerunt . Honestum interpretare non solum quod est (ut tradit Cicero) cum uirtute coniunctum . hoc enim modo solum quod humane rationi consentaneum est intelligeretur, sed quicquid propter se expetitur : quod deinde adeptum delectationem affert . Quae porro bona quoadq; re, quandoq; tantum ratione inter se discernuntur . Nam quod utile est, idem esse potest delectabile ; & quod delectabile, honestum : non secus ac potio dulcis ad ualitudinem conferens utilis est, atq; suauis : uirtus etiam honesta, & iucunda. tamen, si sua quodq; ratione perpēdamus, haud

DE SUMMO BONO

*haud dubio diuersa extiterint. Nonnulli in bono-
 rificum, laudabile, & utile bonum diuiserunt: sed
 honorificum appellant id, quod sui gratia expe-
 titur, quale est felicitas; laudabile uero, quod li-
 cet aliquam dignitatem honesti habeat, tamen ad
 aliud refertur, ut forma, pudor, solertia; at utile,
 quod tantum ad rem quampiam comodo alicui est,
 ut diuitiae. Alij duo boni genera designarunt, al-
 terum perfecti, alterum etiam perficientis: uocantq;
 perfectum, quod habet naturae suae conueniente
 modum; perficiens uero, quod alteri prodest: il-
 lud sui tantum rationem concernere, hoc etiam ad re-
 aliam respectum habere. Neque enim bonum sem-
 per relate opponitur. Quin saepe quod perfectum
 est, aliorum perficiens est bonum. qualis in primis
 Deus est sapiens author & gradus opifex uniuersi,
 omnis boni fons & origo. Multae etiam res pro suo
 quaque genere huiusmodi sunt. Semper autem prius
 boni significatio ad id, quod perfectum est, deinde
 ad perficiens trahitur. Illa uero bonorum sectio in
 magna, media, minima, Deum excipit; cuius uir-
 tus omnium comparisonem uincit; dumtaxat ea,
 quae a Deo generata sunt, meminit, habentia in-
 ditae bonitatis primos, secundosue gradus: ac quo-
 res quaque magis naturae diuinae particeps fit, eo
 melior ac perfectior est. Declarat autem Augu-
 stinus minima bona ea esse, sine quibus recte uiui
 potest; qualia sunt bona corporis & fortunae:*

magna

magna uero bona, quæ rectam uitam efficiunt; quo in genere sunt uirtutes, rationi inquam consentaneæ & constantes animi affectiones: at media bona, quibus bene ac male uti possumus; cuius generis sunt naturales animi uirtutes, quas nostrates philosophi potentias appellant. Illarum enim est ad uitia uirtutesue capeffendas usus. Nic. Vnde obsecro tot boni diuisiones coëgisti? omnium eruditorum hominum libros euoluisse uideris. BAR. Ipsamet notio boni diuidendi sui tot nobis uias aperuit. Nihilq; obstat, quo minus rem eandem multis modis pro diuersa ratione, quam eius ducimus, partiamur. Nunc quæ ad hominem pertinet genera bonorum constituenda sunt; ut tandē extremum uideamus: quo nos omnes cogitationes atq; conatus intendere oporteat. Sunt autē omniū consensu tria genera bonorū Animi, Corporis, et Fortune. quāquā Cicero duo tantū genera primū efficit fortune, & naturæ. Sed naturæ bona deinde in animi & corporis partitus nihil ab alijs dissensit. Fortune bona uocant, quæ extra nos sunt, ut patria, genus, opes, amici, honores, imperia, fama popularis, & quæ his similia sunt. Verum plurali casu fortunæ diuitias significant, & quam græci *ὀψία*, Quintilianus substantiam, Cicero facultates, iurisperiti bona ciuilia appellant: quæ nimirum in ciuili nostræ rei familiarem possessionem ueniūt. Nec quæro an sit ulla in uniuerso fortuna,

DE SYMMO BONO

aut quid sit . nihil enim hic mea . sed ueterū usus
 pans uocabula fortunae bona appello, quae extra
 nos sunt , nec nostram naturam ulla ex parte at-
 tingunt . Quae quidem bona quia pro diuini numi-
 nis uoluntate ignota nobis & occulta mortalibus
 conferuntur, ideo illa temere interdum dari malis
 indignisue hominibus censentur . Quod utiq; non
 ita iudicaremus, si Dei mens et cōsiliū a nobis te-
 neretur . At bona corporis sunt ualetudo , uires,
 pernitas uelocitas, sensuū uis & integritas, for-
 ma, suauitas coloris , uenustas oculorū , candor
 dentiū, lenitudo uocis , mollitudo corporis : que-
 cunq; aut ualetudinē & integritatē, aut pulchri-
 tudinem & uenustatē corporis spectant. Verū ani-
 mi bona laudabiles animi qualitates sunt . Quo-
 rum quaedam insita sunt a natura , quaedam studio
 & exercitatione comparata; ac quaedam supe-
 riorem animi partem , quaedam inferiorem perfici-
 unt . siquidem animus in partes duas appetitū
 & rationem distribuitur . Et naturae bona, qui-
 bus mens ornatur, sunt praecipue solertia, me-
 moria, iudicium; quae etiam arte, & usu confir-
 mantur: acquisita uero sunt doctrinae omnes, atq;
 scientiae . quarum tamen initia a natura ducuntur.
 Verecundia uero, cōtinentia, fidentia, affabilitas,
 benignitas , grauitas , & quae eiusdem generis
 sunt animi affectiones , tum laudabiles , quia uir-
 tutem imitantur , tum naturales , quoniam a na-
 tura

tura inferuntur, sunt ad appetitum attinentia bona, ceterum fortitudo, temperantia, iustitia, & his annexae uirtutes rectae sunt appetitus affectiones studio et consuetudine a ratione & sapientia confirmatae. Ac sane affectiones omnes, hoc est, animi ad rem quampiam propensiones, uel a natura sint, uel studio habitae, mores a latinis, a graecis ἠθῶν uocantur. quarum omnium moderatrix est prudentia. Exposui uobis breuiter quot, et quae sint ad hominem conferenti genera bonorum. deinceps quærere oportebit, in quo beatam uitam constitutam esse uelimus: aut si finis in nullo horum ponendus sit, inuestigandum erit aliquod aliud extra nos, sed naturam nostram attingens bonum, quod nos beatos efficiat. At uero æquum non est omnem disputationis laborem a me sustineri: partem illius aliquam a uobis sumi decet. NIC. Et quid est hic operae, quam nos præstare possimus? BAR. Prima disputatione quæ esset beatitudo indicauimus, tum ubi esset inquirere instituiimus: ac primum boni fontes et genera inuestigare cœpimus. Vobis id nunc agendum est, ut tu Nicolae bona corporis, et fortunæ perscruteris, aduertasq; an beatitudo in illis domicilium suum posuerit; tu Merula bona animi indages, obseruesq; an hominis felicitatem secum iunctam habeant. Quod operis perficiendum restabit, ipse conficiam. MER. Equidem
me

DE SYMMO BONO

*me ad tantum onus parem non sentio. BAR.
Non est quod uestrum quisquam prae pudore la-
borem istum recuset. Nam inter nos nullum
fastidium, nulla inuidia est; & animi utilis re-
missio petitur. Itaq; sine ulla recusatione, ut dixi,
res agetur.*



IO. ANTONII

VIPERANI

DE SUMMO BONO

LIB. III.



Neq; in fortunæ, neq; in corporis, neq; in animi bonis sitam esse felicitatem.



NON immerito Petre frater sapientissimus Plato ciues suos, quorum reip. formam admirabili descriptione depinxit, ullam cum peregrinis communionem uitæ & societatem habere ueluit; ne morum dissimilitudo uoluntatum disensiones inter eos pareret: unde nullus reip. status tam firmus & stabilis est, qui non breui funditus euertatur. Ideoq; ciuitatis suæ urbem procul a mari locauit

DE SUMMO BONO

cavit; ut illi peregrinos, atq; aduenas mercatores excipiendi omnis occasio tolleretur: quorū a cupiditate profecta studia facile imbecilles hominū mentes inficiunt. Quid igitur mirum est, si ciuitas nostra mamertina, quod omnium nationū et gentium multitudo propter opportunitatem portūs in urbē undiq; confluat, diuersis moribus & studijs dissipata nullo charitatis & amicitiae uinculo cōtinetur? sed auaritiæ morbo indies grauius uehementiusq; afflicta? Iacent bonæ artes, nullusq; ingenuis et liberalibus doctrinis honos habetur: sed illud poëtae carmen semper usq; cantatur,

O ciues ciues, quæreda pecunia primū est,
Virtus post nummos.

Quid enim pecuniæ uirtutē anteponant, si (ut idem poëta loquitur.)

Et genus, & formam regina pecunia donat,

Verum obsecro, quid homine dignius? aut quid ad animi culturam accommodatius esse potest bonarum artium disciplinis, quæ ex agrestī ciuilem nobis uitam efficiunt? Reliqua sane bona, si corporis sunt, aut ægritudine uitantur, aut semel conficiuntur; si sub imperium ditionemq; fortunæ cadunt, nec satiare hominem possunt, cuius naturam non attingunt, nec in ullius possessione
dita

diu permanere ab hera sinuntur; quae inconstās
 & instabilis nulla ratione, sed sola temeritate
 uersatur, & regitur. Rectae uero artes animum
 excolunt, mentē alunt, hominem a brutis animā-
 tibus secernunt; nec auferri e nobis queunt, quae
 nullius potestati, aut improbitati subiiciuntur,
 sed nostro studio & labore cōparantur, semperq;
 nobiscum manent, & in secundis rebus ornamen-
 to, & in aduersis solatio. Itaq; uides Petre fra-
 ter quantum patri nostro debeamus, qui nos bo-
 nis artibus instruendos a pueris curauit, uir non
 solum natura, sed etiam uoluntate bonus. Nam,
 ut ille idem Plato sentit, inter corruptos cupidita-
 tibus homines uirtute praeſtare, hominis est non
 solum a natura recte instituti, sed etiam intelligen-
 tis & seligentis bonum. Quamobrē Deo immor-
 tali gratias semper ago, & habeo, quod tali patre
 ortus & educatus sim; qui religiosorum morum
 praeceptis, & bonarum artium doctrinis filios in-
 stituit, ad ea studia quemq; appellens, ad quae na-
 tura aptum uideret. Ac te quidem ad iuris ciui-
 lis scientiam cohortatus est, qua ciuitates prudē-
 ter & legitime gubernantur: me uero, quod a iu-
 diciorum strepitu abhorrentem, atq; ab omni ne-
 gociatione alienum agnosceret, politici doctrinae
 & humanitati excolendum tradidit. quē de-
 inde philosophia, praesertim ea, quae bonarum
 malarumq; rerum cognitionem profitetur, exce-
 pit,

DE SUMMO BONO

pit, ac diuinarum rerum scientiae commendauit :
 In quibus profecto mirandū, si ullum progressum
 fecerim, & priuatis negotijs saepe praeeditus,
 & multis uarijsq; agrotationibus assidue tenta-
 tus : ne frequentes nauigationes, & itinera com-
 memorem ; quae tum uisendi hominum mores &
 urbes, tum res gestas scribendi gratia feci : ut ma-
 gis certe adhuc mirum uideatur, quomodo tot res,
 toto genere diuersas ullis monumentis literarum
 mandare potuerim. Quapropter aliorum studia
 iuuare nos conātes minus reprehendere deberēt,
 qui sapientes & literati uideri uolunt. Nam ut
 labores nostros cōtemnant, quod iniucundi & in-
 utiles sint, at animum excusent, quoniam ho-
 nestā causa ad scribendum adducimur. Te ue-
 ro satis scio libenter hos nostros libros perlectu-
 rum ; ac praecipue tertiam hanc disputationem,
 quae magna ex parte a patre nostro disputata est.
 cui demandatum fuerat eorum sentētiās refelle-
 re, qui aut in fortunae, aut in corporis bonis se-
 licitatem hominis posuissent. Constituto itaq; lo-
 co, in quem etiā pleriq; uiri nobiles ex urbe ad-
 uenerant, ubi omnes confederunt, magnum silen-
 tium obortum est : tacentibusq; cunctis, atq; ad
 audiendum paratis, F. Bernardinus Barbanus,
 qui summam in consessu illo auctoritatē habebat,
 inquit. ¶ Nescio quomodo alienatus sensu ui-
 detur Nicolaus noster. certe arbitror non ullo e-
 metu

metu hoc illi euenire, sed ex magnarum rerū intima cogitatione. **NIC.** Ego quidem magnarum rerum cogitationē suscipere nō possum, homo implicatus domesticis negotijs, ac filiorū cura in diuersas partes distractus: sed confessu hoc uestro perterreor, ita ut demandatam prouinciam non recusasse iam me pœniteat. Nam tacentibus alijs unum dicere quam difficile & arduum sit magni oratores sensere. quanquam me in numero doctorum hominum haud quidem pono. Verum si excellentes eloquentia uiros pudor a dicendo deterruit, mihi nec literis perpolito, nec dicendi exercitatione exculito, uitio dari non debet, si in initio dictionis nata ex timore uerecūdia perfundor. **BAR.** Nullus inter nos esse debet ignominiae metu pudori locus: in quibus utpote cultoribus Christi et imitatoribus nulla est inuidia atq; offensio. **NIC.** Hoc me unum profecto recreat, quod mihi in dicendo fauebitis; & bene dicentem amplectemini, & corrigetis errantem. **BAR.** Haud aliter fiet. Quare bono animo esto: & propositā tibi quæstionem explicare audenter incipe. **NIC.** Incipio. Totius nostrae disputationis hæc est summa, finem hominis ostendere, in quem omnia referamus: qua in re inquam summum bonum, seu felicitas sita sit. Et a nostro **F. Barbano** quæ beatitudinis conditio atq; natura, quid etiam bonum sit, duabus externis disputationibus enuclea-

DE SUMMO BONO

tum est : Mihi id munus incumbit , demonstrare
 neq; fortunae , neq; corporis bonis res expeten-
 das terminari . Nam bonorum , quae ad hominem
 pertinent , triplex fuit facta diuisio , in animi , cor-
 poris , & fortunae . De bonis animi noster Meru-
 la post me aget . Dicam autem prius in uniuersū
 de corporis , & fortunae bonis : tū seorsum de sin-
 gulis . Atq; horum bonorum naturā ad summi bo-
 ni explicatam a nostro praeceptore conditionē re-
 uocabo : & utranq; simul componens palam fa-
 ciam , quanto interuallo a fine bonorum distent .
 Explicatum est autem primo , summum cuiusq;
 rei bonum esse cuiusq; in suo genere expletam
 absolutamq; perfectionem . Atqui bona fortunae
 naturam hominis ne attingunt quidem : ipsumq;
 nomen satis declarat ea non esse hominis propria
 bona , cum externa dicantur . Corporis uero
 bona optima non sunt . Nihil enim attinent
 ad uirtutem , qua animus excolitur ; nec di-
 gnitate ceteris antecellunt , nimirum eam par-
 tem respicientia , quae in homine inferior atq;
 humilior est . Summum autem bonū maxime lau-
 dabile & honorificum est . Quippe homo anima
 & corpore constat : atq; hoc cum brutis animan-
 tibus , illa cum diuinis mentibus similitudinē ha-
 bet . Esset igitur hominis summum bonum cū bel-
 luis commune , si corporis uoluptates beatā ui-
 tam complerent . Quin ipsae belluae hominibus
longe-

*Longequam beatiores forent : quibus a natura
 voluptates maiores ac copiosiores sine ullo suo
 cum labore omni tempore suppeditantur. Cur
 uero nos in bestiarum seruilem conditionem deij-
 cimus , non potius in optimum angelorum statum
 attollimus ? Ad hoc bona fortunae propter se non
 expetuntur ; sed propter humanae uitae usus .
 Atqui summum bonum sui gratia expetitur , cum
 ultimum & extremum sit . Corporis quoq; bona
 ad animi functiones & munera referuntur : cui
 sensus uelut domino satellites atq; administri de-
 seruiunt . Ni quis fortasse nos animo priuet aut
 uoluptarius , aut impius , omnis uirtutis et religio-
 nis expers . Præterea isthac bona caduca , & in-
 certa sunt , uel fortunae temeritati subiecta ; a
 qua nomen obtinent ; uel cuius casui et ægritu-
 dini obnoxia . summum autem bonum tale descri-
 ptum est , ut auferri , labefactariq; nulla temporis ,
 aut fortunae iniuria possit . Cumq; possessores suos
 nequaquam bonos efficiant , tantum abest , ut in
 istis summi boni finem constituā , ut ne bona qui-
 dem esse existimem . Nā si bonos possessores suos
 efficerent , essent omnes diuites , nobiles , tyrāni ,
 formosi , robusti , ac ualentes boni . Verum nemo ,
 quia is esset , dictus est unquam bonus . Quid ?
 quod impuiores ac scelestiores homines saepe istis
 bonis magis abundant ? Nullum autem bonū po-
 test cuiquam malo esse . Sed istis bonis affluentiu
 F 3 & uitam ,*

DE SUMMO BONO

*Et uitam, et uitae exitum inspicite. quantis uide-
 licet curis in diuersas partes distrahantur, ui-
 gilij noctes afflictentur, dies laboribus exercean-
 tur, iactentur diffidijs, uexentur odijs, excrucien-
 tur inuidijs, inflammentur cupiditatibus, et, quae
 tormenti uis maxima mihi esse uidetur, malefa-
 ctorum conscientia perpetuo sine ulla respiratione
 torqueantur; atq; ut postremo miserrimam mor-
 tem per summum dedecus et ignominiam occum-
 bant. Ita ne isthaec bona beatos nos faciunt? Sed
 dicet fortasse aliquis, si in bonis ista non sunt, erunt
 ne in malis? Minime quidem. Nam et diuites ple-
 rosq;, et potentes bonos extitisse uidemus. Sunt
 enim bonis malisq; communia. Nec illorum na-
 tura reicitur, sed usus aut reprehenditur, aut pro-
 batur. Dicunturq; bona, quatenus sunt cum uir-
 tute coniuncta, mala uero, quatenus uitij depra-
 uantur. Nec male iubent in laudatione dicendi
 preceptores, ut ne quis ista per se laudet, aut uitu-
 peret, sed prout quisq; illis bene, aut male usus
 fuerit: nec esse ueram laudem ullam, nisi uirtutis;
 sine qua honeste laudari nulla res potest. Itaq;
 sapientissimorum hominum iudicio praestat ista co-
 moda, quam bona appellari. Aduertant igitur
 qui aut corporis uoluptatibus sese dediderunt, aut
 fortunae (liceat uulgi more ita nominare) bona
 persequuntur, quantum expectationem suam de-
 ci-piant, cum eorum adeptione beati non fiant.*

Sed

Sed et summi boni naturā studiosius intueamur, ut istorum falsa opinio magis magisque redarguatur. BAR. Sane oratio tua nec ordine caret, nec nervis & ornamentis; & concidi recusat. Perge igitur tenere, quam ingressus es, viam. NIC. Tres summi boni praeicipuae conditiones a te, ni fallor, prima disputatione traditae sunt, quod perfectum, sufficiens, ac maxime expetendum sit. Etenim cui aliquid deest, perfectum non est, nam aliquid in eo requiritur. Quod autem summum, idem etiam perfectum est. nam si quid illi addatur, summum non erit, sed alio inferius; si quid vero dematur, imperfectum. Tum quod perfectum est, idem etiam potest suppeditare quae natura desiderat. Quare si in eo congesta sunt omnia, quae optari possunt, erit sane maxime expetendum. Ad hanc quasi trutinam bona corporis & fortunae examinanda si uocemus, cognoscemus profecto quantum a summi boni conditione & natura absint: quae (ut in uniuersum hoc unum dicam) nunquam hominis animum explere possunt caelestē & immortalem, sapientemque; diuina & aeterna. Quinimmo sui maiorem sitim afferunt semper; aliena quippe sunt, generisque diuersi; nec conquescere in his animus potest, quibus non satiatur. Sed tamē quo res dilucidior fiat, singillatim fortunae, ac corporis bona perpendamus. Ac primae omnium diuitiae se nobis

F 4 obijciunt;

DE SUMMO BONO

obijciunt : quibus obedire omnia (ut Eccles. inquit) stultus existimat. Diuitiae aut naturae sunt, aut hominum studio & arte inuentae. Sunt autem naturae, quas ad humanae uitae usus necessarios natura nobis subministravit : quales sunt arua, syluae, segetes, uineae, armenta, greges, & quae ad uictū cultūq; corporis exiguntur. quamquam romani pecuniae nomine diuitias omnes appellarunt : quorum facultates in pecudibus erant. Ex quo patrimonia etiā peculia uocauerunt. Aurum uero, argentum, & aes hominis studium, & ars permutandarum rerum gratia inuenit. Nam cum apud ueteres primum res permutarentur, non autem emerentur, atq; isthac permutatio saepe incommode & importune fieret, nummus ex auro, argento, & aere excogitatus est, qui rerum uenaliū certa mensura esset, modusq; seruandae iustitiae, cui a permutandis rebus nomen est. Cuius generis diuitiae, quia illarum usus ad luxum libidinemq; traducitur, explere cupiditatē animi nequeunt. At naturales diuitiae, quia uitae necessitatibus certo modo sufficiunt, saturare appetitum hominis possunt. Sed qui obsecro fit, ut supernuacaneis, nullūq; usum habentibus diuitiis magis, quam opportunis ac necessariis beatos fieri nos existimemus? Haud equidem natura, quae in omnibus modum prudentissime seruat, diuitiarum tantam curam nobis ingenuit, sed uulgaris opinio

opinio a prauo errore, & cupiditatis famulo
sensu enata inseruit. An forte qui locupletior est,
beatius uiuit? aut ampliores fortunae maiorē ani-
mi tranquillitatē & securitatē pariunt? Nū opu-
lentior plura comedit, quam stomachus excipiat?
uel pluribus se uestimentis induit, quam membra
sustineant? Disrumperetur suamet copia, oppri-
mereturq; . Quin hoc amplius ex suis opibus illi
est, quod pluribus curis irretitur, nec secum est,
nec secum (ut dici solet) uiuit. quoniam opus est
ei, qui plura possidet, animum in plura distingere.
Decet autē facultates nec profundere, ne prodi-
gus habearis, nec tenacius restringere, ne auari-
tiae & improbitatis uicio noteris; sed cum omni-
bus pro cuiusq; dignitate moderata liberalitate
uti. Iam quid labores in parandis opibus? quid
curas in conseruandis, & in amittēdis diurnos ac
nocturnos metus commemorem? Quarū insuper
non aequae iucunda est adeptio, quā molesta amissi-
o: quae somnum aufert dulcem laborum quie-
tem, atque unicum malorum perfugium. Taceo
inuidiam, quae ex re familiari paratur; praefer-
tim si indigne, atq; iniuste possidetur. Nec dico
pericula, quae uel ab inuidia, uel ab aliqua alia
improbitate opulentioribus saepe constantur: qui-
bus interdum inde malum est, unde salutē & fe-
licitatem sperant: quemadmodum Eccles. inquit,
Diuitiae interdum conseruantur in malum domini
sui.

DE SUMMO BONO

ne arrogantius se gerant. Scienterq; Pindarus
 πλούτου, (quod nomen diuitias significat) μεγα-
 λωρον appellauit; quoniā homines superbos atq;
 animo inflatos reddit. Et quidem diuitis epulonis
 imago; quae ab euangelista Luca describitur, im-
 probis hominibus diuitias intemperantiae ac lu-
 xuriae ministras esse nos docet. At uero auaritia
 est auiditas pecuniae rationi contraria: quā aut
 luxuries; aut praua opinio gignit. Quid uero me
 oportet in diuidos inuehi, quos omnium uoces &
 literae detestantur? Primum Eccles. inquit Aua-
 ritia nihil esse scelestius: eamq; apostolus Paulus
 omnium malorum radicem uocat; atq; idolorum
 seruitutem; cum auari pecuniam colant, ut ido-
 la. Nec dignitatum iniquas uenditiones; nec
 iudiciorum corruptelas, nec rapinas, nec caedes,
 nec familiarum, nec rerump. euersiones dicam:
 quarū causa, ut in seminibus stirpium, sic in aua-
 ritia existit. Acclamatq; merito Poëta,

Quid non mortalia pectora cogis
 Auri sacra fames?

Exemplo esse potest non solum Lacedaemoniorum
 res, quae optimis praeceptis ac legibus instituta,
 auiditatis tamen uitio labefactata fuit; sed etiam
 Romanorum, qui omnibus gentibus ac nationi-
 bus impetrarunt. Apud quos ut auaritiae morbus
 inualuit, aequitatem uincente pecunia, imperium

non

non modo imminutum, sed omnino deletum est. Nec inepte apud ueteres græcos distitabatur, nō Philippum, sed Philippi aurum græciam subuertisse. Omitto quod auarus semper est (ut ille Poëta loquitur) inter opes inops, tanquam Tantalus inter aquas sitiens. Semper enim eget, semper sitit. quia (ut ille alius Poëta ait)

Quo plus sunt potæ, plus sitiuntur aquæ.

Etenim quia diuersi generis & naturæ ab animo aurum est, cupiditatem hominis explere non potest. Beneq; Eccles. inquit, Auarus non implebitur pecunia. Ac Plato sapienter ei, qui diues esse uelit, consulit, ut immineat, non accumulet opes. Nam qui modum cupiditati non statuit, semper est pauper. An erimus diuitiarum serui potius, quam possessores & domini?

Et mihi res, nō me rebus submittere conor.

Quo mihi fortunæ, si non conceditur uti?

Est siquidem fructus aliquis honestus ex diuitiarum usu capiendus ad degendæ uitæ commoda & necessitates: quem negotiosorum, hominum labor impedit; auarorum cōaceruatio pecuniæ aufert; uoluptariorum profusio corrumpit. atq; ut in carendo diuitiis magni animi patientia, sic in utēdo recta prudētis uiri ratio cōmendatur. Velle autem diuitem fieri, hoc est, superuacuis &

non

DE SUMMO BONO

Etionum suarum liberam potestatem habent, ut in-
 tegrum sit illis hoc, uel illud sequi. Quod si uo-
 luntatum, certe etiam consiliorum habent muta-
 tionem. Exemplo nobis est malorum demonum mu-
 tatio: qui a diuino imperio desciscentes conditio-
 nem ex felici miserrimam obierunt. Quod uero
 beati (eos uoco beatos, qui diuino commercio fruun-
 tur) rem ullam malam uelle amplius nequeant, di-
 uini muneris hoc est, non ipsorum naturae. Quid
 charitatis intensio, quae in beatis etiam est, non
 ne uobis species quaedam uidetur esse mutationis?
 Solus igitur Deus bonum est immutabile, qui solus
 semper aternus et immutabilis est. Nec partiti-
 onem illam silentio praetermittam, quae bonum in
 uniuersale, et singulare distribuit. Facit enim cum
 dictis non parum. Nam singulare bonum est cu-
 iusq; rei creatae sua propria & unica perfectio:
 uniuersale uero perfectiones omnes suo quasi gre-
 mio concludens, idem, quod summum, immutabile,
 simplex, natura, a se, nec aliunde productum bonum
 est. Quare boni significatio, quia primum notat
 Dei perfectam & absolutam naturam, deinde ip-
 sius operum uirtutes, a diuina & efficiente causa
 ad effectus naturas deducitur. Quae uocum deri-
 uatio a dialecticis analogia nuncupatur. Facit ad
 propositam nobis de summo bono thesim praeterea
 triplex, et extremum boni diuissio. Vltimum
 est, ad quod cetera referuntur; quae uero ad ip-
 sum

sum referuntur, media sunt : illud propter se, hoc extremi gratia optandum ; illud iure bonum, hoc commodum apte uocaueris . Quin extremum bonum illud est, in cuius adeptione animus conquiescit ; medium uero ad consequendum extremum adhibetur : illud letabile, hoc utile nominemus. Deus, qui principium est, idem est uniuersarum rerum finis ; atq; ut princeps causa in efficiendo, sic in mouendo finis maxime ualet : Ipse igitur extremum & summum bonum est : eoq; solo fruendum nobis est, reliquis uero rebus utendum. Quam rem animo quidam reputantes, & appetitus commotionem cum corporis motu inter se componentes, bonam in honestum, utile, & delectabile distribuerunt. Nam termino, in quem motus intenditur, honestum ; medio uero, per quod agitur corpus, utile ; at quieti delectabile opposuerunt . Honestum interpretare non solum quod est (ut tradit Cicero) cum uirtute coniunctum . hoc enim modo solum quod humanae rationi consentaneum est intelligeretur, sed quicquid propter se expetitur : quod deinde adeptum delectationem affert . Quae porro bona quandoq; re, quandoq; tantum ratione inter se discernuntur . Nam quod utile est, idem esse potest delectabile ; & quod delectabile, honestum : non secus ac potio dulcis ad uoletudinem conferens utilis est, atq; suauis : uirtus etiam honesta, & iucunda. tamen, si sua quodq; ratione perpēdamus, haud

DE SUMMO BONO

haud ambiguo diuersa extiterint. Nonnulli in bono
 rificum, laudabile, & utile bonum diuiserunt: sed
 honorificum appellarunt id, quod sui gratia expe-
 titur, quale est felicitas; laudabile uero, quod li-
 cet aliquam dignitatem honesti habeat, tamen ad
 aliud refertur, ut forma, pudor, solertia; at utile,
 quod tantum ad rem quampiam cōmodo alicui est,
 ut diuitiae. Alij duo boni genera designarunt, al-
 terum perfecti, alterū etiā perficientis: uocantq;
 perfectum, quod habet naturae suae conuenientē
 modum; perficiens uero, quod alteri prodest: il-
 lud sui tantum rationem concernere, hoc etiā ad re-
 aliam respectum habere. Neque enim bonū sem-
 per relate opponitur. Quin saepe quod perfectum
 est, aliorum perficiens est bonum. qualis inprimis
 Deus est sapiēs author & grādis opifex uniuersi,
 omnis boni fons & origo. Multae etiā res pro suo
 quaq; genere huiusmodi sunt. Semper autē prius
 boni significatio ad id, quod perfectum est, deinde
 ad perficiens trahitur. Illa uero bonorum sectio in
 magna, media, minima, Deum excipit; cuius uir-
 tus omnium comparisonem uincit; dumtaxat ea,
 quae a Deo generata sunt, meminit, habentia in-
 ditae bonitatis primos, secūdosue gradus: ac quo
 res quaq; magis naturae diuinæ particeps fit, eo
 melior ac perfectior est. Declarat autem Augu-
 stinus minima bona ea esse, sine quibus recte uiuī
 potest; qualia sunt bona corporis & fortunae:

magna

magna uero bona, quæ rectam uitam efficiunt; quo in genere sunt uirtutes, rationi inquam consentaneæ & constantes animi affectiones: at media bona, quibus bene ac male uti possumus; cuius generis sunt naturales animi uirtutes, quas nostrates philosophi potentias appellant. Illarum enim est ad uitia uirtutesue capeffendas usus. Nic. Vnde obsecro tot boni diuisiones coëgisti? omnium eruditorum hominum libros euoluiffe uideris. BAR. Ipsamet notio boni diuidēdi sui tot nobis uias aperuit. Nihilq; obstat, quo minus rem eandem multis modis pro diuersa ratione, quam eius ducimus, partiamur. Nunc quæ ad hominem pertinet genera bonorum constituenda sunt; ut tandē extremam uideamus: quo nos omnes cogitationes atq; conatus intendere oporteat. Sunt autē omniū consensu tria genera bonorū Animi, Corporis, et Fortunæ. quāquā Cicero duo tantū genera primū efficit, fortunæ, & naturæ. Sed naturæ bona deinde in animi & corporis partitus nihil ab alijs dissensit. Fortunæ bona nocant, quæ extra nos sunt, ut patria, genus, opes, amici, honores, imperia, fama popularis, & quæ his similia sunt. Verum plurali casu fortunæ diuitias significant, & quam græci *ὀψία*, Quintilianus substantiam, Cicero facultates, iurisperiti bona ciuilia appellant: quæ nimirum in ciuili nostræ rei familiarem possessionem ueniūt. Nec quæro an sit ulla in uniuerso fortuna,

DE SYMMONO BONO

aut quid sit. nihil enim hic mea. sed ueterū usus
 pans uocabula fortunae bona appello, quae extra
 nos sunt, nec nostram naturam ulla ex parte at-
 tingunt. Quae quidem bona quia pro diuini numi.
 nis uoluntate ignota nobis & occulta mortalibus
 conferuntur, ideo illa temere interdum dari malis
 indignisue hominibus censentur. Quod utiq; non
 ita iudicaremus, si Dei mens et cōsiliū a nobis te-
 neretur. At bona corporis sunt ualetudo, uires,
 pernecitas uelocitas, sensuū uis & integritas, for-
 ma, suauitas coloris, uenustas oculorū, candor
 dentiū, lenitudo uocis, mollitudo corporis: que-
 cunq; aut ualetudinē & integritatē, aut pulchri-
 tudinem & uenustatē corporis spectant. Verū ani-
 mi bona laudabiles animi qualitates sunt. Quo-
 rum quaedam insita sunt a natura, quaedam studio
 & exercitatione comparata; ac quaedam supe-
 riorem animi partem, quaedam inferiorem perfici-
 unt. siquidem animus in partes duas appetitū
 & rationem distribuitur. Et naturae bona, qui-
 bus mens ornatur, sunt praecipue solertia, me-
 moria, iudicium; quae etiam arte, & usu confir-
 mantur: acquisita uero sunt doctrinae omnes, atq;
 scientiae. quarum tamen initia a natura ducuntur.
 Verecundia uero, cōtinentia, fidentia, affabilitas,
 benignitas, grauitas, & quae eiusdem generis
 sunt animi affectiones, tum laudabiles, quia uir-
 tutem imitantur, tum naturales, quoniam a na-
 tura

tura inferuntur, sunt ad appetitum attinentia bona. ceterum fortitudo, temperantia, iustitia, & his annexae uirtutes rectae sunt appetitus affectiones studio et consuetudine a ratione & sapientia confirmatae. Ac sane affectiones omnes, hoc est, animi ad rem quampiam propensiones, uel à natura sint, uel studio habitae, mores a latinis, a graecis ἠθῶν uocantur. quarum omnium modetratrix est prudentia. Exposui uobis breuiter quot, et quae sint ad hominem conferenti genera bonorum. deinceps querere oportebit, in quo beatam uitam constitutam esse uelimus: aut si finis in nullo horum ponendus sit, inuestigandum erit aliquod aliud extra nos, sed naturam nostram attingens bonum, quod nos beatos efficiat. At uero & quum non est omnem disputationis laborem a me sustineri: partem illius aliquam a uobis sumi decet. NIC. Et quid est hic operae, quam nos praestare possimus? BAR. Prima disputatione quae esset beatitudo indicauimus, tum ubi esset inquirere instituiamus: ac primum boni fontes et genera inuestigare cepimus. Vobis id nunc agendum est, ut tu Nicolae bona corporis, et fortunae perscruteris, aduertasq; an beatitudo in illis domicilium suum posuerit; tu Merula bona animi indages, obseruesq; an hominis felicitatem secum iunctam habeant. Quod operis perficiendum restabit, ipse conficiam. MER. Equidem
me

DE SYMMO BONO

*me ad tantum onus parem non sentio. BAR.
Non est quod uestrum quisquam prae pudore la-
borem istum recuset. Nam inter nos nullum
fastidium, nulla inuidia est; & animi utilis re-
missio petitur. Itaq; sine ulla recusatione, ut dixi,
res agetur.*



IO. ANTONII

VIPERANI

DE SUMMO BONO

LIB. III.



Neq; in fortunæ, neq; in corporis, neq; in animi bonis sitam esse felicitatem.



NON immerito Petre frater sapientissimus Plato ciues suos, quorum reip. formam admirabili descriptione depinxit, ullam cum peregrinis communionem uitæ & societatem habere ueluit; ne morum dissimilitudo uoluntatum dissensiones inter eos pareret: unde nullus reip. status tam firmus & stabilis est, qui non breui funditus euertatur. Ideoq; ciuitatis suæ urbem procul a mari locauit

DE SUMMO BONO

cavit; ut illi peregrinos, atq; aduenas mercatores excipiendi omnis occasio tolleretur: quorū a cupiditate profecta studia facile imbecilles hominū mentes inficiunt. Quid igitur mirum est, si ciuitas nostra mamertina, quod omniū nationū et gentium multitudo propter opportunitatem portus in urbē undiq; confluat, diuersis moribus & studijs dissipata nullo charitatis & amicitiae uinculo continetur? sed auaritiae morbo indies grauius uehementiusq; afflicta? Iacent bonae artes, nullusq; ingenuis et liberalibus doctrinis honos habetur: sed illud poëtae carmen semper usq; canitur,

O ciues ciues, quare da pecunia primū est,
Virtus post nummos.

Quid enim pecuniae uirtutē anteponant, si (ut idem poëta loquitur.)

Et genus, & formam regina pecunia donat?
Verum obsecro, quid homine dignius? aut quid ad animi culturam accommodatius esse potest bonarum artium disciplinis, quae ex agresti ciuilem nobis uitam efficiunt? Reliqua sane bona, si corporis sunt, aut aegritudine uitantur, aut semel conficiuntur; si sub imperium ditionemq; fortunae cadunt, nec satiare hominem possunt, cuius naturam non attingunt, nec in ullius possessione
dura

diu permanere ab hera sinuntur; quae inconstā
 & instabilis nulla ratione, sed sola temeritate
 uersatur, & regitur. Rectae uero artes animum
 excolunt, mentē alunt, hominem a brutis animā-
 tibus secernunt; nec auferri e nobis queunt, quae
 nullius potestati, aut improbitati subiiciuntur,
 sed nostro studio & labore cōparantur, semperq;
 nobiscum manent, & in secundis rebus ornamen-
 to, & in aduersis solatio. Itaq; uides Petre fra-
 ter quantum patri nostro debeamus, qui nos bo-
 nis artibus instruendos a pueris curauit, uir non
 solum natura, sed etiam uoluntate bonus. Nam,
 ut ille idem Plato sentit, inter corruptos cupidita-
 tibus homines uirtute praeſtare, hominis est non
 solum a natura recte instituti, sed etiam intelligen-
 tis & seligentis bonum. Quamobrē Deo immor-
 tali gratias semper ago, & habeo, quod tādī patre
 ortus & educatus sim; qui religiosorum morum
 praeceptis, & bonarum artium doctrinis filios in-
 stituit, ad ea studia quemq; appellens, ad quae na-
 tura aptum uideret. Ac te quidem ad iuris ciui-
 lis scientiam cohortatus est; qua ciuitates prudē-
 ter & legitime gubernantur: me uero, quod a iu-
 dicioſum ſtrepitu abhorrentem, atq; ab omni ne-
 gociatione alienum agnosceret, politioni doctri-
 nae & humanitati excolendum tradidit. quē de-
 inde philosophia, praesertim ea, quae bonarum
 malarumq; rerum cognitionem profitetur, exce-
 pit,

DE SUMMO BONO

pit, ac diuinarum rerum scientiae commendauit. In quibus profecto mirandū, si ullum progressum fecerim, & priuatis negotijs saepe praepeditus, & multis uarijsq; agrotationibus assidue tentatus: ne frequentes nauigationes, & itinera commemorem; quae tum uisendi hominum mores & urbes, tum res gestas scribendi gratia feci: ut magis certe adhuc mirum uideatur, quomodo tot res, toto genere diuersas ullis monumentis literarum mandare potuerim. Quapropter aliorum studia iuuare nos conātes minus reprehendere deberēt, qui sapientes & literati uideri uolunt. Nam ut labores nostros cōtemnant, quod iniucundi & inu-
tilutiles sint, at animum excusent, quoniam honesta causa ad scribendum adducimur. Te uero satis scio libenter hos nostros libros perlecturum; ac praecipue tertiam hanc disputationem, quae magna ex parte a patre nostro disputata est. cui demandatum fuerat eorum sentētiās refellere, qui aut in fortunae, aut in corporis bonis felicitatem hominis posuissent. Constituto itaq; loco, in quem etiā pleriq; uiri nobiles ex urbe aduenerant, ubi omnes confederunt, magnum silentium obortum est: tacentibusq; cunctis, atq; ad audiendum paratis, F. Bernardinus Barbanus, qui suam in confessu illo auctoritatē habebat, inquit. ¶ Nescio quomodo alienatus sensu uidetur Nicolaus noster. certe arbitror non ullo e
metu

metu hoc illi euenire, sed ex magnarum rerū intima cogitatione. **NIC.** Ego quidem magnarum rerum cogitationē suscipere nō possum, homo implicatus domesticis negotijs, ac filiorū cura in diuersas partes distractus: sed confessu hoc uestro perterreor, ita ut demandatam prouinciā nō recusasse iam me pœniteat. Nam tacentibus alijs unum dicere quam difficile & arduum sit magni oratores sensere. quanquam me in numero doctorum hominum haud quidem pono. Verum si excellentes eloquentia uiros pudor a dicendo deterruit, mihi nec literis perpolito, nec dicendi exercitatione ex culto, uitio dari non debet, si in initio dictionis nata ex timore uerecūdia perfundor. **BAR.** Nullus inter nos esse debet ignominiae metu pudori locus: in quibus utpote cultoribus Christi et imitatoribus nulla est inuidia atq; offensio. **NIC.** Hoc me unum profecto recreat, quod mihi in dicendo fauebitis; & bene dicentem amplectemini, & corrigetis errantem. **BAR.** Haud aliter fiet. Quare bono animo esto: & propositā tibi quæstionem explicare audenter incipe. **NIC.** Incipio. Totius nostrae disputationis hæc est summa, finem hominis ostendere, in quem omnia referamus: qua in re inquam summum bonum, seu felicitas sita sit. Et a nostro **F. Barbano** quæ beatitudinis conditio atq; natura, quid etiam bonum sit, duabus externis disputationibus enuclea-

DE SUMMO BONO

tum est: Mihi id munus incumbit, demonstrare neq; fortunae, neq; corporis bonis res expetendas terminari. Nam bonorum, quae ad hominem pertinent, triplex fuit facta diuisio, in animi, corporis, & fortunae. De bonis animi noster Merula post me aget. Dicam autem prius in uniuersū de corporis, & fortunae bonis: tū seorsum de singulis. Atq; horum bonorum naturā ad summi boni explicatam a nostro praeceptore conditionē reuocabo: & utranq; simul componens palam faciam, quanto interuallo a fine bonorum distent. Explicatum est autem primo, summum cuiusq; rei bonum esse cuiusq; in suo genere expletam absolutamq; perfectionem. Atqui bona fortunae naturam hominis ne attingunt quidem: ipsumq; nomen satis declarat ea non esse hominis propria bona, cum externa dicantur. Corporis uero bona optima non sunt. Nihil enim attinens ad uirtutem, qua animus excolitur; nec dignitate ceteris antecellunt; nimirum eam partem respicientia, quae in homine inferior atq; humilior est. Summum autem bonū maxime laudabile & honorificum est. Quippe homo anima & corpore constat: atq; hoc cum brutis animantibus, illa cum diuinis mentibus similitudinē habet. Esset igitur hominis summum bonum cū beluis commune, si corporis uoluptates beatā uitam complerent. Quin ipsae belluae hominibus

longe-

Longequam beatiores forent : quibus a natura voluptates maiores ac copiosiores sine ullo suo cum labore omni tempore suppeditantur. Cur uero nos in bestiarum seruilem conditionem deijcimus, non potius in optimum angelorum statum attollimus? Ad hoc bona fortunae propter se non expetuntur; sed propter humanae uitae usus. Atqui summum bonum sui gratia expetitur, cum ultimum & extremum sit. Corporis quoque bona ad animi functiones & munera referuntur: cui sensus uelut domino satellites atque administri deseruiunt. Ni quis fortasse nos animo priuet aut uoluptarius, aut impius, omnis uirtutis et religionis expers. Præterea isthæc bona caduca, & incerta sunt, uel fortunae temeritati subiecta; a qua nomen obtinent; uel cuius casui et agritudini obnoxia. summum autem bonum tale descriptum est, ut auferri, labefactarique; nulla temporis, aut fortunae iniuria possit. Cumque possessores suos nequaquam bonos efficiant, tantum abest, ut in istis summi boni finem constituā, ut ne bona quidem esse existimem. Nā si bonos possessores suos efficerent, essent omnes diuites, nobiles, tyrāni, formosi, robusti, ac ualentes boni. Verum nemo, quia is esset, dictus est unquam bonus. Quid? quod impuiores ac scelestiores homines saepe istis bonis magis abundant? Nullum autem bonū potest cuiquam malo esse. Sed istis bonis affluentium

DE SUMMO BONO

*Et uitam, et uitae exitum inspicite. quantis uide-
 licet curis in diuersas partes distrahantur, ui-
 gilijs noctes afflictentur, dies laboribus exercean-
 tur, iactentur diffidijs, uexentur odijs, excrucien-
 tur inuidijs, inflammentur cupiditatibus, et, quae
 tormenti uis maxima mihi esse uidetur, malefa-
 ctorum conscientia perpetuo sine ulla respiratione
 torqueantur; atq; ut postremo miserrimam mor-
 tem per summum dedecus et ignominiam occum-
 bant. Ita ne isthaec bona beatos nos faciunt? Sed
 dicet fortasse aliquis, si in bonis ista non sunt, erunt
 ne in malis? Minime quidem. Nam et diuites ple-
 rosq;, et potentes bonos extitisse uidemus. Sunt
 enim bonis malisq; communia. Nec illorum na-
 tura reicitur, sed usus aut reprehenditur, aut pro-
 batur. Dicunturq; bona, quatenus sunt cum uir-
 tute coniuncta, mala uero, quatenus uitijs depra-
 uantur. Nec male iubent in laudatione dicendi
 preceptores, ut ne quis ista per se laudet, aut uitu-
 peret, sed prout quisq; illis bene, aut male usus
 fuerit: nec esse ueram laudem ullam, nisi uirtutis;
 sine qua honeste laudari nulla res potest. Itaq;
 sapientissimorum hominum iudicio praestat ista co-
 moda, quam bona appellari. Aduertant igitur
 qui aut corporis uoluptatibus sese dediderunt, aut
 fortunae (liceat uulgi more ita nominare) bona
 persequuntur, quantum expectationem suam de-
 ci piant, cum eorum adeptione beati non fiant.*

Sed

Sed et summi boni naturā studiosius intueamur, ut istorum falsa opinio magis magisque redarguatur. BAR. Sane oratio tua nec ordine caret, nec nervis & ornamentis; & concidi recusat. Perge igitur tenere, quam ingressus es, viam. NIC. Tres summi boni praeicipuae conditiones a te, ni fallor, prima disputatione traditae sunt, quod perfectum, sufficiens, ac maxime expetendum sit. Etenim cui aliquid deest, perfectum non est. nam aliquid in eo requiritur. Quod autem summum, idem etiam perfectum est. nam si quid illi addatur, summum non erit, sed alio inferius; si quid vero dematur, imperfectum. Tum quod perfectum est, idem etiam potest suppeditare quae natura desiderat. Quare si in eo congesta sunt omnia, quae optari possunt, erit sane maxime expetendum. Ad hanc quasi trutinam bona corporis & fortunae examinanda si uocemus, cognoscemus profecto quantum a summi boni conditione & natura absint: quae (ut in uniuersum hoc unum dicam) nunquam hominis animum explere possunt caelestē & immortalem, sapientemque; diuina & aeterna. Quinimmo sui maiorem sitim afferunt semper; aliena quippe sunt, generisque diuersi; nec conquescere in his animus potest, quibus non satiatur. Sed tamē quo res dilucidior fiat, singillatim fortunae, ac corporis bona perpendamus. Ac primae omnium diuitiae se nobis

F 4 obijciunt;

DE SYMMO BONO

obijciunt : quibus obedire omnia (ut Eccles. inquit) stultus existimat. Diuitiae aut naturae sunt, aut hominum studio & arte inuentae. Sunt autem naturae, quas ad humanae uitae usus necessarios natura nobis subministravit : quales sūt arua, syluae, segetes, uinae, armenta, greges, & quae ad uictū cultūq; corporis exiguntur. quāquam romani pecuniae nomine diuitias omnes appellarunt : quorum facultates in pecudibus erāt. Ex quo patrimonia etiā peculia uocauerunt. Aurum uero, argentum, & aes hominis studium, & ars permutandarum rerum gratia inuenit. Nam cum apud ueteres primum res permutarentur, nō autem emerentur, atq; isthac permutatio saepe incommode & importune fieret, nummus ex auro, argento, & aere excogitatus est, qui rerum uenaliū certa mensura esset, modusq; seruandae iustitiae, cui a permutandis rebus nomen est. Cuius generis diuitiae, quia illarū usus ad luxum libidinemq; traducitur, explere cupiditatē animi nequeunt. At naturales diuitiae, quia uitae necessitatibus certo modo sufficiunt, saturare appetitum hominis possunt. Sed qui obsecro fit, ut supernacaneis, nullūq; usum habentibus diuitijs magis, quam opportunis ac necessarijs beatos fieri nos existimemus? Haud equidem natura, quae in omnibus modum prudentissime seruat, diuitiarum tantam curam nobis ingenuit, sed uulgaris opinio

opinio a prauo errore, & cupiditatis famulo
sensu enata inseruit. An forte qui locupletior est,
beatius uiuit? aut ampliores fortunae maiore ani-
mi tranquillitatē & securitatē pariunt? Nū opu-
lentior plura comedit, quam stomachus excipiat?
uel pluribus se uestimentis induit, quam membra
sustineant? Disrumperetur suamet copia, oppri-
mereturq;: Quin hoc amplius ex suis opibus illi
est, quod pluribus curis irretitur, nec secum est,
nec secum (ut dici solet) uiuit. quoniam opus est
ei, qui plura possidet, animum in plura distinere.
Decet autē facultates nec profundere, ne prodi-
gus habearis, nec tenacius restringere, ne auari-
tiae & improbitatis uicio noteris; sed cum omni-
bus pro cuiusq; dignitate moderata liberalitate
uti. Iam quid labores in parandis opibus? quid
curas in conseruandis, & in amittēdis diurnos ac
nocturnos metus commemorem? Quarū insuper
non aequae iucunda est adeptio, quā molesta amif-
sio: quae somnum aufert dulcem laborum quie-
tem, atque unicum malorum perfugium. Taceo
inuidiam, quae ex re familiari paratur; praefer-
tim si indigne, atq; iniuste possidetur. Nec dico
pericula, quae uel ab inuidia, uel ab aliqua alia
improbitate opulentioribus saepe conflantur: qui-
bus interdum inde malum est, unde salutē & fe-
licitatem sperant: quemadmodum Eccles. inquit,
Diuitiae interdum conseruantur in malum domini
sui.

DE SYMM O BONO

fui. Nō nō est ociosa & quieta, sed magno labore & contentione animi et corporis traducitur uita, quae pecuniae uias persequitur. Nec tamen omnem curam diuitiarum ab eo negligi uolo, cui domus & familia gubernāda est. Debet enim ex assignato sibi a Deo munere non tantum suae, sed aliorum etiam uitae necessitatibus inseruire. Sed statuendus est animo, & industriae modus, ut ne quid inique, ne quid immoderate agatur. Immoderationem molestia, improbitatem pœna consequitur. Sapienterq; aiebat Solon, Pecuniam habere desidero; sed quidquam facere eius gratia contra ius fasq; nolim. Est autē uiri probi nec inertiae se dedere, nec rerum copiam affectare, solum res uitae necessarias querere. Opulentia egestasq; simul fugienda. Quarum utraq; abhorrebat, qui Deum obsecrabat, ne paupertatē & diuitias sibi daret. Mediocritas optima uitae regula est. Quanquam uos, qui arctiori uinculo religionis uos obstrinxistis, ab omni domesticae rei cura uos liberaastis, ut iter ad perfectionē sanctitatis christianae quā expeditissimū uobis faceretis. Mihi uero, cui septē liberi sunt, rei familiari cura adhibenda est, ut pro dignitate familiae honeste uiuamus. Nec me quisquam incusarit, quod patrios census ullo meo uitio extenuauerim: etsi non admodum illos auxi. Qui tamen satis ad degendam liberaliter uitā pro agnationis condi-

conditione meis liberis fuerint, si boni extiterint, si mali, ne triplo quidem maiores suffecerint. Semper enim illud Catonis dictum amaui, Laudabilius esse superuacaneis rebus non indigere, quā multam & inutilem supellectilem possidere. Idēq; uir prudens aiebat, non uiri, sed uiduæ mulieris esse extenuatas facultates relinquere. Quare modus quidam in parandis, conseruandisq; diuitijs habendus, ne aut egeas, aut abundes: illud inertiae, hoc cupiditatis est signum. Quinetiā pater uniuersorū Deus, qui uel passerēs minimasq; auiculas pascit, nedum hominum uitae prouidet, qui passeribus multo pluris sunt, studiosis ac pijs uiris quadam cum mensura diuitias tribuit; uidelicet quantae ad usus uitae necessarios sufficiant: ne si ampliores adsint, aut humani animi uires copia & luxu molliantur, aut terrenarū & superuacanearum rerum curis plus nimio implicentur: qui dies noctesq; caelestem sui originem contemplari debent, reditumq; ad patriam uirtutis sanctis castisq; actionibus munire. Ceterū bonis uiris (ut D. Ambrosius sentit) opes sunt adiumenta ad uirtutem, qui illis recte utantur; malis uero impedimenta, qui abutantur. Nam aut insolenter sese efferunt, aut uoluptatibus corporis capiuntur, aut pecuniae auuiditate inflammantur.
Quamobrē apostolus Paulus ad Timotheum scribit, ut diuites moneat, ne sublime sapiāt, hoc est,

DE SUMMO BONO

ne arrogantius se gerant. Scienterq; Pindarus
 πλούτωρ, (quod nomen diuitias significat) μεγα-
 λωπύρον appellauit; quoniā homines superbos atq;
 animo inflatos reddit. Et quidem diuitis epulonis
 imago; quae ab euangelista Luca describitur, im-
 probis hominibus diuitias intemperantiae ac lu-
 xuriae ministras esse nos docet. At uero auaritia
 est auaritia pecuniae rationi contraria: quā aut
 luxuries, aut praua opinio gignit. Quid uero me
 oportet in duaros inuehi, quos omnium uoces &
 literae detestantur? Primum Eccles. inquit Aua-
 ritia nihil esse scelestius: eamq; apostolus Paulus
 omnium malorum radicem uocat; atq; idolorum
 feruitutem; cum auari pecuniam colant, ut ido-
 la. Nec dignitatum iniquas uenditiones, nec
 iudiciorum corruptelas, nec rapinas, nec caedes,
 nec familiarum, nec rerump. euersiones dicam:
 quarū causa, ut in seminibus stirpium, sic in aua-
 ritia existit. Acclamatq; merito Poëta,

Quid non mortalia pectora cogis
 Auri sacra fames?

Exemplo esse potest non solum Lacedaemoniorum
 res. quae optimis praeceptis ac legibus instituta,
 auaritatis tamen uitio labefactata fuit; sed etiam
 Romanorum, qui omnibus gentibus ac nationi-
 bus imperarunt. Apud quos ut auaritiae morbus
 inualuit, aequitatem uincente pecunia, imperium

non

non modo imminutum, sed omnino deletum est. Nec inepte apud ueteres græcos diffinitabatur, nō Philippum, sed Philippi aurum græciam subuer-
tisse. Omitto quod auarus semper est (ut ille Poë-
ta loquitur) inter opes inops, tanquam Tantalus
inter aquas sitiens. Semper enim eget, semper
sitit. quia (ut ille alius Poëta ait)

Quo plus sunt potae, plus sitiuntur aquæ.

Etenim quia diuersi generis & naturæ ab ani-
mo aurum est, cupiditatem hominis explere non
poteſt. Beneq; Eccles. inquit, Auarus non im-
plebitur pecunia. Ac Plato sapienter ei, qui di-
ues eſſe uelit, consulit, ut immineat, non accumu-
let opes. Nam qui modum cupiditati non ſta-
tuit, semper eſt pauper. An erimus diuitiarum
ſerui potius, quam poſſeſſores & domini?

Et mihi res, nō me rebus ſubmittere conor.

Quo mihi fortunæ, ſi non conceditur uti?

Eſt ſiquidem fructus aliquis honeſtus ex diuitia-
rum uſu capiendus ad degendæ uitæ commoda
& neceſſitates: quem negotioſorum, hominum la-
bor impedit; auarorum cōaceruatio pecuniæ au-
fert; uoluptariorum profuſio corrumpit. atq; ut
in carendo diuitijs magni animi patientia, ſic in
utēdo recta prudētis uiri ratio cōmendatur. Vel-
le autem diuitem fieri, hoc eſt, ſupernacuis &

non

DE SUMMO BONO

non necessarijs diuitijs abundare, ualde periculosa res est. Est enim (ut apostolus Paulus refert) in diaboli tentationes incidere. quoniam uirtutis actiones deferat necesse est, qui pecuniam impensius querit; & ab iniquitate longius non abest, qui omnia rapere ad se studet. Aut quid aliud est tanto animi affectu pecuniā amplecti, quā in pecunia finem sibi cōstituere? Quod ne a nobis fiat, Prophetā suadet inquit, Diuitiae si affluant, nolite cor apponere. Certe in diuitijs sperare hominis est de salute christiana desperati. Quapropter Christus tradit, difficilius esse diuitem intrare in regnū cælorum, quam camelum in foramen acus: & Paulus nos admonet, ut in incerto diuitiarum ne speremus. Nam præterquā quod in summo genere bonorum non sunt, sunt etiam uanae, & in temeritate fortunae atq; inconstantia positae. Iusteq; nobis Christus precipit, ne thesaurizemus nobis thesauros in terra, ubi æ rugo, & tineæ demolitur, & ubi fures effodiunt & furantur; sed thesaurizemus nobis thesauros in cælo, ubi neq; æ rugo, neq; tineæ demolitur, & ubi fures non effodiunt, nec furantur. Num uero his rebus adijciā exempla eorū, qui uirtutis studio diuitias contempserunt? Anacharsis philosophus pro nihilo pecuniam dixit. Socrates paucis cōtentus uixit. Xenocrates talenta ab Alexandro missa respuit. Diogenes Persarū rege beatiorē se esse putauit; quod

quod sibi nihil deesset, illi nihil unquā satis esset. M. Curius Samnitum aurum despexit. Atq; ita ego persequor aliena, quasi minus habeam domestica. dico christiana. Omnes enim in una eademq; Dei domo uno eodemq; religionis uinculo constricti uiuimus. Apostoli religionis nostræ prima & clarissima lumina omnia reliquerunt, ut Christum sequerentur: immo eorum numerus infinitus est, qui totas facultates suas ob studiū religionis pauperibus erogarunt. Sed maior certe laus nostris debetur; qui solum uerae pietatis rationem habuerunt, non, ut ethnici, popularem auram aucupati sunt. Atq; illi suis diuitijs nulli profuere, nostri egestates egentissimorum hominum subleuarunt. Id quod euāgelista Ioannes philosopho cuidam gēmas frustra confringenti obicit. Sed de diuitijs satis multa egi, ac forte etiam pluribus, quam disputationis ratio postulasset. Verum patens adeo ad dicendum campus me longius produxit. Ut igitur concludā quod propositum est, diuitiae in summo bono non sunt, tum quia magno labore acquiruntur, & acri cura conseruantur; tum quia incertae, fluxae, & caducae sunt, temporum iniquitatibus subiectae, nec in sapientis potestate positae, sed in fortunae temeritate; tum quia non propter se, sed propter humanae uitae usus necessarios expetuntur. Quæ praterca ne sitias, ne esurias, ne calorum frigorumq;

DE SUMMO BONO

goriamq; molestias sentias , præstare tibi non possunt : nec tranquilliores uitam , nec meliorem possessorem efficiunt. Postremo (ut Boëtius ait) melius in effundendo , quam in coaceruando nitent. Siquidem auaritia odiosos ; claros facit largitas. BAR. Tua nos oratio & copiarerum , & uarietate sententiarum mirifice delectauit : eodemq; a te modo reliqua pertractari cupimus. NIC. Gaudeo placere tibi , cuius ingenio maxime delector , orationem meam : nitarq; pro me reliqua ita peragere , ut aliorum uoluntati satis faciam. BER. Facies porro satis. NIC. Post diuitias agendum mihi uidetur de nobilitate. Nō enim solum diuites , sed etiam nobiles uulgo beati nuncupantur. Quod in illo Horatij carmine literati uiri notarunt ,

Nescias an te generum beati
Phyllidis flauae decorent parentes .

Ac pleriq; de nobilitate ita gloriātur , ut reliquas res omnes inferiores existiment. Sed quid ipsa sit uolo inprimis exprimere , ut tota res planius intelligatur. BAR. Agis ut ego uolo , & res : quæ delectationis habet non parum. NIC. Voco autem , (ne quis in hoc hæreat) nobilem , eum , quem graeci *εὐγενής* uocant , hoc est , ex antiqua , bona , ac clara stirpe procreatum . Nam latinum nomen non solum genere clarum , sed cuiusuis rei præstantiæ

præstantia insignē quoq; significat. Siquidē et rē-
tores, & philosophi, & excellentes citharædi nobi-
les appellantur. Parit enim laudem artis perfe-
ctio: laus uero clarat & illustrat, quem afficit.
Enimvero ab uno parēte omnes originē trahimus:
ex quo (ut in apostolorū actis legitur) Deus uni-
uersum genus hominum fecit. Adam parens iste
est: cuius ratione mortales omnes æque nobiles
sunt. Quare Boëtius inquit,

Omne hominum genus in terris

Simili surgit ab ortu.

Sed in multas deinde uariasq; familias diuise su-
mus. Quarū authores prout clari obsecurine fue-
runt, sic ab illis orti nobiles ignobilesue dicti sunt.
Reddit autem hominem conspicuum in primis uir-
tus: qua non solum brutis animantibus, sed ipsis
etiam hominibus præstamus. Verū ea uirtus præ-
cipue nos alijs commendat, quæ hominum socie-
tatem & communionem tuetur: ut ciuilis pru-
dentia, qua ciuitas recto iure, commodeq; guber-
natur; & bellica fortitudo, quæ ciues ab incur-
sionibus & iniurijs hostiū defendit. Bonæ quoq;
artes & doctrinae nō in infimo prædicationis gra-
du sunt: quibus hominis animus & uita sic exco-
litur, ut maiorem in modum a uictu & cultu di-
stet bestiarum. Ad hæc diuitiæ hominem illustrant
non solum propter magnificos apparatus, sed quia
G solent

solent notae quædam esse uirtutis. Omnis enim ue-
 ra laus a uirtute proficiscitur. Qui igitur familiã
 decorare primus omnium incipit, is cognationis
 suae nobilitatis est author. Apud Romanos fami-
 liae nobilitatis initium dabat senator: eundemq;
 nouum hominem uocabant cum, a quo gemis ali-
 cuius nobilitas principiũ duceret: quo modo a Sa-
 lustio iniuriae causa M. Cicero appellatus est. Ac
 certe magis e patre, quam e matre principiũ no-
 bilitatis est; quod maior in mare, quam in sæmi-
 na generandi uis insit: ne illorum sententiam re-
 feram, qui sæminam ad generandum nihil præ-
 ter conceptum afferre existimant: sed quo uterq;
 modo ad procreandum, sic etiam ad nobilitandũ
 eos, quos gignunt, mea sententia conuenit. Quã-
 quam apud Galliae quosdam populos a matre po-
 tius nobilitatis initium capitur, forte ob clarorũ
 hominum raritatem. Nec per se quidem unus ua-
 let illustrem cognationem efficere; sed natorum a-
 se, nepotumq; uirtutibus conseruandus etiã est in
 familia dignitatis, splendor, quoad prosapia cunctis
 clara & perspicua fiat: donec, in quã, uelut a s. æ-
 ruginem amittat. Attamen ut uirtutes & egre-
 gie facta agnationem decorant, sic etiam inqui-
 nant vitia atq; flagitia.

Vicunq; defecere mores,
 Dedecorant bene nata culpa.

Nobilitas

Nobilitas ergo nobis est generis claritas : et qui ex claris parentibus oritur, nobilis latine uocatur, græce *εὐγενής*, hoc est, bene natus. Valet præterea non parum ad nobilitatem celebritas patriæ : a qua etiam genus ducitur. quippe locus procreationis partem aliquam sibi uendicat. Nec aliter patria, ac familia uirorum illustrium uirtutibus clarisq; facinoribus nobilitatur. Vnde Serapioni cuiusdam Themistocles ignobilitatem patriæ obiecit. Quare cuius patria & parentes clari non sunt, quantauis licet uirtute excellat, nobilis, *εὐγενής* inquam recte dici non potest. At uero generosus dicitur is, qui elato animo est, nec a maiorum suorum præclaris uirtutibus quicquam degenerat. Fert autem uitium naturæ, aut deprauatæ uoluntatis, ut quis nobili genere natus, fordidè ac turpiter uiuat, gerens demissam, & angustam mentem. Nunc uidendum est quid habeat nobilitas boni. Habet autem id boni, quod fere apud omnes gentes & nationes in honore habetur : quoniã in omnium opinione positum est, et probabile fit, ex bonis parentibus bonos filios procreari : sicut ille inquit Pœta,

Fortes creantur fortibus?

Ideoq; nobiles ceteris opinione uirtutis anteponuntur. In sacris etiam libris pleriq; a generis nobilitate laudantur. & IESVS CHRISTVS

DE SUMMO BONO

Deus, ac Dominus noster ex MARIA nasci uoluit; cuius ortus ad regalem progeniē refertur; uel quia nobilitas uirtutis testimonium est, uel ut debitam sibi regiam potestatem ostenderet. Proinde nobilitatis conditio hanc muneris necessitatē affert, nihil ut a ueteri maiorum uirtute desectamus. Quod Boëtius nō paruae eruditionis uir his uerbis testatur. Si quod est in nobilitate bonum, id inesse arbitror, solum ut imposta nobilibus necessitudo uideatur, ut ne a maiorum uirtute degenerent. Quamobrem maiore uituperatione dignus censetur nobilis, si se uitij inquinarit, quā ignobilis. Tamen uir generosus parentum exemplis ad recte facta magis accenditur: ut Publicum Scipionem maiorum suorum imaginibus ad gloriam ualde excitari solitum accepimus. Et apud Virgilium quam pulchre Aeneas filium ad paternae uirtutis amulationem hortatur?

*Disce puer uirtutē ex me, uerūq; laborē,
Tu facito, mox cū matura adoleuerit ætas,
Sis memor; & te aīo repetētē exempla morū
Et p̄r Aeneas, & auunculus excitet Hector.*

Ergo uirtus nobilitati præscrenda, quia eius effectrix est: tum quia uirtus in nostrorum bonorum possessione est, nobilitas ad alios pertinet. Est enim parentum bonū: sicut recte Seneca in Trædia, cui nomen Hercules,

Qui

Qui genus iactat suum, aliena laudat.
Et apud Ovidium contra Aiacem Vlysses,

Nā genus & proavos, & q̄ nō fecimus ipsi,
Vix ea nostra uoco.

Quare si inanis est nobilitatis apud alios cōmendatio, nō nos etiam uirtus ipsa commendat. *Louis* hominis est atq; insipientis de tam paruo & alieno bono gloriari, nedum illud in bonorum extremo ducere. Quia exposui quid de nobilitate sentirem, quid etiam de dignitate, honore, & gloria sentiam explicabo: quae satis inter se coniunctae sunt. *BAR. Probo. NIC.* Expetuntur autem istae maxime ab his, qui excellentibus ingenijs praediti sunt: Verum quae sit cuiusq; natura primū exponiam more meo, ut cetera: tum quid laudandū, quid contra reprehendendum ostendam. *BAR. Approbo. NIC.* Est igitur dignitas personae cōditio cultu & honore digna, ἀπο τοῦ δεικνυμένου (ut quidam uolunt) dicta, quod est monstrari. Quam in rem facit quod Satyricus poëta inquit,

Quam pulchrum est digito monstrari, & dici, hic est.

Honor uero est reuerentia, qua quis obseruatur et colitur, utpote uel aetate, uel uirtute, uel dignitate antecellens. At gloria a Cicerone laus bonorum, incorrupta uox bene iudicantium de ex-

DE SUMMO BONO

celledo uirtute; a D. Ambrosio finitur, clara cū
 laude notitia, quasi Claria duabus literis immu-
 tatis. Quae omnia uirtutis excellentiae nituntur.
 Itaq; dignitas praestantem uitae statū dicit, ho-
 nor uenerationem, gloria factorum laudem. quae
 quidem uoce & fama continetur, sicut re & ge-
 stis honor. Ac quo quisq; altiori animo est, eo ma-
 gis ista bona, quam diuitias consecretur: quoniam
 maiorem habent benevolentiae formam & similitu-
 dinem. Idcirco bona fama diuitijs prestat. Confir-
 matq; hoc ipsum Salomon. Melius est inquit
 nomen bonum, quam diuitiae multae. Ac quid
 obsecro melius ad incolumitatem uitae & hone-
 statem optare quisquam potest, quam bonam uir-
 tutis & integritatis apud suos opinionem? Con-
 tingit autem plerumq; diuitiarum possessores au-
 ros & iniquos esse; at nemo nisi ob recte & egre-
 gio facta laudatur. Sed & diuitiae ad parandam
 gloriam per se ipsae parum valent, uirtutis uero
 fama ad consequendas opes plurimū sepe confert.
 Et meo quidem iudicio parentes maiorem & me-
 liorem liberis hereditatem nullam relinquerent,
 quam uirtutum suarum nomen & predicationem.
 Quod autem isthaec bona uitam beatam homini nō
 praesent, duabus maxime rationibus probari po-
 test; altera, quod ex aliorum opinione & existi-
 matione pendent; ut, quoniam in aliena potestate
 eo fieri, amitti facile possint. altera, quod uirtutis
osten-

ostendendae causa queruntur; ut uirtute inferiora sint. Atqui summum bonum propter se expetit, & ad nostram facultatem, nostrorumq; bonorum possessionem spectat. Nec uero cum dicitur honorem in eo esse, qui afficit, non in eo, qui afficitur, ita dicitur; quasi non prestet honorari, quam honorare; sed ut intelligas honorem a summi boni natura & conditione abesse, quoniam in aliena manu positus est. Nec inficior homini a natura innatum esse studium dignitatis & honoris; nam praestare quisq; ceteris studet, & artes ea imprimis coluntur apud quosq; quae in honore sunt, ueluti pictores eos colores maxime inducunt, quibus delectari passim homines aduertunt; sed ista petuntur tanquam integritatis & uirtutis testimonia. Vnde apud eos praecipue, quibus cum uultus, honorari, ac praesertim a laudatis probatisq; uiris laudari optamus: quoniam illorum testimonium & praeconium grauissimum est. Ceterum immaturi honores inuenibus collati, si leuia ingenia nati fuerint, aut insolentes illos reddunt, aut cito satietate nauscam afferunt. Languens enim animus, & sibi ipse bladiens facile ambitionis uitro inerti aq; corrumpitur: graues autem & constantes homines ad uirtutem & honestatem bonorum aura uehementius impellit: quippe quos pudeat, si non suis se uirtutibus etiam attollant. Est quaedam non immoderata cupiditas honorum, fere ingenuis ho-

vitiis insidens, apud sapientes omnes probata,
 quod a turpitudine animum retrahat, & ad vir-
 tutis splendorem inflammet: quae certum adhuc
 nomen nata non est. Nam ambitio communiter
 est vitii nomen, de medio virtutis recedens, im-
 moderatae honorum cupiditatis nota. quamquam
 inopia verborum hoc ipsum nomen interdum lau-
 di datur. Petere igitur virtutis studio veros soli-
 dasque honores, qui benefacta necessario, tanquam
 umbra corpus, sequuntur, prudentis & boni viri
 est, ac suae famae, ut par est, seruientis: verum
 commendationem vulgi non aequitate & integri-
 tate morum, sed temeritate & simulatione prauis
 artibus querere leuis & improbi hominis est. In
 quo etiam sepe plus habetur molestiae, quam uolu-
 ptatis. Ac porro uerum est, quod Boetius ait, Plu-
 res magnum saepe nomen falsis vulgi opinionibus
 attulisse. quo quid turpius excogitari potest? Nam
 qui falso praedicantur, suis ipsi necesse est laudi-
 bus erubescant. Neque enim dignitates & hono-
 res uitia depellunt, sed improbitatem magis
 patefaciunt: quia in aperto sunt. Quid uero de
 incredibili gloriae studio, quod in Romanis fuit,
 loquar? qui pro nominis praedicatione nullum la-
 bore, aut periculum subire recusarunt? Num
 humanae laudis fructum aliquem ad animum post mor-
 tem attinere putabant? At quo modo? qui aut nul-
 lum sensum post mortem remanere credebant, aut
 quis

quis foret animorum status post corporis dissolutionem ignorabant? Quodnam bonū istud est, quod inane totum est, instar e leui stipula excitate flammae, quae ex templo euanesceat? Verberare, quod aiunt, mihi aërem uidentur, qui, ut in hominum memoriam nomen suum disseminent, nullum spiritum tranquille & otiose ducunt, sed perpetuis se laboribus & periculis frangunt. An infelices queso putent eos, quorum cum uita nomē extinguitur? At quam breuis etiam est humanae gloriae terminus, si terrae, quae tamē istar puncti ad cælum est, partes habitabiles inspexeris. quarum duae sunt e quinq; atq; in his uastæ solitudines interiectae. Nec ad eas omnes, quae habitantur, regiones nomen nostrum peruenire potest, quoniā pleraeq; earum gentes aut imperio, aut religione, aut moribus a nobis discretæ sunt. Verum cum immortalitatem expetiuerint, quodammodo futura secula augurati sunt; quae deinde Christus enuntiavit. Idemq; docuit, ut Dei commendationem potius, quam hominum peteremus, ac nomē nostrū in cælis scribi curaremus, in quibus eternum & gloriosum foret. BAR. Tanti est Christi fides ad cognitionem rerum atq; scientiā, ut proferat in lucem res huius mundi sapientibus accutissimas. At tu tuum institutū persequere? Nō. Contra eos dicendum modo mihi est, qui dominatus & imperia tantopere affectat, quia potestate

DE SUMMO BONO

Se Deo similes fieri arbitrantur. Sed uirtute non solo principatu Deum imitari nos oportet : qui non minus a bonitate & clementia , quam a potentia & authoritate sacris literis celebratur. Enimuero potestas omnis a Deo est , sicut asserit apostolus Paulus : idēq; iubet nos uel malis regibus obedire, tanquam a Deo in imperio constitutis . Nam sapientissimū illud numen prudentissime cuncta digessit , ac certo obedientiae nexu inter se uniuersa copulauit atq; coniunxit . Quare si a principali causa proximarum uirtus effluit , & a primo uniuersitatis rerum imperatore ceterorum dominorum potestas deriuatur . Vnde principatu se dignū putare hominis est de se multa sumentis ; ui aut dolo illum petere , improbi atq; iniqui ; at oblatum a Deo capere , grauis & modesti uiri mihi esse uidetur . At boni quidem uiri dominatū omnē ad eorū, quibus praesunt, utilitatē transferunt ; mali uero (ut ille canit poeta)

Et claros homines uoluerūt se, atq; potētes ;
Vt fundamento stabili fortuna maneret ,
Et placidā possent opulenti ducere uitam .

Quorum dominatus facile ab impotētia animi & cupiditate in tyrannidem conuertitur : quae nimis imperiosa & intemperans est , habens plurimum acerbūatis , inferis superisq; odiosa . Itaq; in principatu solitudinis & angoris pleno quae

potest

*potest esse felicitas? Ipsimet certe domino tyranni non minus est formidini, quam subiectis terro-
 ri. non enim minus timet eos, quos multitudi-
 ne satellitum terret, quam timetur ab illis. Pro-
 fectoq; insani est uelle ab alijs timeri, & metue-
 re timeri: Sed ipsorum tyrannorum, ut utriusq;
 Dionysii, Alexandri, Aristippi, uita docet quā
 suspecta sit tyrannis; & quam misera ostendit ip-
 sorum infelicissimus exitus. Patitur autem sum-
 mus ille mundi rector Deus interdum regnare ty-
 rannum, ut dissolutum licentia populum sua
 dominatione coercet. Verum de fortunae bonia
 abunde dixi: nunc bona corporis iisdem ponderi-
 bus examinabo, quanti censenda sint. Atq; in
 unius uoluptatis momento cuncta perpendā: quo-
 nam ad uoluptatē omnia reducuntur: nempe quae
 maxime omnium appetitur. Nam quid opus est
 de forma & pulchritudine singillatim dicere? cu-
 ius studio qui capiuntur, aut pellices sunt, aut adul-
 teri. dicas etiā leues & inanes, quos inanis spe-
 cies delectet: quae aut efflorescit aetate, aut egri-
 tudine corrumpitur. Sileo mala, quae ingentia
 sepe non tantum familijs, sed etiā rebusq; formae
 causa euenerunt. Testis est, quae in proverbium
 abiit, Γάτας κάρων, quae mala græcos & troianos
 ob unius Helenae formam decē perperatos annos
 exercuerunt. Verēq; Salomon ait, Ob pulchritu-
 dinem multi perierunt. Ac pulchre cōmentī sunt
 poētae.*

poëtar Narcissum, dum se in fonte contemplans formam suam ardentius amaret, in sui nominis florem conuersum fuisse: ut docerent istorum formosorum studium miserrimum, & inanissimū esse. Illorum quoq; uanitatis facilis est reprehensio, qui corporis sui uiribus adeo fidunt, ut omnes floccifacere uideantur. Nam in brutis animantibus maius quoq; robur uiget, quod præterea quauis ægritudine uitiatur, & ingrauescente ætate comminuitur. Sed & sanitas ista corporis & ualētudo nonne ut ministra uoluptatum, et effetrix nascitur? Sane qui bona corporis optant, ij ad uoluptatem omnia transferunt. Igitur cum de uoluptate dixero, de omnibus corporis bonis dixisse me cognoscetis. BAR. Habes satis magnum & apertum campum, in quo libere exultare & excurrere tua oratio poterit. Nam quis locus est a philosophis, omnisq; generis scriptoribus magis tractatus, quam iste contra uoluptatem? NIC. Sic est: uerum non tam copia rerum, quam delectus & ordo in dicendo queritur. Itaq; pro meo captu nobiliores quasq; sentētias tanquam flores carpere, quæ suo decore animum acrius excitēt, atq; in ordinem redigere conabor, quo accommodatius oculis subiiciantur. BAR. Nec aliter in hoc te cursu strenue & egregie geres, quā in superioribus. NIC. Consentaneū autem est prius edicere; quam uim huic uerbo uoluptatis subie-

Etam

Etiam esse uelimus. quanquam quid ego sentiam, nos ipsi intelligitis, notam scilicet turpitudinis: sed edicendum tamen; quoniam latius interdum patet eius significatio; sicut noster Barbanus prima disputatione nos docuit. Nam aliquando ad animi letitiam, aliquando ad denotandum corporis suauitatem trahitur. uerum usus latine loquentium obtinuit, ut uoluptatis nomine iucundus in sensu motus intelligeretur. Quod M. Cicero latinae linguae magister his uerbis confirmat. In eo autem uoluptas omnium latine loquentium more ponitur, cum percipitur ea, quae sensum aliquem moueat iucunditas. Fecit autem suavis comotio corporis nomen commune proprium, tum quia iucundus motus magis sentitur in sensu, quam in animo; tum quia multus & frequens est. Plures enim sensu, quam ratione ducuntur; citiusque uoluptatem corporis, quam animi letitiam capiunt. Hinc si quisquam de uoluptatis consecratione reprehenditur, aliorum se exemplo uetetur: nec ueretur culpam, quam maxima pars hominum sustinet. Sed & primariorum uirorum autoritate sese tegit: quoniam quo potentiores homines sunt, eo delictiorem & molliorem uitam eligunt. Ut uero rectius disputemus contra uoluptatem non, ut epicurei senserunt, beatae uitae effectricem, sed belluam insaturabilem, inimicam rationis, malorum semen, insigne turpitudinis, humani generis

ris pestem, quae qualisue sit hominis natura inspiciamus. Hominem corpore & animo constare omnes asserunt; atq; illo brutis animantibus, hoc diuinis spiritibus assimilari: similiorem uero fieri eorum, quorum studia plus imitatur. Equidem parens omnium prudētissima natura ut e bel-luarum conditione se homo magis erigeret, corpus illi ad contemplandum caelestia idoneum & aptum consinxit:

Pronaq; cū spectent animalia cetera terrā,
Os homini sublime dedit, cælumq; uidere
Iussit, & erectos ad sidera tollere uultus?

non ut bestiarum more humi serpens gulae uen-triq; indulgeret; cum dissimile corporis habitum accepisset; sed ut numen diuinum agnosceret, il-ludq; pie ac sancte ueneraretur. Tum mentē in-didit, qua multiplicem rerum cognitionem com-pararet; ac rebus necessarijs commodisq; uitam instrueret: atq; eam, quia lumē & dux uitae est, in suprema arce collocauit; unde corporis & ani-mi contrarios uirtuti motus cohiberet ac regeret. Atqui rationi nulla res adeo contraria est, ut uo-luptas, quae mentem e suo statu dimouet atq; di-sturbat, & temperantiae atq; honestatis inimica prudentiae oculos perstringit, intelligentiae ui-res emollit, consilij motus impedit, ita ut nihil recte fieri possit, nihil cogitari honeste. Quae enim

enim sine sapientia et moderatione uita esse potest?
 Quia uero nulla res homini aque pernicioſa eſt,
 ac uoluptas, ſuis nos blanditijs corrupens, ſcite
 Plato eam malorum eſcam appellauit. Nam do-
 loſe nobis ſeſe, uelut Euae ſerpens, inſinuat. qua-
 propter Venerem delitiarum Deam poëtae fran-
 dulentam finxerunt: ſuauiſſimèq; bladiendo animi
 ſuo imperio ſubigit, ac ſeruire deinceps turpem
 ſeruitutem cogit; nec ſecus ac Circe, quos ſuis ue-
 nenis inſicit, in belluæ formam conuertit. At
 quis eſt, qui Circes pocula deguſtauit? nonne

remigium uitioſum Ithaceniſis Vlyſſis?
 Cui potior patria fuit interdicta uoluptas?

Non autem prudens Vlyſſes. Quæ quidem ille
 pocula

ſi cum lociis ſtultus cupidusq; bibiſſet,
 Sub dñâ imperatrice fuiſſet turpis, & excors.
 Vixiſſet canis immūduſ, uel amica luto ſus.

Eodem nos modo contra uoluptatem, quo Vlyſ-
 ſes contra Circem, geramus: Herculesq; uirtute
 imitati eam uelut hydram expugnemus, excida-
 mus, incendamus. Quid autem aliud nos monet
 prophetarum eximius, cum inquit, Nolite fieri
 ſicut equus & mulus, in quibus non eſt intelle-
 ctus, quam ut rationem affectuum moderatrice,
 & dominam humanarum affectionum ducem ſequa-
 mur?

DE SUMMO BONO

mur? Quam qui nullam sentiunt, ij paululum a belluis differunt. An nullum inter nos & quadrupedem discrimen esse existimabimus? nullamque uim caelestem in nobis inesse censebimus? neque ullius uirtutis, neque honestatis, neque religionis studiosi erimus? non potius ut troiani ille senes Helenam, sic nos e uirtutis regno exulantem uoluptatem e nostris finibus expellemus? Iure igitur & merito prudentes uiri mancipia uocant eos, qui tantum res suauis & uoluptatem facientes conquirunt: quoniam pecudum uitam agunt. nec inscite Socrates non hominem, sed immanem & feram belluam eum appellat, qui uitam in libidibus traducit. Et quidē si uoluptatibus beatitudo metienda esset, pecudes nobis beatiores forent; cum in maioribus & diuturnioribus uoluptatibus sint. Tū numerabis inter bona id, cuius sitis inextinguibilis est, ac quod ad exiguum tempus durat, & discedēs tristitia angorisque uestigia relinquit? Quid horum non est in uoluptate? an unquā expletur? an diu est? an sine cruciatu appetitur? aut sine dolore hauritur? Sed mala, quae ex uoluptate oriuntur, aduertite, stupra, adulteria, incestus, proditiones, caedes, familiarum ac rerum peruersiones. Et quod facinus est? quod scelus? ad quod suscipiendum libido uoluptatis non impellat? Videtis morbos, uidetis agrotationes, quae a uoluptate nascuntur. Certe haud plures ferro, quā uoluptate

uoluptatis uenenato melle perſiſſe conſpiciſtis. Pe-
teſt ne igitur bonū ullum eſſe, quod tot tantorūq;
malorum eſt cauſa? Ac bene poëta ille te monet.

Sperne uoluptates; nocet empta dolore
uoluptas.

Poſtremo quis eſt, tam amens, tam durns & im-
pudens; qui de uoluptate gloriatur; quæ nullā
habet cum honeſtate commercium? Atqui de
re bona quiſq; libere gloriatur. Gloriatur uero
Sardanapalus porcus de Epicuri grege de ſuis
uoluptatibus, qui moriēs in buſto hæc iuſſit incidī.

Hæc habui, quæ edi, quæq; exaturata libido
Hauit: ac illa iacent multa, & præclara re-
licta.

Quid tu aliud in porci ſepulchro inſcriberes? atq;
eaſe habere dicit, quæ neq; dum erat in uinis, hæ-
bēbat diutius, quam cum eis fruēretur. At quem
exitum uoluptatum ſuarum habuit? Regis turpi-
tudinem antipius non ferentes Aſſyrii quammi-
ſerrime illum obtrūcariunt. Hoc ſummi boni ſum-
mum præmium, nex cum turpitudine crudeliſſi-
ma. Satis uidetur e numero bonorū uoluptas ex-
cluſa. Reſellendi ſunt etiam hi, qui ſummi boni
in non dolendo poſuerūt, ex eadem Epicuri ſcho-
læ profeſſi. Qui porro nobis bonum quoddā pro-
ponunt, quod in huius lucis ſura haberi non po-
teſt;

test; nec quale etiam sit cogitari. Nam necesse est aut hominem te non esse, ne unquam doleas; aut hominem tale bonum consequi non posse: nisi forte motum omnē animi ex corpore sustulerint. quo sublato quid inter nos & truncum illum intererit? Ad hoc non dolere modicum est tantorum laborum præmium, quos pro acquirenda felicitate suscipi oportet. Quid? si dolorem eximunt ex animo, etiamne gaudium extirpant? Cuius modi ergo est summum istorum bonū, quod nullam animi letitiam affert? Quod si gaudium ali- quod affert, certe non in non dolendo, sed in letando felicitas erit. Et si hominis bona omnia in corpore sita esse uolunt, quod multarum rerum est egens, mortale & dissolubile, quid nobis rectis artibus opus? aut cur frustra uirtutū studia exercemus? & ne grane aliquid dicam, cur Deum colimus, qui animo colitur? quo nos spoliare epicurei uolunt. Verum sapienter nos monet Apollinis illud oraculum, Nosce te ipsum, ut non tantum animi superbiam & tumorem deponamus, sed etiam naturae nostrae caelestem conditionem contemplemur: ne diuinus animus aut in utilium rerum curis distrahatur, aut uoluptatum flagitijs sordibusque contaminetur. Digni profecto Epicurei sunt, quos ex hominum catervis ad belluas excludamus: quarum vitam imitantur. Ac quæsumus mortales paulisper cogitationem suam ad Cresi-
Sardana-

Sardanapali, Alexandri, Caesarum sepulchra traducant: tum illorum cineres intuentes se ipsos interrogent, quo Cresci diuitiae, quo Sardanapali uoluptates, quo Alexandri potentia, quo Caesarum nobilitas & dignitates abierint. Si sapient, fatebuntur uerissimum esse, quod a Salomone dicitur, Vanitas uanitatū, & omnia uanitas praeter amare Deum. Concludamus ergo rem ita, neq; in fortuna, quae extra nos est, neq; in corpore, cuius sensus fragiles & caduci sunt, bonum ullum esse, quod possessorem suum meliorem beatiorēne possit efficere, nedum ipsum summum bonum: quo nemo non & bonus, & felix, & beatus semper est. BAR. Egregie tuo munere perfunctus es Nicolae, atq; e summi boni sede omnem fortunae facultatem, ac corporis uoluptatem copiosa & ornata uerbis sententijsq; oratione summa cum auditorum gratia deiecisti. Ceterum tibi Merula non minor labor & opera sumenda est in remouendo ab eadem sede uirtutem: quā illi nobiliores sectae philosophorum concedunt. MER. Quod mihi grauem administratu provinciam datam esse dixeris, gaudeo. Nam digniorē excusatione me habueritis, si in tanto officio minuae nostrae expectationi satisfecero: cum praesertim munus hoc demandatum mihi sit, non a me expectatum: nec mihi integrum fuerit recusare. Sed priusquam ostendat uirtutem summum bonum non

esse, præter rem fore non arbitror quid ipsa sit, quotq; eius genera explicare. Virtutis nomine, quæ illis a viro dicta est, romani fortitudinem intelligi voluerunt: quam in homine excellere putarunt; cum armorum studio rem suam augerent: sed deinceps ad omnem animi laudabilem & honestam affectionem eius vox deriuata est. Itaq; Cicero Virtus inquit cunctas animæ partes, prout statuit natura, disponit & seruat. Ex quo philosophorum nonnulli unam duntaxat virtutem esse dixerunt, rectam inquam & constantem totius animi compositionem. Igitur definiamus virtutem esse animi perfectum habitum: cuius nimirum vires nec ignorantiae uitij debilitatae, nec perturbationum morbis effractae, ad sua quæq; munia præptae & idoneae sunt. Itaq; quot animæ partes, tot etiam sunt genera uirtutis. Partes autem animi duae, mens, seu ratio, & appetitus: quare duo etiam uirtutis genera: alterum, quod intelligentiam perficit, a philosophorum uulgo intellectuale uocatum; alterum, quod appetitum moderatur, dictum morale, non solum quia exercitatione & consuetudine, quam mos significat, acquiritur, sed etiam quia propensiones & affectiones animi, quas hoc alterum uirtutis genus regit, eodẽ moris nomine, a latinis nuncupantur, a grecis ἠθικά. Vnde eam philosophiam, quæ in regendis animi motibus uersatur, induxit illi, nostri moralem nominarunt.

minarunt. Huius posterioris generis quatuor sunt partes, Prudentia, Iustitia, Fortitudo, Temperantia. Prudentia est recta rerum agendarum ratio. Nam morales actiones intelligentiae ut gubernat. Iustitia (ut a iureperitis definitur) constans & perpetua suum cuique tribuendi voluntas. At fortitudo est laborum periculorumque contemptio. Temperantia uero cupiditatum rationi obediens moderatio. Omnium autem moralium uirtutum caput est prudentia: a qua reguntur. Has ego moralis uirtutis partes breuius perstrinxi, quia omnibus notae sunt. At alterum uirtutis genus, quod in Intellectum, Scientiam, & Sapientiam a philosophis secatur, aliquanto latius pertractabo: utaque his interdum uocabulis, quae illorum proprii habentur. Intellectum finiunt esse perceptionem principiorum; e quibus non dubijs certae conclusiones efficiuntur. Graeci uocant *ἐπιστάματα*, quae latine Cicero modo pronuntiata, modo enuntiationes & effata dixit, scilicet, *ἐπιτάσεις* docet: sententias inquam, quae in sua & dignitate statim sine ulla recusatione mentis assensionem captant. Quas orationes per se euidentiores atque perspicuas, de quibus animus nihil addubitatur, sed comprehensas & fixas habet, nonnulli dignitates appellant: aliqui maximas propositiones; nempe e quibus uis conclusionum emanat: quidam communes animi notiones, quoniam aequae

DE SUMMO BONO

ab omnibus cōcipiuntur. Cuiusmodi sunt illae: Totum est maius sua parte, & De quolibet uerū est dicere quod est, aut non est. Quibus quidem animus assentitur, statim atq; illarum uoces agnouit. Nam ubi totius & partis uerborum uim percepit, illico totū maius esse sua parte firma assertione approbat. Principiorū uero quedā late patēt, atq; omnibus scientijs communia sunt, quaedam pręcipua ac propria cuiusq; doctrinae. Verumtamen principiorum notitia cum nullum certum nomen haberet, intellectus nomen occupauit, a quo comprehenditur. At uero scientia est rerum eodem se modo semper habentium cognitio. Nam oportet necessarias, perpetuas, & indissolubiles esse res, quarum extet scientia. Neq; enim arbitramur nos alicuius rei scientiā habere, quae aut non existit, aut cuius natura manens non est, sed mutatur. Quare singularum rerum, quae innumerabiles sunt, ac semper uariantur, nulla potest esse scientia, sed dumtaxat uniuersarum; quarum certa ratio, atq; eadem semper est, ex ipsorū indiuiduorum communi natura mentis artificio deducta. cuius gratia res singulares sub intelligentiam cadunt. Fit autem scientia ex perspicuis notisq; ex se principijs per argumentationem, quae a græcis ἀπόδειξις, a latinis ob euidentiā & enargiam demonstratio dicitur. Nam inductio, ad quā refertur exemplum, rerum singularium, demon-

stratio

Stratio uniuersalium est. Est autem demonstratio
(ut Ciceronis uerbis utar) ratio, quae ex rebus
perceptis ad id, quod non percipiebatur, addu-
cit. Sunt autē res perceptae ratae ac firmae pro-
positiones, causae, de quibus quaritur, conclusio-
num. Hæc ex certis causis, siue principijs necessa-
rio effecta cognitio scientia proprie nominatur, de
qua satis multa Aristoteles in libris, quos δεινὰ
ἀναλυτικά in scripsit. Sed & principiorum intel-
ligentia interdum, & cuiusuis rei notitia commu-
niter scientiae nomine appellatur. Nos uero de
ea scientia loquimur, quae rerum est necessarie
demonstratarum cognitio. Verum Sapientia in re
aliqua præstantiam significat. Itaq; excellentes
artifices, ut Apelles, Phidias, Polycletus, sapien-
tes nominati sunt. Et Thales unus ē septē Græciæ
sapientibus a cōtemplatione naturæ (ut Plutar-
chus scribit) sapiens dictus est; cum reliqui a ci-
uili scientia hoc nomen adepti fuissent. Et pruden-
tia sapientiae nomine aliquando signatur; quod
moralium uirtutum princeps, & uiuendi ars &
magistra sit. Sed tamen quae inter uirtutes inspe-
ctiuas siue θεωρητικὴς præstat, hoc nomen tanquam
propriū ab excellentia uendicauit. Est autem
proprie dicta sapientia mētis uirtus, quae & prin-
cipiorum intelligentiam, & cōclusionum scientiā
complectitur; ac res in uniuersitate mundi quam-
maxime præclaras, & principales causas contē-
platur

platur, sicuti mentes diuinas, quae nihil concretum habent, ipsumque moderatorem uniuersi Deum, qui res uniuersas administrat. Quamobrem ceteris doctrinis atque scientiis & rerum, quas pertractat dignitate, et cognitionis amplitudine antecellit. Nam primarias et summas rerum causas inuestigat, e quibus in proximarum causarum, et in eorum, quae e causis fiunt, cognitionem uenitur: ac principia, e quibus demonstrationes ducuntur, exponit; deque illorum uocibus, & natura disputat. Ideoque ceterarum scientiarum atque uirtutum domina & princeps est: quoniam opificij sui modum cuique architectatur, & intellectu principiorum, & scientia conclusionum melior, cum utriusque uim contineat. Quapropter sapientiam nonnulli finiunt esse rerum diuinarum scientiam; illique etiam tribuunt cognitionem rerum humanarum, quatenus principiorum & principulium causarum intelligentia ad omnium rerum inspectionem & notitiam ualet. Proinde uniuersa uirtus, ipsa inquam hominis perfectio, sapientia uocata est. Quae sint igitur mentis atque intelligentiae uirtutes explicauimus. Prudentiam uero, licet in eodem numero ponatur ratione domicilij, tamen propter eius meditationem & usum cum moralibus annumerauimus. At artes, quae sunt rerum faciendarum rationes, quamuis mentis uirtutes sint, tamen, quia solam ad corporis necessi-

necessitates conquisitae & inuentae sunt, silentio
 pretermisimus. quanquam interdum artis uoca-
 bulum ad omnes doctrinas & scientias trahitur.
 Proprie autem ars recta faciendarum rerum ra-
 tio est, ut prudentia agendarum. Est autem face-
 re opus extra se post factionem relinquere; ut
 qui ex luto, ligno, aere, aliaq; alia materia quid-
 quam conficit: at post agentis operam nihil reli-
 qui est; quod ullo sensu percipiatur; quales pre-
 cipue sunt moralium uirtutum actiones; quarum
 nullum opus extat, quod sub oculorum aspectum
 cadat. Hinc artifices & materiam, & artis
 suae instrumenta sepe aliunde mutuuntur: qui ue-
 ro prudentiae munera exercent, omnia in se ipsis
 habent. Quando autem uirtutis naturam, & par-
 tes exposuimus, quaerendum arbitror, an in uno
 aliquo uirtutis genere summum bonum, an in uni-
 uersa uirtute constituant. Equidem Stoicis
 summum bonum est in sedatione animi perturba-
 tionum. Quam uehementiorum animi affectionum
 moderatricem uirtutem ad bene beateq; uiuen-
 dum satis per se ipsam ualere existimauerunt, ita
 ut nullius rei indigere, nulla uoluptate affici,
 nullo dolore angī possit, qui in unius uirtutis
 possessione fuerit. At quaso fortitudo, quae ira
 motus frenat, & pericula subit, & dolores pro
 equitate perpetitur, quo modo potest esse cum
 malorum perpeffione summum bonum? Ad hoc

Tempe-

DE SUMMO BONO

Temperantia, quae libidinis impetus moderatur, quam habet ipsa in praetermittendis corporis uoluptatibus delectationem? Ideoque opinor uirtutem ferream a nonnullis uocatam fuisse, quoniam omni suauitate careret. At parit inquires, ut pugna ex uictoria, letitiam? Esto pariat. ipsa tamen actio uirtutis licet laudabilis & honesta sit, tamen iniucunda est. Tum si fortitudo summum bonum est, erit quidem & temperantia; quoniam eque uirtus est uoluptatum moderatio, ac malorum perperessio. Atqui unum est dumtaxat summum bonum. Preterea temperantia a fortitudine quodammodo generatur; quoniam esse temperans non potest, qui idem non est fortis. ergo summum bonum a summo bono, quoniam uirtus a uirtute producitur. Quo quid potest dici absurdius? At non una tantum uirtute Stoici, sed totius animi recta compositione felicitatem hominis describunt. Verum enim uero quaram a Stoico aliquo, an cum ceteri homines ad degendam uitam multa undique conquirant, ipse nullis escis et potionibus ad uescendum, nulliusque generis indumentis ad tegendum corpus indigeat, sola animi recta moderatione contentus? Profecto haud inficiabitur sibi etiam rebus ad uitae usus necessariis opus esse. Igitur hoc ipse beatus non est, quo egens est. At minimae sunt res istae, quibus indigemus? uerum necessariis, sine quibus uita degi non potest. Tum ita affectum ani-

maum

num uolunt, ut nullū omnino aut amoris, aut odij motum sentiat: quasi repentinae ac subitae commotiones animi in hominis potestate contineantur; aut peccati fomes, hoc est, deprauatae naturae uicio innata nobis ad peccandum propensio, humano ingenio, & uirtute non dicam extingui, sed ullo modo reprimi possit. Quem si minus cognouerunt, at certe in se ipsis satis experti fuerunt.

Quare potius uerbis speciosam & cogitatione tantum effectam quādam animi compositionem praedicarunt, quam quae in ullo homine unquam reperiatur. Ista mihi satius est Stupiditas & durities, quam ulla animi uirtus. Nam nullo affectu moueri stuporis est potius quam uirtutis.

Nec solum illi uolunt nullam animi perturbationem, sed ne corporis quidem ullum dolorē posse a sapiente sentiri. Equidem quod sit horum summum bonum haud intelligo. An potest aliquis beatus esse, si uerberetur? si crucietur? si tormentis conficiatur? At corpus dicent, non animi constantiam, non fidem, non magnitudinem cruciari. quasi Regulus ille, quod fidem hostibus seruasset, dum cruciaretur a pœnis, nullos ipse cruciatus sentiebat. Si perturbatur animus & angitur homo est miser, & si torqueatur corpus, erit beatus? quasi corpus pars hominis non sit. Sed hoc magis adhuc miror, cur Stoici, cum animo tantum tribuissent, illius immortalitatem negarint? quem
uel

DE SUMMO BONO

uel una cum corpore statim interire, uel post cor-
 poris dissolutionē annis aliquot errare, ac tandem
 dissipari crediderūt. Ergo cadutū, breuisq; tēpo-
 ris est summū Stoicorum bonū, nec omni ex parte
 hominem beatum efficiens: quod nos ieternū, atq;
 omnibus bonis expletum & cumulātū uolumus.
 Nec meo quidē iudicio tantis in laboribus se ul-
 lus exerceret, quos subire honesti ratio iubet, ac
 tantis uoluptatibus se priuaret, quas delicatū uitę
 genus affert, pro stoica uirtute, quam & parari
 à fortis est, & cū corporis sensu dissolui oportet.
 Melius forte cum Epicureis actum: qui opina-
 ti animū una cum corpore interire, uoluptarianz
 uitam amplexi sunt, nō genus istud uirtutis, quod
 omnē sensum ex animo extirpat, & incredibilem
 stuporem ingenerat. Philosophorum alij in nobi-
 liorem animi partem intuentes, nihil esse bonum di-
 xerunt præter contemplationem rerū atq; scien-
 tiam: Quod si beatitudinis artifex scientia est, nō
 potest idiota & illiteratus homo non semper mi-
 ser esse. Solum felicissimus Aristoteles, Empedo-
 cles, Democritus, ceteriq;, qui a sapientiae stu-
 dio philosophi nominantur. Nec inficior a natura
 nobis innatam esse discendi cupiditatē; quod ani-
 mus noster scientiarum cognitione alatur: sed ea-
 dem parens natura non omnes ad scientiæ studia
 habiles aptosq; consinxit. Nam quibusdam inge-
 nij solertiam, quibusdam canoriæ alacritatem,
 quibusdam

quibusdam iudicii vim et constantiam denegavit: Quare non sua culpa miser est idiota, sed naturae, sed potius Dei, qui naturae dominus est. Quomodo igitur Deus iustus, si prater æquitatē in miseria eum esse patitur, a quo miseriae causa nulla existit: sed quem ipsemet ad capeſſendā rerum scientiam adiumentis naturae spoliavit? At qui summū bonum eiusmodi est, ut omnibus hominibus æqua conditione propositum sit. Atq; hoc ipsum Aristoteles confirmat. Sed cum inquit, Felicitas ab omnibus comparari potest, nisi quis sit ineptus, scire uelim, quem uocet ineptum. An eum, qui a natura aptus non est? Ita non suo uitio, sed naturae homo in miseria est, Mibi is ineptus est, cui mala mens, malus animus est. qui Dei gratiam, munus id inquam, quo animus ad diuinarum rerum uerā atq; utilem cognitionem, quae fides dicitur, informatur, recusat accipere: ut nemo miser nisi a se ipso sit: prout ille inquit, Nemo laeditur, nisi a se ipso. Ad hoc summum bonū eiusmodi est, ut labefactari non possit: scientia uero sepe morbo corrumpitur. At quæso cultus ne rei scientia parari summam felicitatem autumant? An dicenda? Soli igitur oratores beati. An iuris? Non potest igitur nisi iuris peritus felix esse. An medendi? Solis igitur medicis bene est. An eius philosophiae, quae rerum causas, & naturam scrutatur? Omnes igitur præter naturales philosophos

sophos miseri. An moralis philosophiae? igitur qui morum & officiorum praecepta ignorat, in malis uiuit. An metaphysices, quae res simplices, indissubiles, & aeternas contemplatur? Vna igitur metaphysice beatum hominem facit. An mathematicarum disciplinarum, quae formas rerum a corporibus abducunt? Solis igitur mathematicis disciplinis beate uiuendi ratio continetur. At beatum plane hominem fieri non posse inquit, si non penitus omnium rerum cognitionem atq; scientiam consecutus fuerit. Primum inter tot huius uitae molestias, in tam breui aeuo infinita rerum scientia nullo modo capi potest. Ac doctissimi uiri recte senserunt ea, quae ipsi scirent, minimam esse partem eorum, quae nescirent. Tum si diuersis inter se, dissimilibusq; scientiis in dissimilia studia mens diuidatur, nullius rei certam scientiam assequi poterit. Quin etiā multa ignorare saepius expediret. Et bonarum malarumq; rerum cognitio quam habet laudem, si non sequimur expetenda, & fugienda reijcimus? Quare animi temperantia doctrinarum scientiae hoc antepōnda est; quod illa tranquillitatem ingeneret, haec anxietatem afferat. Nam ut sapiens ille inquit, Qui querit scientiam, querit & laborem; quoniam discendi finis nullus unquam inuenitur: uerum unius rei cognitio alterius rei desiderium gignit. Sed nec perturbato animo ullius rei scientiam consequi possumus.

sumus. Demus igitur posse omnium rerum scientiam acquiri, num ea homines meliores reddentur? equiores, fortiores & temperationes? Utinam peritiores doctrinis homines non grauioribus se flagitijs fœdarent. Aut quotusquisq; est philosophorum, qui finem in scientia ponat, non autem scientiã aut ad quęstum, aut ad nominis sui prædicationem referat? Incredibili uerborum magnitudine doctrinarum scientiã metiuntur: sed eorum pleriq; diuitias, pleriq; honores, pleriq; popularem quandam auram & inanem philosophiæ nomine consecrantur. Iidemq; philosophi tradiderunt uirtutis radices amaras esse, fructus uero suauē; quod uirtus non sine magno labore comparetur; cōparata suauissimos fructus producat. Sed quos fructus? laudem, gloriam, honores, authoritatem, existimationem. Hos illi fructus laborum suorum, non uirtutē ipsam expetiuerunt. Meritoq; satyricus Iuuenalis,

-- maior famæ sitis est, quam
Virtutis. Quis enim uirtutem amplectitur
Præmia si tollas? -- (ipsam,

Postremo cū appetitus & ratio utraq; pars animi sit, ad eius felicitatem utriusq; incolumitas requiritur, ut & uirtutes omnes adsint, & nullius rei sciētia desit. At quis inuentus est mortaliū, aut inuenietur unquam, qui inter peccatorū fomenta

fomenta nulla cupiditatis, aut irae cōmotione tan-
gatur; & in tantis naturae latebris tantarum re-
rum cognitionem percipiat: Sed constituamus ta-
men omni ex parte bene affectum animum, et ab-
solute sapientem, qui totus sit aptus ex sese, &
(ut poëtica loquar) totus teres atq; rotundus, hoc
est, summe & absolute perfectus; erit ne tum ho-
mo beatus? Ego summum bonum intelligo, quod
omnia bona contineat, quod omnibus bonis cumu-
letur, cui nihil addi, nihil ab eo demiqueat. At-
qui ad isthanc animi optabilem compositionē ac-
cedant necesse est bona corporis & fortunae, ut ho-
minis beata uita compleatur. Quamobrem Pe-
ripatetici cum felicitatem in uirtute, utpote prae-
stantissimo hominis bono statuissent, ad perfectae
completaeq; beatitudinis rationem adiumenta uir-
tutis, bona inquam corporis & fortunae, adiunxe-
runt. Itaq; qui ex trium bonorum animi corporis
& fortunae aggregatione perficeretur, hunc bea-
titudinis statum esse affirmarunt: Sed cum uideret
simul omnia bona corporis & fortunae a singulis
possideri non posse, dixere beatiorem illum fieri,
qui pluribus bonis abundaret: Sed quale istud
est Peripateticorum summum bonum, quod ac-
cessionem patitur, decessionemq; bonorum? Ego:
qui beatus semel est, non uideo quo modo fiat bea-
tior. Nam cui aliquid adiungi potest, illud sum-
mum non arbitror. Tum etiam ydem Peripatetici

non a uirtutis habitu, sed aetione felicem hominem esse aiunt. Recte. Sed qua ratione id probant? Quia nimirum beati a miseris, dum dormiunt, nihilo differunt. Quare summum Peripateticorum bonum concisum est. Ego felicitatem continentem amo. De amicitia nihil loquor, quam ad beate uiuendum necessariam iisdem existimant. Sed, qualem ipsi uolunt, nulla inter illos esse potuit: quoniam uoluntatum & animorum consensum sola Dei charitas facit. Quem nos locum tibi tractandum F. Bernardine relinquimus. Ceterum post mortem qua beatitudine hominem fruturum putant? Haerent. Alij dissipari cum corpore animum, alij eadem studia retinere opinantur, quae in uita habuisset: nec certi quidquam asseuerant. Cuius certe rei ignorantia noctes ac dies animum sollicitet atq; angat necesse est.

Tamē illarum inscientia digna excusatione uidetur, quia in christianae ac diuinæ fidei lumen nullum aspexissent: quod tenebras humano generi primi parentis scelere obductas discussit. quantum ingenio consecuti sunt, quicquid fas erat attingi. Cum tamen animaduernerent felicitatem, qualem ipsi describerent, in hac luce nullo modo posse a nobis haberi, nec decere innatum felicitatis desiderium in homine uanum & mendacesse, qui ceteris animantibus naturae dignitate et ratione antecellit, suspicari forte potuissent, bea-

tiorem aliam uitam nobis post mortem fore : et si
 quae, qualisue foret perse ipsi non intelligerent.
 In huius autem mortalis uitae usura satis aperte
 uidemus uerissimum esse quod Horatius canit,

---- Nihil est ab omni
 Parte beatum.

Sed ut ad exitum nostra perducatur oratio, qui
 summum bonum in uirtute posuerunt, hi certe plus
 alij uiderunt, & nobilitatem hominis melius
 considerarunt. Nam qui bona fortunae reliquis
 bonis prætulerunt, hi rem alienam ab hominis na-
 tura persequuti sunt : qui uero corporeas uolupta-
 tes adamarunt, hi belluarum similem uitam dele-
 gerunt. At uirtus honestatis & dignitatis est
 plena, animi ornamentum, humanae uitae ma-
 gistra, quouis humano bono potior. Quocir-
 ca propter se dicitur expeti, non quod omnium
 bonorum extremum sit, in cuius conformatione
 hominis animus conquiescat, sed quod habeat in
 se causam, quamobrem ametur. Neq; uero hæc
 a me de uirtute ita dicta sunt, quasi uelim animi
 rectam affectionem e beatitudinis finibus exclu-
 dere : sed eam rem quarimus, cuius adeptione nō
 solum animi uirtutes absolute perficiantur, sed
 totius hominis etiam uita beata undiq; complea-
 tur. At qui explere sciendi cupiditatem nisi rerū
 causæ cognitio non potest ; nec animi appetitionē
 tranquil-

tranquillare, nisi id, quod uniuersum bonū complectitur. Est enim hominis natura uniuersi ac summi boni capax. Id autem est Deus. Quare aliarum rerum scientia sine uera Dei cognitione beatitudinem perficere non potest, nec animi compositio ab humana, non diuina ratione prescripta securitatem & tranquillitatem uitae obtinere. Nec animi laudabilis affectio ipsa est summum bonum, sed ad summi boni adeptiōem faciens cōpositio. Sed & philosophorum nobilissimi cum a duabus animae partibus felicitatē hominis duplicem effecissent, aētiuam, quae in uirtutis actione consistit, & inspectiuam, quae in indagatione rerum & consideratione uersatur, tandem ex diuini numinis cōtemplatione summam felicitatem constare uno consensu asseruerunt: quod diuinum numen res omnes, quae mētis oculis obijciuntur, dignitate & maiestate uinceret; quippe uniuersitatis rerum causa atq; principium. Verum ipsam animi humani cum Deo coniunctionem, qua cum Deo unus spiritus efficimur, ne suspitione quidem ulla attingere potuerunt. Qua porro coniunctione hominis beatitudo conficitur. Nam appetitum rectissime componit, ac rationi totum obedientem reddit, mentemq; ita illustrat, ut numen diuinum plane uideat, & in eo tāquam in speculo res omnes contempletur. Ex qua animi felicitate gloriosa immortalitatis conditio etiam in corpus, cū

terra nouissimo die excitabitur, deriuatur. De
 qua si uellem plura dicere, merito uiderer in alie-
 nā messem (ut dici solet) falcem immitte-
 re. Mihi satis est ostendisse summum
 bonum in uirtute non esse. Quod
 si effeci, profecto cumula-
 te meum munus
 expleui.



IO. ANTONII

VIPERANI

DE SUMMO BONO

LIB. IIII.



Deum esse summum bonum.



INTERROGATUS Petre
frater Abdala Saracenus quid in
hac mundi scena magis admirandum
censeret, respondit hominem. Digna
uox sapiente, & sui generis conditionem contē-
plante philosopho. Nam ceterarum rerum suum
cuiq; proprium genus est: homo uero omnium re-
rum naturas participat. Siquidem aliae sola in-
telligentia constant, ut diuinae mentes, quas
angelos nuncupamus; aliae rationis expertes sen-
sibus instructae sunt, cuiusmodi bruta animantia;
quae interiore motu corporis agitantur; aliae pri-

DE SUMMO BONO

*uatae sensibus uiuunt tamen & uigent, sicut stirpes, quae terrae nutrimentis aluntur; quaedam etiam nullius horum modorum sunt, dumtaxat in rerum natura sunt: atqui homo & est, & uiuit, & sentit, & ratione utitur. Itaque omnium naturarum rationes complexus uniuersi rerum similitudinem gerit. Quamobrem uulgo graece *μικροβίους*, & a sacrarum rerum peritis creatura mundi iure & merito nominatur. Nec abs re parens uniuersorum Deus in meditullio terrae illū locauit, ut uidelicet mundum undiq; contempleretur & miraretur: eumq; non ut ceteras animantes ad pastum absiecit, sed ad cæli conspectū erexit principem omnium animantium, & diuinorum spirituum quasi gentilem. Ac quoniā liber est, suiq; iuris, habēs in sua potestate suarū actionum principium, potest ad quam rem uelit animū appellere: dumq; ad cælum se attollit, diuini numinis præstantiam assequitur; dum uero ad terram inclinat, pecudū mores effingit; ac quēadmodum polypus in eius saxi colorem mutatur, quod pedum amplexu tenet, sic eius rei naturam suscipit, quam animo amplectitur. Hinc qui sapientes inter Chaldaeos usurpabantur, hominem uarium & multiforme animal appellabant: & Asclepias Atheniensis modo chamaleontem, modo Protheum uocitare solebat, quod in multas se figuras formaret: et Mercurius trismegistus nul-
lum*

lum in uniuersitate rerum maius homine miraculum inueniri posse dicebat, quoniā in omnium rerum similitudinem & naturam conuerteretur. Optimeq; D. Augustinus inquit, Si terrā diligis, terra es; si aurum diligis, aurum es; & si Deum diligis, Deus es. Sunt porro humani animi partes duae, appetitus & ratio; licetq; appetitus rationis expers sit, tamen imperium rationis agnoscit. Hinc qui appetitus motus ratione non frenat (ut propheta loquitur) iumentis insipientibus similis efficitur; quin omni efferata bellua immannior, si peccandi licentiam & impunitatē nactus fuerit. Sin uero appetitum rationi obedientem reddit, & cœlestem cognationem suam uidet, & diuini numinis religionem colit, profecto angelorum uitam in terris agit. Qua re quid dici, aut cogitari potest admirabilius? Et quidem homo & angelus, quatenus rationis compotes sunt, magnam inter se similitudinē habent: & qua ratione uterq; numen diuinum mente & intelligentia exprimit, forma Dei, et diuini uultus lumine insignitus apparet; & quia uirtute præditus est, etiam æternæ beatitudinis capax uterq; existit. Quo modo inter se adeo conueniunt. Quam in rem Christi testimoniū ualet dicentis apud Mattheum, Aequales erunt homines sicut angeli in cælo. Ceterum angelus generis simplicitate homini præstat, qua magis ad naturam diuinam accedit;

cedit; tamen homo pluribus rationibus angelolo praefertur, quia pluribus angelomodis Deum imitatur. Nam ut omittam quod Deus naturam humanam, non angelicam assumpsit, quod propter humanum genus supra angelicum extulit, & animi simplicitate Deo similis est; & ueluti spiritus Dei mundum, sic anima hominis corpus intus alit & regit; atque ut diuinæ personae se inter se producunt, sic homo hominem generat. In angelis uero nulla est generatio communicatioque naturae. Ideoque, sub lunari hoc orbe Deus humani generis curam praeceteris rebus habere uidetur, quod a nullo animante praeterquam ab homine religiosa mente colatur. Neque enim ullum est ex tot generibus animal praeter hominem, quod aliquam Dei notitiam habeat. Nec inficior res uniuersas diuina providentia administrari, cum ne auiculae quidem ullae in obliuione Dei sint, uelut sacra scripta testantur: sed praecipue res humanas illi curae esse aio ob hoc ipsum, quia homines diuinæ naturae cōsortes, et cælestis felicitatis participes sunt. Quo modo apostolus Paulus tradit de bobus Deo curam non esse in eo, in quo diuinæ gloriae expertes sunt. Hominem uero Deus sic dilexit, ut unicum filium suum in terras e cælo dimiserit, qui errantem illum in salutis uiam reuocaret, & a diaboli potestate eriperet, & in cælestem patriam atque aternam hereditatem traduceret. Quamobrem

obrem licet homo de terra, & in terra factus sit, non tamen ad terram, nec propter terram, sed ad cælum & propter cælum: & cum cetera hominis causa procreata sint, homo tamen ad intelligendum fruendumq; Deo præclara quadam condicione generatus est: sicut D. Augustinus inquit, Fecit Deus rationalem creaturam, quæ summum bonum intelligeret, & intelligendo amaret, & amando possideret, ac possidendo frueretur. Id quod præsentē disputatione F. Bernardinus Barbanus asserere conatur. Ipsum itaq; audiemus.

Hodierna disputatio & gravitate, & difficultate, & utilitate rei debet auditorem attentum facere. Nam loquendum est de Deo, utpote summo bono. Qua re nihil maius, nihil etiam potest excogitari utilius. Sed & verecunde loquendum, & intelligenter, ne qua falsa opinione philosophorum abducamur. Est porro summi rectoris & domini sanctum & augustum numen: neq; ullius rei cognitio nobis æque necessaria est, ac finis; cuius ignoratione nostrum cuiusq; vita fluitat, uelut in alto navis, tempestatibus perturbationū, & sententiarum. Enimuero nobis (ut D. Augustinus monet) nec infra Deum stādum est, nec ultra Deum aliquid quærendum: illud periculosum, hoc nullum est. Vos certis argumentis effecistis, ut ne in ullis aut fortunæ, aut corporis, aut animi bonis finem constitueremus: ipse ostendam hodie illum

DE SUMMO BONO

illum in Deo esse ponendum. Verum ut attentio-
nem docilitas comitetur, aperiā qua uia nostra
procedet oratio. MER. Bene facis; ne inscien-
tia dicendorum noster animus aberret, atq; alio
euagetur. BAR. Statui primū demonstrare Deū
bonum esse; deinde summum bonum; tum ab om-
nibus rebus naturaliter expecti, sed peculiari ra-
tione ab homine percipi; postremo, quo Deus ab
homine uideatur, modum exprimere: nēpe in cu-
ius aspectu nostra felicitas sita sit. Quem igitur
ordinem sequar tenetis. MER. Tenemus. BAR.
Primum igitur explicare oportet Deum bonum
esse. MER. Sic statuisti. BAR. Liceat uero mihi
per uos nonnulla eorum, quae superioribus dispu-
tationibus a me tractata sunt, hoc loco replicare:
quorum cognitio ad propositi nostri explicationē
plurimum facit. MER. Tibi per nos licent quae-
ris. BAR. Bonum, ut recte meministis, a perfectō
re non seiunxi. Nam quod bonum, id etiam per-
fectum est. Perfectum autem est, quod naturae
suae conueniente modo affectum est; nimirū quod
est omni ex parte in suo genere expletum & ab-
solutum. NIC. Memini hoc a te dictum. BAR.
At te nunc interrogo, an praestantiora putes esse
ea, quae uim suam & absolutionem alijs acceptā
referunt, an ea, quae perfecta ex se ipsis sunt?
NIC. Sane ea, quae ex se ipsis, non ex alijs apta
sunt. BAR. Bene ais. Sed ad hoc etiā absle peto,

num

num id tibi expletum perfectumq; uideatur, quod adhuc aliquid appetat? N I C. Minime quidem. Nam qua ratione alicuius rei eget, expletum non est. B A R. Belle. Ergo si perfectū id est, quod nullius rei eget, profecto seipso contentū est. N I C. Certe. B A R. Atqui seipso contentum non est, quod ab alio est, sed id, quod a nullo est. siquidem nullam rem extra se quærit. Nam si aliquid extra se quæreret, penderet sane aliunde. N I C. Ita prorsus. B A R. Quid autem est in uniuerso, quod aliunde non pendeat? Deus is est solus, qui a nullo originem ducit, semper idem existens, aliorum ipse principium. N I C. Verum ais. B A R. Principium autem rerum ui sua æternū est. Non enim ex alio ortum est; alioquin principium nō esset: nec ex se oritur; nam esset ante se ipsum: nec interibit. unquam; nihil enim seipsum deserit. Solū igitur principium uere perfectum est. Quæ uero a principio generantur, non item perfectæ sunt. quoniam quæ ab alio fiunt, concipere totam illius uirtutem nequeunt. Præterea principium simplex est, nulla ex re compositum: alioquin principium non esset, si eo res aliqua prior existeret. Existit autem prior res ea, quæ componit. Etenim multiplex illud est, cuius aliqua origo est. Simplicis autem nulla origo reperiri potest. At principium nō oritur aliunde. Simplex igitur est: ac deinceps purum; quoniam omni admixtione liberatur. Ea quippe

DE SUMMO BONO

quippe res inficitur, quæ alteri admiscetur. Quod si purū est, & uerū est, nempe syncerum, ac nullo initio deprauatum. Mendax enim est id, cui aliquid uitij inest. Quod autem in se omnia posita non habet, satis mendosum, & natura sua mancum uidetur. Atqui principium nihil foris petit, nihil extra se quærit. His de causis bonus est Deus, quia perfectus; perfectus, quia principium; principium, quia simplex; simplex, quia purus; purus, quia uerus; uerus quia ex se existit. Vnde in sacris libris Deus uocatur, Qui est: quia ex se est simplex & sempiternus. Hinc excellentes philosophi Ionem, quem πῶτον ἀτίον esse dixerant, τοῦ ἀγαθοῦ uocarunt: et Pythagoras ille Samius, cuius domus habebatur templum, & uerba credebantur oracula, summum Deum Apollinem esse asseruit, qui ἀπὸλλων, hoc est, solus, siue ἀπλὸς, idest, simplex esset; nempe qui a nullo principium duceret. Nec me piget rē eandē diluciditatis ergo sæpius dicere. NIC. Nec nos audire. BAR. Duæ sunt propriæ philosophorū uoces, quibus rerū uirtus ac uitij significantur, actus & potētia. Actus dicit rem esse, potentia posse esse. ideoq; imperfectionis est nota, quod ab entis natura absit. Itaq; Deus, cuius nomen est, Qui est, iure etiam actus nomine appellatur: atq; is actus, qui nullius rei nouam unquam rationem accipiat; quia simplex est, nec ullius rei accessione, decessione uel immutari,

immutari, aut se ipso minor maiorue fieri potest. Nec me latet Aristotelem intelligentias a materia seiunctas actus uocasse, quod nouum actum omnino nullum recipiant: sed tamen illae ortum habent, definitamq; uirtutem. Dei uero uirtus a nullo principio deriuatur, neq; ullis terminis definitur. Potis enim est Deus res plures & prestantiores creare his, quas produxit: etsi Aristoteles tantam diuino numini uirtutem nunquam tribuit. Igitur Deus bonus est, quia est; neq; aliud esse potest ab eo, quod iam est, quando est omnia; neq; potest a se aliud uelle, quoniam summum bonum est, seq; talem esse intelligit, inuuetur, & amat. Qualem enim se esse uult, talis est; qualis autem est, talem se uult; ac facit penitus quae uult. Nec facit, aut uult, nisi quae fieri decet, & necesse est. Nam ipse summum decorum est, summaq; necessitas. quippe aliter esse ac uult, aut intelligit, minime potest. Verum summae necessitati nulla praest necessitas. Quocirca Deus esse describitur certa quadã subsistendi nulla ui coacta necessitas. Sed fortasse euagari a proposito uideor: nihilominus quae ad explicandam Dei naturã asseruntur, ita conuincta atq; inter se connexa sunt, ut sese cuncta mutuo consequantur. Tendunt autem eo, quae dixi, omnia, ut probemus Deũ bonũ esse, uidelicet omni ratione perfectũ: cui nullius rei perfectio desit, quoniam
est

DE SUMMO BONO

est actus purus, simplex, sempiternūq; principiu.
 Quinimmo quia solus a se bonus est, apud euāgeli-
 stam Lucā legimus ex Christi sentētia nō esse nisi
 eū solū bonū. NIC. Nobis a re nihil eorū, quae di-
 xti, abhorrere uidetur: et subtilitate sua cūcta nos
 mirifice delectarūt. BAR. Probat uero etiā Dio-
 nysius Areopagita Deum bonū esse a propria bo-
 ni potestate sic. Boni uis & conditio est, ut sese
 alijs communicet, & quasi diffundat. Ac latius
 manat bonum, quam malum. Nam malum ne in-
 telligitur quidem absq; bono. est enim boni pri-
 uatio. bonum uero sine ullius cōplexione & ad-
 hesione mali esse & cogitari potest. Atqui Deus
 multis se modis, quas genuit, rebus communica-
 uit. Primum eis dedit ut essent, singulisq; uim suā
 distinctam ab alijs inseruit. Qua ratione Deus in
 omnibus rebus inesse dicitur: quoniam rerū om-
 nium natura ex eius essentia existit. Deinde ijs,
 quos participes rationis effecit, se se cognoscen-
 dum proposuit. Puris uero ac castis mētibus, quas
 in societatem suam uocauit, etiam uidendum &
 fruendum prēbuit. Quod autem mortale corpus
 assumpsit, & naturam humanam cum diuina in
 una eademq; persona copulauerit, ut a diaboli
 seruitute humanum genus seruata iustitiae digni-
 tate liberaret, qualis ac quanta bonitatis argu-
 mentum putas? Cum enim Adam primus homi-
 num parens in Deum peccasset ab eius editto re-
 sciendo,

cedendo, eodem criminali scelere uniuersum genus humanum obstrinxerat: Nec pro delicto quisquam ex se potius erat diuinæ maiestati satisfacere, quod amplitudine potentiae par & æqualis Deo non esset. Siquidem offensae pro iustitiae munere debet æqua esse pœnæ solutio. Itaq; Deus pro incredibili sua sapientia & immensa bonitate, ne omnes misere periremus, & iustitiae ius seruaretur, Dei atq; hominis rationem habēs hanc maxime opportunam uiam pro nobis soluendi pœnam iniuit, ut ipse, qui solus posset, homo, qui deberet satisfacere, fieret modo, quem nullam nec humana, nec angelica effari potest. MER. Equidem nullū diuinæ in nos benignitatis et clementiae indicium maius hoc esse arbitror. BAR. Merito. quia nullum est in nos Dei hoc beneficio maius. Sapienter igitur Plato bonum Deum patrem appellat: quia bonitatis natura, perinde ut efficientis causae conditio est, sese, ac uim suam alijs impartiri. NIC. At nōnulli o Barbane existimant hūc, quem modo nominaſti, Platonem intelligentia percepisse in mundo Deum esse patrē, & Deum filium eā, qua nos ratione a Christo persuasi credimus. BAR. Irridendi Nicolae sunt iſi, qui eā, quae nobis a Deo tradita sunt, ac cœlesti munere persuasa, censent humana mente & sapientia percipi posse. Quae tum enim fides esset, si eā, quae diuine credimus, ratione attingere-

mus?

DE SUMMO BONO

mus? Nec parum certe mecum ipse illorum deliramenta soleo interdum irridere, qui poetarum uanis figmentis christianæ fidei documenta inuoluunt, ac diuinis scriptis et exemplis rebus cōmentitijs authoritatem tribuunt. Sed cæptū iter pergamus: & ab his rebus, quas procreauit, etiam probemus Deum bonum esse. **NIC.** Bene est. **BAR.** Si uniuersae res effectae a Deo bonae sunt, quia sunt, ac certo modo specie & ordine cōstant, non potest illarum author & procreator non bonus esse; atq; hoc certe melior, quo efficiens causa his, quae a se fiunt, uirtute præstantior est. Ac postremo sacra scripta ualere satis apud nos debent, quibus & Deus, & eius opera bona esse perhibentur. **NIC.** Satis & scripto, & argumentis planum fecisti Deum bonum esse. Quae res licet nihil dubitationis haberet, tamē pro disputationis ratione confirmanda fuit. Nunc proba eundem esse summum bonum. **BAR.** Attende, quod alias te monitum uolui, nō idcirco dici Deū summum bonum, quod bonitate ceteris antecellat; ac si eius numen cum aliarum rerum naturis componatur: quae statim ipsa collatione infirmantur, ac uelut stellae ad radium solis, sic ad diuinæ uirtutis præstantiam nullae apparent. Quā enim potest finitum ad infinitum proportionē cōparationemue habere? Atq; ut terrae magnitudo cum amplitudine cæli, ad cuius complexū (ut docent,

docent mathematici) quasi puncti instar obtines-
 conferri nequit, sic procreatae res uim nullam
 habent, quae cum procreatore suo comparentur.
 Quapropter Christus homines bonos ad diuini
 numinis bonitatem apud euangelistā Matthaeū
 malos appellat, Vos cum sitis inquiens mali, no-
 stis bona dare filiis uestris, quāto magis pa-
 ter uester, qui in cælis est, dabit bona petentibus
 se? Sed Deum summum bonum uocamus, quod
 absolute sit, atq; omni ratione ex se perfectissi-
 mus. Res effectae a Deo ipsae inter se componun-
 tur, atq; ingenitarum collatione uirtutum bonae,
 melioresue iudicantur; ac præstabiliores habentur,
 quae maiorem diuinæ bonitatis similitudinē ge-
 runt. Velim autem mihi fas esse nonnullas earū,
 quas ante attuli, rationes reposcere: quibus
 probem Deum esse summum bonum. Nic Reposce
 quas uis. BAR. Sumo autem primum illam,
 qua Deum ostendimus esse bonum, quia est (ut
 philosophi loquuntur) actus purus. Quia etiā ef-
 ficio esse summum bonum. Nam si est actus pu-
 rus, ergo absolute perfectus. Nā si aliquid aliū-
 de acciperet, non foret profecto tunc purus, sed
 admixtus potentiae actus. Tum purus ac sim-
 plex actus infinitae perfectionis est: nullum igi-
 tur haet bonitatis extremum. Quare cum
 nullis terminis diuina uirtus circumscribatur, in-
 finite & summe bonus est Deus. Ad hoc nihil us-

DE SUMMO BONO

quam est entis, quod in Deo non sit: ergo nihil etiam est boni, quod ab eo absit. Nam satis alias probatum est ens ac bonum re inter se conuenire. Cum autem summum bonum dico, id intelligi uolo, quod uniuersa bona complectitur. Hinc Deus, cuius nomē in sacris libris esse traditur, Qui est, idem in iisdem Omne bonum uocatur, quod in diuina natura omnis bonitatis ratio insit. Præterea bonitas Dei ipsiusmet natura est, non res ulla eius attributa naturae. quoniā propter eius admirabilem simplicitatem quicquid in Deo est ipsemet Deus est. Itaq; nec maior, nec minor fieri diuina bonitas potest, nec ullius mali susceptione corrūpi. Nam substantia philosophorum sententia nec rem pugnantis generis admittit, & augeri minuiue non potest. Cum igitur diuinæ naturae nihil addi possit, neq; eius bonitas intendi, remittitue queat, merito Deum bonum, ac summe bonum esse affirmamus. Nec certe cum bonum simpliciter dicimus, nullum aliud nomen adiūciendo, rem aliam, quam Deum intelligimus; qui simpliciter bonum nominatur: ita ut cum reliqua adiectiue bona, solus Deus substantiue dicatur; atq; in nobis bonitas naturæ proprietas, in Deo ipsius natura sit. Quare summum bonum idem est, quod ipsum bonum. Sed hæc satis tum explicuimus, cum bonum in suas partes & genera partiti sumus. At probare adhuc idem licet a naturæ
simpli-

simplicitate. NIC. Age, audimus. BAR. Deus est actus purus. NIC. Sic est. BAR. Et infinitae uirtutis. NIC. Sic est. BAR. Nec ab alio sibi communicatae. NIC. Sic est. BAR. Quare est simplex. NIC. Hoc etiam dandū. BAR. Nā si simplex non esset, aut ex materia & forma eius natura, aut ex partibus eius magnitudo componeretur. Itaq; partem alteram altera prestantiorē haberet. Forma enim materia nobilior est; & corpus amplius membris. Ex quo quia uirtutis actuosae expers materia est, hac ipsa ratione multa agere non posset; nec beatissimus esse, quia se toto ubiq; non frueretur. Verum longiorē hac de re disputationem in praesens suscipi non decet. Das igitur Deum simplicem esse? NIC. Do sane. BAR. At si das simplicem, dabis etiam perfectissimum esse. Nā quod alterius rei participatione componitur, per se bonum esse nō dixeris; nec illam esse summam bonitatē, quae alterius rei adiunctione absoluitur. Nam aut illa res altera mala sit necesse est, aut non haec summe bona existimanda, si extra eius terminos boni aliquid reperiatur. Potest ne bonum dici, aut cogitari extra bonitatem? aut potest summum bonum esse, quod uniuersam bonitatem non complectatur? Et quidem res uniuersas in suo quasque genere ad unum aliquod indiuiduum, tanquam caput, quod dirimi distrahiq; non possit, referri uidemus; ex cuius

DE SUMMO BONO

*simplicitate existunt: uelut geometriae dimensiones ad punctum, numeri ad unitatem, motus tempusq; ad momentum referuntur. Ac ni simplex esset principium, in ea diuideretur, e quibus componitur: nec principium uocaretur, cum non ex se, sed ab alio pendeat. Quid autē uere simplex in uniuerso est prater Deum? qui principium aliud ad non ducit? qui nulla re componitur? qui in se ipso uim habet subsistendi atq; necessitatem? qui se ipso contentus, se ipsum tantum inspicit contemplatur & colit? Mox cuiusq; rerum generis principium omnia uirtutum genera continet, quae rebus insunt a se productis. exempli causa, Sol habet omnes lumins gradus, qui in lucidis corporibus, quorum princeps est, cernuntur. et erit in fonte bonitatis quicquid boni in alijs rebus elucet. Atq; ut idearum prima est omnium perfectissima, (neq; enim cēferetur prima, nisi cūctis absolutio-
ne praestaret) sic primum & summū bonum omni bonitate praeditum est. Vocamus autem summū id, cuius communicatione cetera existunt. Proinde bonum uniuersale Deum, reliqua bona singularia uocauimus. quoniam numinis diuini bonitas uniuersam boni rationem & naturam comprehendit; reliquae uero res certa quadam bonitate affectae sunt. Aut quae obsecro uirtus cuiuspiam rei tribuitur, ut potentia, ut sapientia, ut aequitas & clementia, quae de Deo non honorificentissime*

ficentissime prædicetur : Hinc doctrinarum inuen-
tores poetæ uarijs nominibus Deum appellaue-
runt; quoniam eius uirtus multis modis in rebus
a se effectis cerneretur. NIC. Quibusnam obse-
cro nominibus? BAR. Nam, quod omnia sine la-
bore & periculo nulla re impediante producat,
inquætor; quod producta suo quæq; termino sineq;
concludat; $\pi\tau\pi\omega\mu\epsilon\tau\omicron\nu$; quod cunctis rebus uim
eniq; suam impertiatur, $\mu\omicron\iota\pi\alpha$; & a distribuendo
Νηπειος; atq; ἀδυσία; ab immutabilitate es-
ternitate αἰῶα; a iuuando a latinis Iupiter; &
αἰθια, quæ donat, est a Pelasgis nominatus Ζῆυς.
Mithrac habitus est pater hominū & Deorum, mo-
derator astrorū, fulminū præses, et noctis, et diei,
& regionū, & ciuitatū, & salutis, & libertatis,
& amicitiae, & societatis, & ne singula cōme-
morem; tum eorū, quæ in celis, tum eorū, quæ
in terris & sunt, et generantur, omnium cognomēta
fortius est, quod rerū omnium formas rationesq;
cōtineat. Sed in hoc formarū quasi cāpo excurre-
re nobiscū parūper uelim. Inde enim planius in-
telligetis Deum esse summū bonum, cum esse om-
nia demonstrabitur. NIC. Et interdum euagari
incrudum est. BAR. Nihil recte & cum ratione
a quoquam fit, a quo formam operis mente prius
concepta non est. Formam siue speciem appello,
quam greci ideam uocant. Nam semper ad ideæ
similitudinem, quam animo effictā habet, artifex

DE SUMMO BONO

opus, quod molitur, effingit. Vnde & ueteris philosophiae, & christianae theologiae professores in Deo sapientissimo mundi opifice & architecto rerum omnium formas inesse asseruerunt: ad quarum similitudinē uniuersa procreauerit. Ni forte mens quispiam mundum temere cōpositum opinetur; nullamq; opificij sui rationem Deum habuisse: quo nemo prudentior & sapientior est. Etenim Deus in diuinitatis suae pulchritudinem intuens, sui similem mundum mente concepit, & quasi Iupiter ille apud poëtas Palladem e cerebro fecunditatis suae prolem, fabricando illum produxit: in quo diuersarum rerum figurae admirabilem Dei uirtutem, & praestantē eius excellentemq; naturam exprimunt. Quae ideae non sunt in Deo (nec sane a nostris philosophis usurpata uerba refugiam) accidentales: nam primū agēs, cui subiecta sunt omnia, subiecti conditionem habere nō potest, ut aduentitijs formis atq; extrinsecus iniectis afficiatur. nec per se sunt essentiales. una enim est Dei simplicissimaq; natura. sed ipsamet diuinitas sunt. Atq; ut figurae in prima materia naturales sunt, sic rerum ideae in Deo substantiales. Siquidem effectum & formam sua quaq; causa concludit. Itaq; Deus cuncta esse dicitur, quatenus rerum ideae in ipso sunt essentiales, ipsa inquam natura diuina: at quae extra diuinum animum res sunt, sunt quaedam diuinae naturae

turæ simulachra.

Quapropter ab Orpheo dictus est

Ζεὺς ἔδος πάντων.

Nec inepte poëta ille
inquit.

Iuppiter est quodcunq; uides.

Qua etiā ratione priscos illos forte adductos existimo, ut terram, solem, lunam, mūdum postremo ipsum Deum esse crediderint: quod omnia in Deo Deus sint; extra Deum eius imagines. Nec diuinæ rerum ideae natura, sed operū ratione inter se distinguuntur; ne Deus naturæ necessitate, non libera uoluntate res neq; plures neq; pauciores ijs, quas effecit, concipere posse & explicare censeatur. Nam ubi naturæ certus est modus, ibi est uis efficiendi naturalis. Ac profecto longe clarius in Deo, quā in hoc orbe res, speciesq; rerum apparent: in quo distinctae nudaæ & apertae, quippe ab omni concretione separatae, cernuntur. Itaq; Deus uno intuitu res omnes cernit, dum se ipsum intuetur. Quod si in Deo sunt omnium rerum formae; quoniam rerum omnium forma & modus est; & omnium quoq; rerum uirtutes in eo inerunt. quandoquidem omnis est a forma perfectio. NIC. Nobis uehementer arrisit breuis ista de ideis disputatio: quae nihilum sane a proposito aliena fuit. BAR. Mihi eam attingere creatarum perfectionum suasisit. Iam, ut

DE SUMMO BONO

propositum sequar, Deum summum bonum esse finis ratio et natura ostendet. Equidem summū aliquid uocamus, uel quia principium est, uel quia finis. Vtrunq; enim extremum est. Et bonum modo efficiens causa est, qua se ratione diffundit, facitq; aliquid; modo finis, quatenus expetitur, eiusq; gratia aliquid fit. Atqui Deus omnium rerum principium est, & finis; tum etiam bonus est: summum igitur bonum est. Neq; enim Deus est forma siue affectio rerum (quamuis omnium rerum ideae in ipso sint) nec materia, ex qua fiāt. non enim diuidi aut componi potest: sed causa efficiens, & finis. Quinimmo efficientium causarum omnium prima & perfectissima; quia nulli subicitur, nulliusq; uirtute mouetur. Quod autē prima sit, & perfectissima omnium rerū causa, multis iam argumētis ostensum est. Quare probandū restat eundem esse finem & extremum. NIC. AGESIS. BAR. Eiusdem uis est efficere, atq; perficere: atqui ab uno Deo cuncta efficiuntur: ab eodem igitur perficiuntur. Tendunt enim eo, unde profecta sunt, omnia: & eiusdem rei finis id est, cuius est principium. Enumero Deus quia summe bonus est, bene ad bonum omnia direxit, quae peperit in se ipsum cuncta reducendo. Atq; ut riuorum omnis est a fonte deductio, sic omnium bonorum est a summo bono deriuatio. Ac uelut omnes omnes ad Oceanū, a quo initium capiunt, refluunt,

refluunt, sic a quo proficiuntur, in Deum omnia reuocantur. Equidem si Deus non propter se, sed alterius gratia rerum uniuersitatem effecisset, non ex se, sed ab altero aptus esset: nec esset ipse principium rerum, sed illud alterum, a quo penderet. Quam rem nefas est cogitare. Porro finis & bonum re non separantur. Igitur si aliud quam se Deus amaret, non utiq; bona omnia haberet. Non enim recte quis ea re frui dicitur quam expetit. Nam quod expeditur absens est. Est enim expetere optare quod adesse uelimus. At frui est præsente bono gaudere. Verum extra Deum nullum bonum est. Ergo Deus omnia sui gratia effecit. Quod scriptum in prouerbijs sacris legimus, Omnia propter semet ipsum operatus est Deus: & Boëtius egregie illis uersibus expressit,

Quem non externæ pepulerunt fingere
causæ

Materiæ fluitantis opus; uerum insita summi

Forma boni, luore carens.

Vides ne tu obsecro cuncta in Dei unitate implicata & constricta inter se teneri? explicata in ueritate spectari? effusa per bonitatem cerni? ac per eandem rursus bonitatem in sui originem reflecti? per ueritatem reformari? atq;

DE SUMMO BONO

in unum postremo per unitatē restitui? Itaque uir sapientissimus Orpheus illud optime de Deo cecinit.

ΠΑΤΟΓΕΝΕ' Ἄλ' ἀρχὴ πάντων, πάντων τε τελευτῇ.

Et pleriq; uiri doctissimi docuerunt Deum globo similem esse: in quo cum initio finis coniungitur, atq; idem est ambitus longitudinis ac latitudinis, eademq; summi profundiq; dimensio. Sed quid hominum authoritates sequimur? Deum de se ipsum loquentem audite, Ego sum α, & ω, primus & nouissimus, principiū & finis. MER. Rem aptius, quam ipsiusmet Dei uoce concludere nō poteras. BAR. Hoc ipsum argumentum satis ualet ad probandum unum esse Deum contra gentium falsas opiniones & errores. Sed haud scio an uobis superuacaneū uideatur modo id agere. MER. Minime quidem. BAR. Non tamen disputabo cōtra Protagoram, Theodorum cyrenensem, Euenenum thegeatem, Diagoram milesium, compluresq; alios, quos graeci ἀθεοὶ appellant, negantes in mundo ullum esse Deum. Nam ij neq; ullum principium rerum concedunt, & in tanto rerum ordine omnem providentiam tollunt: insipientes porro homines, nec rerum causas inuestigantes, nec aduertentes tantas rerū uicissitudines & ordines nisi a cælesti aliquo numine moueri nō posse. Quam rem Aristoteles bene contemplatus

naturae

*naturae opera dixit esse ab intelligentia non errā-
 te. Quam diuinam intelligentiam Orpheus Ὠρφεὺς
 τὸ γένος uocitauit : quae primo genita a Deo res
 uniuersas usq; gubernat. Sed contra Crypsippum,
 Varronem, Democritum, Xenocratem, Persecum
 auditorem Zenonis, aliosq; uanae religionis au-
 thores innumerabilem Deorum multitudinem sta-
 tuentes disputabo. Nec illis obijciam Deorū suo-
 rum ortus & interitus, & ex immortalibus mor-
 tales generatos, non intemperantes cupiditates
 atq; libidines, non adulteria nefariosq; concubi-
 tus, non furta, non odia, non dissensiones atq; di-
 scordias, non lamentationes & quærelas, nō bel-
 la & pugnas, non cedes & uulnera; quae uel
 in ipsis mortalibus audire et cogitare turpe esset;
 sed interrogabo an omnium deorum eadem omni-
 no uis & natura sit, an diuersa? Si eadem; tunc
 non plures dī, sed unus erit deus; quia penitus
 una eademq; natura constant: solum personis di-
 scernentur: sicut nosmet religionis christianae
 documentis instituti unum Deum ueneramur, quia
 una diuinitas est; sed ipsam unam diuinam natu-
 ram tribus personis inesse credimus. At illi tan-
 tum lumen uidere nequuerunt: sed natura inter
 se discrepare dicent. Atq; ego ab illis tum quæ-
 ram, an quia plures dī sint natura differentes,
 ideo putent rerum esse plura principia? Sane, si
 philosophi sunt, plura quam unum principium esse
 nega-*

negabunt. Ergo unum esse Deum necessario confitebuntur. Siquidem apud omnes confessum est Deum esse rerum principium. Quod si plura principia essent; quo pacto tanto rerum ordine & uicissitudine, tantaq; inter se tēperatione res uniuersae consisterent? Posset ne una eademq; aeterna lege & immutabili rerum uniuersitas regi & conseruari, si plures opifices & moderatores essent uiribus impares, & opinionibus inter se discrepantes? Tum sicut unum rerum principium est; sic etiam finis est unus. Quod si plures dii, sunt etiam plura rerum extrema. Itaq; perturbetur ordo rerum necesse est; cum non ad unum finem, sed in diuersa extrema res distraherentur. Valeat igitur illa Homeri sententia,

Οὐκ ἀγαθὸν πολυκοιρανίῃ τίς κοιρανὸς ἔστω,

Εἷς βασιλεὺς.

At forte cum Antisthene unū esse dixerint naturalem Deum, qui a se ipso, nulla ex re alia originē ducat, reliquos populares, alios ex alijs generatos. Itaq; unus erit optimus & maximus Deus. Si cuiusq; rei suus est finis, sua inquam in suo genere absolutio, etiam erit omnium rerum commune quoddam extremum, quod in uniuerso optimum & praestantissimum sit. Deus autem modis omnibus cunctis rebus excellit uniuersitatis moderator & author. Quare ut totius exercitus ratio ad ducis utilitatem, sic totius mundi perfe-

perfectio ad opificis sui uirtutem spectat. Ex quo illud sequitur probandum, quod tertio loco proposuimus, Deum ab omnibus expeti. NIC. Egregie uenis ad id, quod uis. BAR. Aduerte autem primum non solum amari Deum ideo, quia tribuit unicuique, quod cuiusque naturae aptum & conueniens est; uerum etiam quia perfectio uniuscuiusque rei quadam est numinis diuini communicatio. Quo pacto non potest Deus non amari, cum sua a quoque perfectio expetatur. Ad hoc Deus est supremus uniuersitatis finis: atqui medijs fines mouere appetitum absque ultimi imperio & uirtute non possunt: non secus ac secundae efficientes causae sine principalis potestate nihil queunt efficere. Quare nullum bonum expeditur, quin non etiam summum bonum expetatur: ueluti nihil facit proxima causa, quod non etiam prima efficiat. NIC. At non omnes res Deum cognoscunt. BAR. Esto. Nam ex omnibus creatis rebus sola mens potest illum intelligere, cuius imago est. Vnde hoc dabis necessario Deum a mente amari, a qua summum bonum esse cognoscitur. NIC. Ita sane. BAR. Concedes etiam ab his, quae mente carent, expeti non solum ante dictis argumentis commotus, sed etiam mundi primarij motoris ratione persuasus. NIC. Istam hanc rationem fac queso planam. BAR. Facio. Res, quae rationis expertes sunt, se quidem ipsae non

DE SUMMO BONO

non mouent, sed insito quodam a natura instin-
ctu feruntur. Feruntur autem semper ad uniuersi
finem, si non ab ipsis preceptum, at a primo or-
bis motore uel natura comprehensum; quae sem-
per uniuersi bonum respicit. Nec ulla res est, quae
uel ad utilitatem, uel ad ornatu mundi non faciat.
Mundus uero diuinae potentiae, sapientiae, ac bo-
nitatis speciem gerit. Aut quid ineptius dici po-
test, quam principem causam negligi a rebus a se
effectis, cum eius uirtute in suo quaque genere sal-
uae incolumesque feruentur? Quamobrem natura-
liter res omnes Deum, ut summum bonum, deside-
rant: ac quaedam si non expresse, at saltem ob-
scure, si non a se, at a primo orbis motore instru-
ctae, si non intelligentiae ui, at certe naturae ha-
bitu commotae. An quid amplius hic addubitas?
NIC. non dubito in suo genere perfectionem a
quauis re naturaliter expeti, sed quia de homine
loquimur, quem Dei praesentia beatum facit, hoc
mibi dubium occurrit. An facultas uidendi Deum
homini insita natura, hoc est, an homo uim ali-
quam habeat naturalem, qua Deum uideat?
BAR. Non inepte in eo dubitas, in quo uel in-
ter doctissimorum hominum sententias controuer-
sia est. Sed in primis uolo sententiam meam sacra-
rum scriptorum sententijs fulcire: quae omni ra-
tione ab hominibus excogitata et argumentis po-
tiores sunt. Ioannes euangelista diuino numine
prae-

præ ceteris afflatus nos in cælis Deum, sicuti est, uisuros affirmat. Diuus etiam Matthæus rerum a Christo gestarum pronuntiator illustris Deum a mundis corde uidendum asserit. Et apostolus Paulus, cuius diuinis monumētis christianæ fidei auctoritas maxime innititur, Deum hic in terris in ænigmate, illic in cælis facie ad faciem uidendum ad Corinthios scribit. Potest igitur uideri, si aliquando uidebitur. Negare uero quod aliquando uideatur, est diuinis scriptis repugnare. Quod grecorum aliqui male ausi sunt facere, concilio Florentino hæresis crimine damnati. Ac quod dicimus, his etiā argumentis probatur. Animus ad percipiendam obiectæ sibi rei speciem potest a se uirtutem suam intendere. atqui Deus, qua ratione est, menti intelligendus obijcitur. Tum non minor est intelligentiæ uis, quā uoluntatis: at uoluntas aperte ui sua fertur ad amandum Deum: ergo & ad intelligendum intelligentia. Non autem plane Deum cognoscimus, si non illius faciem intuemur. Præterea natura mendax & uana nō est, a qua omnis temeritas abest. Quod si nos natura hoc desiderio affecit, ut efficientem causam percipere uelimus, cuius res effectas cognoscimus, certe perspectis uniuersi rebus, earū opificē contemplari naturaliter optamus. Cōsequens igitur est a nobis Deum posse uideri, si eius uidendi desiderium natura in nobis ingenuit. Profecto
si cerni

DE SUMMO BONO

si cerni Deum a nobis nefas esset, horum alterum sequeretur, aut humanae uitae finem in Deo constitutum non esse, aut attingi non posse. utrumque rationi dissentaneum. Nam clarum est Deum esse hominis summum bonum. Neque hæc nostra disputatio aliud agit, quam ut probet hominum felicitatem solo diuini numinis aspectu terminari. quippe absolute perficimur, quando coniungimur cum eo, a quo sumus. Atqui naturae nostrae author & parens est Deus; pater (ut ille canit poëta) hominumque, Deumque. Coniungimur autem intelligentia, & amore. Siquidem intelligentia formam induit rei, quam percipit, & uoluntas similis fit rei, qua fruitur. Itaque beati, quos Deus in regnum suum asciuit, quoniam illius speciem gerunt, sunt, & appellantur Dii. Qui quidem finis si contingi non posset, frustra ad eum omnia referremus. Referimus autem uel ipsa maxime instigante natura: quae falli & decipi nequit. Potest igitur mens nostra Deum uidere, quae præ ceteris rebus illi quam simillima est. NIC. At fortasse contra te nonnulli sacrae scripturae testimonia intendunt: quæ Deum posse ab homine uideri negant. BAR. Quae? NIC. Primum apostolus Paulus ad Timotheum scribit Deum inuisibilem esse: idemque aut Deum habitare lucem inaccessibilem; quam nullus homo uidit, sed nec uidere potest. Et Ioannes euangelista inquit, neminem unquam Deum uidisse.

uidisse. BAR. Ad ista facile possumus ex doctissimorum hominum sententijs respondere; quod in huius imbecillis fragilisq; uitae statu Deus nec oculorum sensu cerni; quia corpus non est; nec ulla plane ratione intelligi queat; quæ solū ex rerum effectarū conditione & natura ducitur: quarum nulla principē causā uirtute adequat. Quin etiā in cælis (si ad felicitis illius uitae statū referre Ioānis Pauliq; dicta uelimus, ubi facie ad faciē Deus uidetur) nunquā ita cerni potest, ut totā eius formā ullius mentis acies usquequaq; despiciat. Ideoq; incomprehensus dicitur, quoniam a nullo totus, nisi a se solo comprehenditur. NIC. Præclare. BAR. Nunc quod a principio querēbas discutiamus; uidelicet an hoc homini a naturali facultate, an solum ex diuino munere præter naturae suae uim & conditionē accadat, ut Deū uideat? NIC. Via me sane recta & opportuna quo intendimus perducis. BAR. Diuus Augustinus insigne christianae ecclesiae decus facultatem uidendi Deum in nobis quidem innatā esse a natura, sed nos absq; diuino lumine in æternitatis solē intueri non posse, his uerbis dicit: Posse habere fidem & charitatem naturæ est hominum, habere autem fidē et charitatē gratiae est fidelium. Nam si Deus sub aspectum mentis nostrae cadit, est profecto uirtus in animo naturalis, qua nati apti sumus Deum aspectu mentis percipere. Verum

L ista

DE SUMMO BONO

*simplicitate existunt: uelut geometriae dimensiones ad punctum, numeri ad unitatem, motus tempusq; ad momentum referuntur. Ac ni simplex esset principium, in ea diuideretur, e quibus componitur: nec principium uocaretur, cum non ex se, sed ab alio pendeat. Quid autē uere simplex in uniuerso est prāter Deum? qui principiū aliū ad non ducit? qui nulla re componitur? qui in se ipso uim habet subsistendi atq; necessitatē? qui se ipso contentus, se ipsum tantum inspicit contemplatur & colit? Mox cuiusq; rerum generis principium omnia uirtutum genera cōtinet, quae rebus insunt a se productis. exempli causa, Sol habet omnes lumins gradus, qui in lucidis corporibus, quorum princeps est, cernuntur. et erit in fonte bonitatis quicquid boni in alijs rebus elucet. Atq; ut idearum prima est omnium perfectissima, (neq; enim cēferetur prima, nisi cūctis absolutio-
ne prāstaret) sic primum & summū bonum omni bonitate prēditum est. Vocamus autem summū id, cuius communicatione cetera existunt. Proinde bonum uniuersale Deum, reliqua bona singularia uocauimus. quoniam numinis diuini bonitas uniuersam boni rationem & naturam comprehendit; reliquae uero res certa quadam bonitate affectae sunt. Aut quae obsecro uirtus cuiuspiam rei tribuitur, ut potentia, ut sapientia, ut aequitas & clementia, quae de Deo non honorificentissime*

ficentissime prædicetur : Hinc doctrinarum inuen-
tores poëtae uarijs nominibus Deum appellaue-
runt; quoniam eius uirtus multis modis in rebus
a se effectis cerneretur. NIC. Quibusnam obse-
cro nominibus? BAR. Nam, quod omnia sine la-
bore & periculo nulla re impediante producat,
ipsa; $\pi\epsilon\rho\upsilon\sigma$; quod producta suo queq; termino sineq;
concludat; $\pi\epsilon\rho\omega\mu\epsilon\nu\sigma$; quod cunctis rebus uim
eiusq; suam impertiatur, $\mu\omicron\iota\pi\alpha$; & a distribuendo
 $\nu\iota\pi\epsilon\sigma\iota\varsigma$; atq; $\alpha\delta\pi\alpha\varsigma\iota\alpha$; ab immutabilitate et
æternitate $\alpha\iota\sigma\alpha$; a iuuando a latinis Iupiter; &
 $\alpha\kappa\kappa\alpha$; quæ donat, est a Pelasgis nominatus Ζεύς.
Æthiæ habitus est pater hominū & Deorum, mo-
derator astrorū, fulminū præses, et noctis, et diei,
& regionū, & ciuitatū, & salutis, & libertatis,
& amicitiae, & societatis, & ne singula cōme-
morem; tum eorū, quæ in cælis, tum eorū, quæ
in terris & sunt, et generantur, omnium cognomēta
fortassis est, quod rerū omnium formas rationesq;
cōtineat. Sed in hoc formarū quasi cāpo excurre-
re nobiscū parūper uelim. Inde enim planius in-
telligetis Deum esse summū bonum, cum esse om-
nia demonstrabitur. NIC. Et interdum euagari
iucundum est. BAR. Nihil recte & cum ratione
a quoquam fit, a quo formam operis mente prius
concepta non est. Formam siue speciem appello;
quam greci ideam uocant. Nam semper ad ideæ
similitudinem, quam animo effictā habet, artifex

DE SUMMO BONO

opus, quod molitur, effingit. Vnde & ueteris philosophiae, & christianae theologiae professores in Deo sapientissimo mundi opifice & architecto rerum omnium formas inesse asseruerunt: ad quarum similitudinē uniuersa procreauerit. Ni forte amens quispiam mundum temere cōpositum opinetur; nullamq; opificij sui rationem Deum habuisse: quo nemo prudentior & sapientior est. Etenim Deus in diuinitatis suae pulchritudinem intuens, sui similem mundum mente concepit, & quasi Iupiter ille apud poetas Palladem e cerebro fecunditatis suae prolem, fabricando illum produxit: in quo diuersarum rerum figurae admirabilem Dei uirtutem, & praestantē eius excellentemq; naturam exprimunt. Quae ideae non sunt in Deo (nec sane a nostris philosophis usurpata uerba refugiam) accidentales: nam primū agēs, cui subiecta sunt omnia, subiecti conditionem habere nō potest, ut aduentitijs formis atq; extrinsecus iniectis afficiatur. nec per se sunt essentiales. una enim est Dei simplicissimaq; natura. sed ipsamet diuinitas sunt. Atq; ut figurae in prima materia naturales sunt, sic rerum ideae in Deo substantiales. Siquidem effectum & formam sua quaeq; causa concludit. Itaq; Deus cuncta esse dicitur, quatenus rerum ideae in ipso sunt essentiales, ipsa inquam natura diuina: at quae extra diuinum animum res sunt, sunt quaedam diuinae naturae

turæ simulachra.

Qua propter ab Orpheo dictus est

Zeus ἑὶδος πάντων. Nec inepte poeta ille
inquit.

Iuppiter est quodcunq; uides.

Qua etiā ratione priscos illos forte adductos existimo, ut terram, solem, lunam, mūdum postremo ipsum Deum esse crediderint: quod omnia in Deo Deus sint; extra Deum eius imagines. Nec diuinæ rerum ideæ natura, sed operū ratione inter se distinguuntur; ne Deus naturæ necessitate, non libera uoluntate res neq; plures neq; pauciores ijs, quas effecit, concipere posse & explicare censeatur. Nam ubi naturæ certus est modus, ibi est uis efficiendi naturalis. Ac profecto longe clarius in Deo, quā in hoc orbe res, speciesq; rerum apparent: in quo distinctæ nudæ & apertæ, quippe ab omni concretione separatæ, cernuntur. Itaq; Deus uno intuitu res omnes cernit, dum se ipsum intuetur. Quod si in Deo sunt omnium rerum formæ; quoniam rerum omnium forma & modus est; & omnium quoq; rerum uirtutes in eo inerunt. quandoquidem omnis est a forma perfectio. Nic. Nobis uehementer arrisit breuis ista de ideis disputatio: quæ nihilum sane a proposito aliena fuit. Bar. Mihi eam attingere creatarum perfectionum ratio suasisit. Iam, ut

DE SUMMO BONO

propositum sequar, Deum summum bonum esse finis ratio et natura ostendet. Equidem summū aliquid uocamus, uel quia principium est, uel quia finis. Vtrunq; enim extremum est. Et bonum modo efficiens causa est, qua se ratione diffundit, facitq; aliquid; modo finis, quatenus expetitur, eiusq; gratia aliquid fit. Atqui Deus omnium rerum principium est, & finis; tum etiam bonus est: summum igitur bonum est. Neq; enim Deus est forma siue affectio rerum (quamuis omnium rerum ideae in ipso sint) nec materia, ex qua fiāt. non enim diuidi aut componi potest: sed causa efficiens, & finis. Quinimmo efficientium causarum omnium prima & perfectissima; quia nulli subicitur, nulliusq; uirtute monetur. Quod autē prima sit, & perfectissima omnium rerum causa, multis iam argumētis ostensum est. Quare probandū restat eundem esse finem & extremum. NIC. AGESIS. BAR. Eiusdem uis est efficere, atq; perficere: atqui ab uno Deo cuncta efficiuntur: ab eodem igitur perficiuntur. Tendunt enim eo, unde profecta sunt, omnia: & eiusdem rei finis id est, cuius est principium. Enimuero Deus quia summe bonus est, bene ad bonum omnia direxit, quae peperit in se ipsum cuncta reducendo. Atq; ut riuorum omnis est a fonte deductio, sic omnium bonorum est a summo bono derivatio. Ac uelut omnes ad Oceanū, a quo initium capiunt, refluunt,

refluunt, sic a quo proficiscuntur, in Deum omnia reuocantur. Equidem si Deus non propter se, sed alterius gratia rerum uniuersitatem effecisset, non ex se, sed ab altero aptus esset: nec esset ipse principium rerum, sed illud alterum, a quo penderet. Quam rem nefas est cogitare. Porro finis & bonum re non separantur. Igitur si aliud quam se Deus amaret, non utiq; bona omnia haberet. Non enim recte quis ea re frui dicitur quam expetit. Nam quod expetitur absens est. Est enim expetere optare quod adesse uelimus. At frui est presente bono gaudere. Verum extra Deum nullum bonum est. Ergo Deus omnia sui gratia effecit. Quod scriptum in prouerbijs sacris legimus, Omnia propter semet ipsum operatus est Deus: & Boëtius egregie illis uersibus expressit,

Quem non externæ pepulerunt fingere
causæ

Materiæ fluitantis opus; uerum insita summi

Forma boni, luore carens.

Vides ne tu obsecro cuncta in Dei unitate implicata & constricta inter se teneri? explicata in ueritate spectari? effusa per bonitatem cerni? ac per eandem rursus bonitatem in sui originem reflecti? per ueritatem reformari? atq;

DE SUMMO BONO

in unum postremo per unitatē reslūi? Itaque uir sapientissimus Orpheus illud optime de Deo cecinit.

παντογενὲς δ' ἀρχὴ πάντων, παντῶν τε τελευτῇ.

Et pleriq; uiri doctissimi docuerunt Deum globo similem esse : in quo cum initio finis coniungitur, atq; idem est ambitus longitudinis ac latitudinis, eademq; summi profundiq; dimensio. Sed quid hominum authoritates sequimur? Deum de se ipsum loquentem audite, Ego sum α, & ω, primus & nouissimus, principiū & finis. MER. Rem aptius, quam ipsiusmet Dei uoce concludere nō poteras. BAR. Hoc ipsum argumentum satis ualet ad probandum unum esse Deum contra gentium falsas opiniones & errores. Sed haud scio an uobis superuacaneū uideatur modō id agere. MER. Minime quidem. BAR. Non tamen disputabo cōtra Protagoram, Theodorum cyrenensem, Eumenem thegeatem, Diagoram milesum, compluresq; alios, quos græci ἀθεοὶ appellarunt, negantes in mundo ullum esse Deum. Nam ij neq; ullum principium rerum concedunt, & in tanto rerum ordine omnem providentiam tollunt: insipientes porro homines, nec rerum causas inuestigantes, nec aduertentes tantas rerū uicissitudines & ordines nisi a cœlesti aliquo numine moueri nō posse. Quam rem Aristoteles bene contemplatus naturae

naturae opera dixit esse ab intelligentia non errante. Quam diuinam intelligentiam Orpheus *ἡγεμὼν* uocitauit : quae primo genita a Deo res uniuersas usq; gubernat. Sed contra Crypsippum, Varronem, Democritum, Xenocratem, Persecum auditorem Zenonis, aliosq; uanae religionis aucthores innumerabilem Deorum multitudinem statuantes disputabo. Nec illis obijciam Deorum suorum ortus & interitus, & ex immortalibus mortales generatos, non intemperantes cupiditates atq; libidines, non adulteria nefariosq; concubitus, non furta, non odia, non dissensiones atq; discordias, non lamentationes & quarelas, non bella & pugnas, non cedes & uulnera; quae uel in ipsis mortalibus audire et cogitare turpe esset, sed interrogabo an omnium deorum eadem omnino uis & natura sit, an diuersa? Si eadem; tunc non plures dii, sed unus erit deus; quia penitus una eademq; natura constant: solum personis discernentur: sicut nosmet religionis christianae documentis instituti unum Deum ueneramur, quia una diuinitas est; sed ipsam unam diuinam naturam tribus personis inesse credimus. At illi tantum lumen uidere nequiuerunt: sed natura inter se discrepare dicent. Atq; ego ab illis tum queraui, an quia plures dii sint natura differentes, ideo putent rerum esse plura principia? Sane, si philosophi sunt, plura quam unum principium esse
nega-

negabunt. Ergo unum esse Deum necessario confitebuntur. Siquidem apud omnes confessum est Deum esse rerum principium. Quod si plura principia essent; quo pacto tanto rerum ordine & uicissitudine, tantaq; inter se tēperatione res uniuersae consisterent? Posset ne una eademq; aeterna lege & immutabili rerum uniuersitas regi & conseruari, si plures opifices & moderatores essent uiribus impares, & opinionibus inter se discrepantes? Tum sicut unum rerum principium est; sic etiam finis est unus. Quod si plures dii, sunt etiam plura rerum extrema. Itaq; perturbetur ordo rerum necesse est; cum non ad unum finem, sed in diuersa extrema res distrabantur. Valeat igitur illa Homeri sententia,

Οὐκ ἀγαθὸν πολυκρατῆν ἢ κοίραν ἑσθλῇ.

Εἷς βασιλεὺς.

At forte cum Antisthene unū esse dixerint naturalem Deum; qui a se ipso, nulla ex re alia originē ducat, reliquos populares, alios ex alijs generatos. Itaq; unus erit optimus & maximus Deus. Si cuiusq; rei suus est finis, sua inquam in suo genere absolutio, etiam erit omnium rerum commune quoddam extremum, quod in uniuerso optimum & praestantissimum sit. Deus autem modis omnibus cunctis rebus excellit uniuersitatis moderator & author. Quare ut totius exercitus ratio ad ducis utilitatem, sic totius mundi perfe-

perfectio ad opificis sui uirtutem spectat. Ex quo illud sequitur probandum, quod tertio loco proposuimus, Deum ab omnibus expeti. NIC. Egregie uenis ad id, quod uis. BAR. Aduerte autem primum non solum amari Deum ideo, quia tribuit unicuique, quod cuiusque naturae aptum & conueniens est; uerum etiam quia perfectio uniuscuiusque rei quadam est numinis diuini communicatio. Quo pacto non potest Deus non amari, cum sua a quoque perfectio expetatur. Ad hoc Deus est supremus uniuersitatis finis: atqui medijs fines mouere appetitum absque ultimi imperio & uirtute non possunt: non secus ac secundae efficientes causae sine principalis potestate nihil queunt efficere. Quare nullum bonum expeditur, quin non etiam summum bonum expetatur: ueluti nihil facit proxima causa, quod non etiam prima efficiat. NIC. At non omnes res Deum cognoscunt. BAR. Esto. Nam ex omnibus creatis rebus sola mens potest illum intelligere, cuius imago est. Vnde hoc dabis necessario Deum a mente amari, a qua summum bonum esse cognoscitur. NIC. Ita sane. BAR. Concedes etiam ab his, quae mente carent, expeti non solum ante dictis argumentis commotus, sed etiam mundi primarij motoris ratione persuasus. NIC. Istam hanc rationem fac queso planam. BAR. Facio. Res, quae rationis expertes sunt, se quidem ipsae
non

non mouent, sed insito quodam a natura instin-
ctu feruntur. Feruntur autem semper ad uniuersū
finem, si non ab ipsis præceptum, at a primo or-
bis motore uel natura comprehensum; quæ sem-
per uniuersi bonum respicit. Nec ulla res est, quæ
uel ad utilitatem, uel ad ornatū mundi nō faciat.
Mūdus uero diuinæ potentiae, sapientiae, ac bo-
nitatis speciem gerit. Aut quid ineptius dici po-
test, quam principem causam negligi a rebus a se
effectis, cum eius uirtute in suo quaq; genere sal-
uae incolumesq; seruentur? Quamobrem natura-
liter res omnes Deum, ut summum bonum, deside-
rant: ac quædam si non expresse, at saltem ob-
scure, si non a se, at a primo orbis motore instru-
ctæ, si non intelligentiæ ui, at certè naturæ ha-
bitu commotæ. An quid amplius hic addubitas?
NIC. non dubito in suo genere perfectionem a
quauis re naturaliter expeti, sed quia de homine
loquimur, quem Dei præsentia beatum facit, hoc
mibi dubium occurrit. An facultas uidendi Deū
homini insit a natura, hoc est, an homo uim ali-
quam habeat naturalem, qua Deum uideat?
BAR. Non inepte in eo dubitas, in quo uel in-
ter doctissimorum hominum sententias cōtrouer-
sia est. Sed in primis uolo sententiam meā sacra-
rum scriptorum sententijs fulcire: quæ omni ra-
tione ab hominibus excogitata & argumentis po-
tiores sunt. Ioannes euangelista diuino numine
præ-

præ ceteris afflatus nos in cælis Deum, sicuti est, uisuros affirmat. Diuus etiam Matthæus rerum a Christo gestarum pronuntiator illustris Deum a mundis corde uidendum asserit. Et apostolus Paulus, cuius diuinis monumētis christianæ fidei auctoritas maxime innititur, Deum hic in terris in enigmate, illic in cælis facie ad faciem uidendum ad Corinthios scribit. Potest igitur uideri, si aliquando uidebitur. Negare uero quod aliquādo uideatur, est diuinis scriptis repugnare. Quod grecorum aliqui male ausi sunt facere, concilio Florentino hæresis crimine damnati. Ac quod dicimus, his etiā argumentis probatur. Animus ad percipiendam obiectæ sibi rei speciem potest a se uirtutem suam intendere. atqui Deus, qua ratione est, menti intelligendus obijcitur. Tum non minor est intelligentiæ uis, quā uoluntatis: at uoluntas aperte ui sua fertur ad amandum Deum: ergo & ad intelligendum intelligentia. Non autem plane Deum cognoscimus, si non illius faciem intuemur. Præterea natura mendax & uana nō est, a qua omnis temeritas abest. Quod si nos natura hoc desiderio affecit, ut efficientem causam percipere uelimus, cuius res effectas cognoscimus, certe perspectis uniuersi rebus, earū opificē contemplari naturaliter optamus. Cōsequens igitur est a nobis Deum posse uideri, si eius uidendi desiderium natura in nobis ingenuit. Profecto
si cerni

uidisse. BAR. Ad ista facile possumus ex doctissimorum hominum sententijs respondere; quod in huius imbecillis fragilisq; uitae statu Deus nec oculorum sensu cerni, quia corpus non est, nec ulla plane ratione intelligi queat, quae solū ex rerum effectuarū conditione & natura ducitur: quarum nulla principē causā uirtute adequat. Quin etiā in cælis (si ad felicitis illius uitae statū referre Ioānis Pauliq; dicta uelimus, ubi facie ad faciē Deus uidetur) nunquā ita cerni potest, ut totā eius formā ullius mentis acies usquequaq; despiciat. Ideoq; incomprehensus dicitur, quoniam a nullo totus, nisi a se solo comprehēditur. NIC. Praclare. BAR. Nunc quod a principio querebas discutiamus; uidelicet an hoc homini a naturali facultate, an solum ex diuino munere præter naturae suae uim & conditionē accadat, ut Deū uideat? NIC. Via me sane recta & opportuna quo intendimus perducis. BAR. Diuus Augustinus insigne christianae ecclesiae decus facultatem uidendi Deum in nobis quidem innatā esse a natura, sed nos absq; diuino lumine in aeternitatis solē intueri non posse, his uerbis dicit: Posse habere fidem & charitatem naturæ est hominum, habere autem fidē et charitatē gratiae est fidelium. Nam si Deus sub aspectum mentis nostrae cadit, est profecto uirtus in animo naturalis, qua nati apti sumus Deum aspectu mentis percipere. Verum

L ista

ista uis nunquā in actū erūperet, si non aliquo cæ-
 lesti auxilio subleuaretur: ueluti corporis oculus
 nisi radijs solis illustratus nunquam obiectas sibi
 rerum corporearū species suo sensu perciperet. Et
 si nos omni facultate cōsequendæ beatitudinis ca-
 reremus, quomodo Deus salutis nostrae adiutor
 diceretur? Adiuuat autem humanam facultatem
 nobiscum fidei & charitatis actiones educendo.
 nec Paulus Apostolus ad Corinthios scribens, nō
 esse nos ex nobis sufficientes aliquid boni cogitare,
 negat nos ulla facultate præditos esse, qua res diui-
 nas intelligamus; uerū eius usum tenuē esse, nulli-
 usq; momenti. Sed et dialectice magis ad philoso-
 phorū sententias rē istā agitemus. NIC. Vt lubet.
 BAR. Deus aut est in his, quæ intelligenda menti
 proponuntur, aut nullo eorū genere cōtinetur. Si ne-
 gas esse, tum illud sequetur, Deū in nostrā intelli-
 gentiā non cadere; quoniā extra ea est, quæ ui-
 dēdi potestas humana menti inest. ueluti oculorū
 sensu Deū cernere nequimus; quia nullam habet
 earū rerū speciē, quæ oculis subijciuntur. Sin das,
 tunc efficietur quod uolumus; inesse nobis a na-
 tura potestatem uidendi Deū: quoniam Deus mē-
 tis nostrae oculis conspiciendus obijcitur. Tum
 intelligere & amare Deum sunt ex nostris uirtu-
 tutibus uitales actus elicitī. (Scis me uirtutes di-
 cere, quas philosophorum uulgus potentias ap-
 pellat) erunt ergo in nobis eorū ratione naturales

uirtutes.

uirtutes . Præterea nullares motu infito a natura fertur , nisi eo , quo a natura apta est peruenire . atqui homo naturali desiderio potiundæ cælestis gloriæ tenetur : quandoquidem appetitus noster solum in diuini numinis aspectu conquiescit . ergo a natura uis in nobis est ad uidendum Deum . Vis autem omnis prodire in actum gestit , quem uel a se potest , uel alterius opera præstare . Hinc mens naturali desiderio ad intuendū Deū cietur , sed intueri absq; diuino beneficio et lumine haud quidē potest . Atq; hoc explicandum restat . **N I C.** Hoc ipsum expecto . **B A R.** Appetitus diuinæ gloriæ in nobis duplici se habet modo . Nam aut instinctu naturæ solum mouetur , aut etiam mentis ratiocinationem sequitur ; illo , quia nulla scientia regitur , sicuti res ceteræ , Deum ; ut perfectum cumulatam ac summum uniuersi bonum , latenter atq; obscure petimus ; hoc & cognoscimus , & qua cognoscimus , eadem etiam illum ratione diligimus . Cognoscitur autem per nos a nobis solum naturæ notis ut causa , ac principium omnium rerum ; non autem ut beatitudinis nostræ author atq; perfector . Non enim animo quidquam cernimus , quod a sensibus non oriatur . Nam mens nostra non intelligit nisi a formis rerum , quæ sub sensus cadunt : quippe inclusa corpori non nisi per sensus capit rerum cognitionem ; qui tanquam satellites illarum sibi species offerunt . Atqui ea ,

DE SUMMO BONO

quae ad felicitatem nostram comparandam perficiendamque pertinent, nullis sensibus subiiciuntur. Itaque Deus qua ratione intelligentiam nostram superat, ut felicitatis humanae architectus & author, dicitur finis hominis supernaturalis; non quod eius consequendi facultas nulla in nobis a natura insit, sed quod hominis intelligentiam uincat, cum nullis naturae argumentis teneatur. Ipsae quoque naturalis uirtutis ad caelestem beatitudinem actiones non ab ipsa uirtute, sed a diuino afflatu & opera effinguntur. Quare naturalis uirtutis supernaturales sunt actiones & finis.

NIC. Lubenter acquiesco in hoc tuo sermone. Sed qui negant numen diuinum sub aspectum mentis cadere, quibus obsecro rationibus mouetur?

BAR. In duobus maxime argumentis haerent. Alterum est, quod fides spes & charitas, quibus uirtutibus beatitudo comparatur, non sunt habitus naturales, humanae rationi consentanei, sed qualitates a diuino numine animae infusae. Quoniam uero uia, quae ad Dei conspectum nos ducunt, non a natura propositae, sed a Deo nobis premonstratae sunt, facultatem quoque uidendi Deum a natura nobis ullam tributam esse inficiantur. At quaeso natura non ne multarum rerum appetitiones in nobis ingenuit, & opem, qua illarum potiremur, nullam dedit? Presto autem nobis est Deus, qui uires nostras sua uirtute confirmet, ita ut quod praestare a nobis

et nobis non ualemus, eius praesente auxilio efficiamus. NIC. Intellexi istorum alterum argumentum; cupio alterum audire. BAR. Si in nobis aiunt ulla naturalis facultas inesset. Deum animo cernedi, consequens foret; cum diuinæ naturæ apertam cognitionem habiturum; qui hominis naturam cognosceret. Idque illis falsum uidetur: mihi non item. Sed nego animæ nostræ naturam omnino posse ab homine perspicui: quippe quæ habens cum diuinis mentibus cognitionem naturæ signis atque uestigijs indagari non potest. Nec dubium est, quid si animæ nostræ naturam cognosceremus, uideremus illam diuini numinis et felicitatis capacem esse: intelligeremus etiam modum quo beatitudinem capiat. Sed ista nobis omnino obscura sunt. Nec si conditionis nostræ naturalia principia non ignoramus, idcirco supernaturalem causam perfectionis nostro ingenio consequemur: ubi diuino lumine opus est. NIC. Et quid tu sententias hac de re, et quid alij opinentur satis intelligo. Nunc illud te rogo, an homo uitam agens mortalem possit ullo modo diuinum uultum intueri. Nam de Moyse ac Paulo magna mihi fallor inter uiros doctos questio est; an os diuinum inspexerint; quoniam eos sacris literis Deum uidisse proditum est; an uero tantum in aëri uisum. BAR. Rem ut istam intelligas, modus animaduertendus est, quo rerum cognitionem animo capimus.

Mens nostra, quia corpori cōiuncta est, nisi per rerum, quae sub sensus cadunt, species ac uisa, *εἰδωλὰ* greci appellant, nullius rei notitiam habet. Quare Deus, qui omnino a sensu alienus est, hac ratione in nostram intelligentiam nō uenit. (Scito autem me de clara diuini numinis inspectione loqui.) NIC. Vtiq; . BAR. Hunc intelligendi modum ab homine nō auferas, quia innatus illi a natura est, quin etiam a corpore animam dissoluas. Ac sane mens nostra si quo se magis abducit a sensibus, eo melius res a materia separatas percipit; uelut alienati sensu interdū augurantur, et dormientes futura presentiunt; profecto ut Deum intelligat simplicem, & solutum, atq; ab omni cōcretione seiunctum, necesse est ut a mortali corpore segregetur. Itaq; ab ipsomet Deo in Exodo pronunciatum legimus, Non uidebit me homo, & uiuet. Et Ioannes euangelista nulum unquam hominum Deum uidisse attestatur. Qui uero Moysen & Paulum Dei faciem intuitos fuisse affirmant, diuino munere & opera factum id aiunt, ut ab interiori sensu mens (nam ab externo sensu multis modis ut somno, ut morbo, ut etiam nimia cogitatione abducitur) intereadū lumen diuinum inspiceret; ab alienaretur, staretq; contra naturae legem in corpore. Verumtamen nōnulli uidere se negant ullam causam, quam ob rem hoc priuilegium Moysi & Paulo potius, quā Petro

Petro Christi uicario irrogatum sit. Et Enar-
 stus IIII. Pōtifex maximus Moysen tātū in aī-
 mati, nō autē, sicuti est, Deū uidisse scribit ad Epi-
 scopos Africanos. Cuius uerba nō inuitus hic refe-
 rā. Eam lucē inaccessibilem, quam pater & filius
 inhabitant, nullus modo nostrum in hoc mortali
 corpore constitutus potest aliquatenus contueri;
 sed cum apparuerit, tunc eum uere uidebit sicuti
 est, & non sicut Moyses, ceteriq; prophetae per
 enigmata & figuram: sed ipsam ueraciter con-
 tuebitur Deitatis imaginem. Nic. At uero Deus
 num ne etiam sub oculorum sensum in cœlis subij-
 ciatur? BAR. Quonam obsecro modo Deus, qui
 spiritus est, corporeis oculis cerni potest? Corpus
 enim proprias uirtutes circa corpora, ad quae ap-
 tum est, exercet. Quod si Deus sub oculorum
 aspectum caderet, ut D. Augustinus argumenta-
 tur, aut corporea res esset & aspectabilis, aut ocu-
 lorum sensus in naturam mentis & intelligentiae
 conuerteretur. Non enim uim suā & radios absq;
 naturae permutatione in res eas cōtenderet, quae
 ab aspectus iudicio remotae sunt. Atqui nec Deus
 corpus est, nec oculus in spiritum mutatur. Deus
 igitur, quia mens est, solum a mente conspicitur.
 Quanquam nonnulli existimant oculorum sensum
 diuina uirtute ita informari, ut in deitatis ima-
 ginem ualeant intueri. Quod nec ab illis ratio-
 ne ulla probatur, nec a nobis ullo sacro scripto

redarguit. Ac certe rudes & imperiti homines uim intelligentiae, quae maxima est, ignorant ad sensuum iudicia omnia reuocant. Et quidem in terris clausi (ut poeta loquitur) tenebris, & carcere caeco, quando quidem rerum cognitionem sumimus ex corporum formis receptis per sensus in animo, minus falli oculorum sensu uidemur: tamen cum rerum naturas apertas & nudas mente cernemus, animaduertemus tunc eo melius res cognosci, quo mens sensu praestantior est, praesertim caelesti atque diuino lumine illustrata: quod omnem solis splendorem & claritatem superat. **Nic.** Sed aucto abste audire modum, quo Deus a nobis uidebitur. **Bar.** Audies. Atque explicanda ratio est, quemadmodum alicuius rei cognitione mente generetur. Cui certe similis est ratio, quae cuiuspiam rei uisio in oculo fit. **Nic.** Probe. **Bar.** Primum quidem necesse est adsit res, quae intelligenda menti obijciatur; tum insit menti uirtus, qua rem sibi obiectam accipiat. Cum uero res obiecta a mente concipitur, tunc illius cognitio in animo fit. Non aliter oculis obiectae rei uisio fit, cum eius species in oculorum sensu exprimitur. Non enim res corporea & aspectabilis per se ipsa iungitur cum sensu uidendi, sed sua illi specie attingit. Non enim lapis ille, qui cernitur, ipse ab oculo comprehensus tenetur, sed eius species & similitudo. Ceterum nec corpus ullum oculis cerni potest,

est, nisi lux solis accedat; nec item ulla res intelligentia uideri; nisi quoddam spiritale lumen affulgeat, quod animae uires confirmet, ac rerum formas illustret. Atque hoc est, quod modo querimus. Non enim uiam indagamus, quae ad Dei cognitionem ducit; nimirum uti ex procreatarum rerum animaduersione in Dei notitiā deuenimus. etenim ista obscura est, & imperfecta cognitio. nos uero de aperta & distincta cognitione agimus; qua rei natura tanquam ante oculos posita cernitur. Nec ullam figuram inquirimus; in qua expressam Dei imaginem intueamur. Siquidē nulla potest esse eiusmodi, quae Deum exacte, & (ut in prouerbio est) ad unguem referat. quoniam Dei uirtus immensa, creatae uero rei finita est facultas. Quod si mens e nullius corporis figura agnosci potest, quoniam utriusque dispar est genus; nec Deus a re creata representabitur, qui magis a mente, quam mens a corpore distat. Sed quoniam ad contemplandum deitatis figuram ui sua mens nequit se ipsam erigere, sed diuini numinis ope attollenda est, an praeter naturale lumen aliud aliud a Deo intelligentiae porrigatur, quo illuminata specie diuini oris aspiciat, hoc est, quod modo querimus. Tale uero lumen a Deo beatis mentibus praeferrī ad perspiciendum praestantem suam aeternamque naturā & rationibus docemur, & sacrae scripturae testimonijs erudimur. **NIC.**

Quibus.

DE SUMMO BONO

Quibus? BAR. Si mens humana propria uir-
nequit Deum uidere, aliqua alia uirtute adute-
tur necesse est. Id autem est lumen gloriae. Tum
si uoluntas charitate ad amandum Deum affici-
tur, & intelligentia aliqua alia coelesti qualitate
ad illum cognoscendum informetur oportet. Nō
autem est fides; quae obscura cognitio est: ergo
lumen gloriae. Et si idem Deus, non pari tamen
modo a beatis uidetur, quid dabis prae-ter hoc lu-
men, cuius communicatio inaequabilem claritatis
portionem efficiat? Nunc scriptorum sacrorū te-
stimonia attende. NIC. Attendo. BAR. Erit,
inquit Esaias, tibi dominus in lucem sempiternā:
& Propheta regius, In lumine tuo uidebimus lu-
men. Quid his uerbis clarius? aut quid amplius
addubitabis? Vnde Viennensi concilio contra Sco-
ti opinionem, qui ante hoc tempus fuit, sancitum
est, ne quis auderet negare beatae menti ad ui-
dendum Deum gloriae lumen diuinitus praeferrī.
quanquam haud negarim Deum summa sua uir-
tute posse uice luminis aliquo alio modo intelligē-
tiam afficere: sed qui sapientissimus est, cuncta
moderate ac suauiter disponit. NIC. At quae-
sō quid sit lumen hoc gloriae paucis explica. BAR.
Lumen gloriae est non uisus. (malo uerbis grae-
cis uti) sed νοῦς, siue qualitas spiritalis non
ex animae naturaeducta, sed a Deo menti infu-
sa, qua supra uires suas & naturae conditionem
ad diuini

ad diuini oris presentiam attollitur; nō secus atq;
 oculorum sensus ad sui muneris functiones a
 spiritu, qui aspectum efficit, adiunatur. Atq; ut
 diuinitus iniecti animae uirtutum habitus ad ea
 munera illam in hac uita comparant, quae sola
 naturali ui exercere non posset, sic gloriae lumen
 in caelis mentem ad intuendum Deum subleuat &
 sustentat: quem alioquin suo obtutu nunquā in-
 spiceret. Dicitur autē μεταφωρισ λόγος lumen, ab hoc
 corporeo lumine sumpta similitudine. Nā ut cor-
 poreum lumen res aperit, quae oculorum sensui
 subiiciuntur, sic caelestis ista qualitas, quae Deū
 menti patefacit, luminis uoce notata est. Appel-
 latur uero gloriae lumen, quia in caelis ex bene-
 acta uita triumphantibus porrigitur. Nic. In-
 telligo. Sed quo modo Ioannes euāgelista nos Deo
 similes fore inquit? an quia beatus aliquā Dei for-
 mam imaginemue concipiat? BAR. Minime id.
 Non enim oris similitudine Deum exprimemus,
 sed consimili actione imitabimur. quoniam ut Deus
 se ipsum clare uidet, sic & nos illum manifeste ui-
 debimus. Quid enim frustra speciem ullam effin-
 gimus, cum ad uidendum Deum menti gloriae lu-
 mē sufficiat? Et natura diuina, non eius similitudo
 beatae menti coniungitur: nec aspectus similitu-
 do est, sed animae actio. Est autem huius lumi-
 nis in beatis non parilis magnitudo. Quod quia
 Iovinianus tendi beatis aequaliter contra totius
 ecclesiae

ecclesiæ sententiam asseueravit, hæresis anno a
 natali die Iesu Christi DCCLXX. concilio To-
 lensi condemnatus fuit. Equidem Apostolus Pau-
 lus ad Corinthios scribit, Qui parce seminat, par-
 ce & metet. et, Sicut Stella differt a Stella in
 claritate, sic & resurrectio mortuorum. Christus
 etiam (ut refert euangelista Ioannes) In domo pa-
 tris mei, inquit, mansiones multae sunt. Quid
 aliud seminum inaequales fructus, & mansionum
 uariam multitudinem, & astrorum dispares ra-
 dios significare existimes, quam inaequalem glo-
 riae luminis magnitudinem? quo illustratae bea-
 torum viuentes alia alia manifestius Dei naturam
 deprehendunt. Nic. Quid est obsecro naturam
 Dei manifestius deprehenderet BAR. Audi. Deus
 una res est, una inquam simplex natura, & (quod
 sepe diximus) infinite perfecta. Eius varias uir-
 tutes multis rationibus concipimus, & diuersis
 nominibus ut potentiae, sapientiae, iustitiae, bo-
 nitatis designamus. Sed quas in terris aliam post
 aliam contemplantur, in cælis simul omnes uno
 aspectu intuebimur. Contuebuntur autem beato-
 rum singuli quae fide præceperant, tum ad na-
 turam diuinam, & personas, tum ad uniuersita-
 tem rerum pertinentia. Alias uero præter hæc
 uirtutes quisq; plures aut pauciores cognoscet,
 prout maiori aut minori luce pro meritorū ratio-
 ne persusus fuerit. Vt quis autē omnes Dei uirtu-
 tes

res cōplectatur fieri nō potest. Ita enim totā Dei naturā conciperet; & quid ipse omnino posset efficere, & quid unquā uellet, intelligētia assequeretur. Meritoq; te irridendo Iob interrogaret, Omnipotentē usq; ad perfectum cognoscēs? Dicimus tamen aliquādo Deū a nobis cōprehendi, cū mentis nostrae intelligentia attingitur. quia tū animi capacitas expletur. NIC. Egregie ad qđ quęsui respondisti. BAR. Patet igitur ex his Deū nō naturali munere, sed diuino beneficio a nobis uideri. tamen si omnes illius coniunctionem naturalis quodam studio desideramus. Nam & primaria uniuersitatis causa est, & res eiusmodi, quae maxime omniū menti intelligenda obijcitur. Et unaquęq; res eo sese refert, unde prodit; ac principij necessitudinem deponcit, qua fore se incolumem sentit. Itaq; cum demonstratū sit Deū esse bonū, ac summe bonū, atq; ab humana mente posse apprehendi, nemo dubitare debet in illo finem suum constituere. Nec mihi quisquā obijciat nō uideri sibi Deū esse hominis summū bonū, quia res ab hominis natura extranea sit. Nā Deus, utpote prima causa, magis intimus est homini, quā homo sibi. Ac licet numē diuinū ab humana cōditione differat, tamen, quia uniuersa bona cōplectitur, solū potest omnibus bonis hominē explere. NIC. Effecisti sane quod uolebas Deū esse summū, ac maxime expetendū bonum. BAR. Hoc si effeci, quēadmodum

DE SUMMO BONO

admodū effecisse me arbitror, posthac nulli de immortalitate animorum dubitandum erit: cum praesertim e nullo eorū genere oriantur, e quibus quæ finguntur intereunt; & a Deo proxime e nulla re uelut praesente materia generentur: Ideoq; illi natura prae ceteris quā simillimi. Quod arguit innatū nobis a natura desiderium, quo in deos eundem cupimus: cū nimirū uitae nominisq; immortalitatem optamus, quasi praesagientes aliquando nos deos futuros. Alioquin si animus noster immortalis non esset, nullum hominis bonum stabile & aeternum foret: ac frustra in diuini numinis necessitudine felicitatem nostrā sitam esse crederemus. Quoniam uero in hac uita nefas est nobis Deitatis speciem intueri, ubi uitae muneribus recte & honeste functi erimus, tunc in cælum e terris translati iucundissimo eius aspectu in aeternū tempus latabimur. Quare D. Augustinus bene inquit, Fecisti nos Domine ad te, & inquietum est cor nostrum, donec requiescat in te. NIC. Igitur in hac uita dum est homo, beatus dici nō potest: BAR. Nequaquam. quoniā longe absumus a deitatis praesentia. Omitto multarum rerum egestatem & morbos, in quibus malis quotidie uersamur; fortunae iniurias, quibus semper expositi sumus; perturbationes animi, quibus cōtinuo angimur; uoluntatis inconstantiam, qua uelut tempestate noctes et dies iactamur. nec sane beatus
ullus

ullus habendus est, qui non habet ea, quae uult :
aut aliud uult, quam bonum. NIC. Atqui multi
uel in sacris monumentis perhibetur beati. BAR.
Beati quidem non re, sed spe. Quandoquidem hi,
quibus a Deo crimina condonata sunt, cælestis
regni hereditatem sperant. Qua spe dum gaudet,
beati nominantur. Sic, Beati quorum remissa sunt
iniquitates, & quorum tecta sunt peccata. Verū
illud quoq; notandum est. NIC. Quod istud est ?
BAR. Quod nouissimo die corpus e terra excita-
bitur (sicut a Iesu Christo nobis persuasum est)
& beatæ animæ gloria induetur. Nam æquū est,
ut anima latitiæ suæ ac splendoris socium in cæ-
lis corpus habeat, quod laborum comes & mini-
ster in terris illi fuit. Licetq; corpus ui sua fragi-
le & caducum sit, tamen diuino beneficio immor-
talitatē accipiet, ita ut spiritale appareat. Atq;
hoc sane ad absolutam hominis beatitudinem per-
tinet, ut omni ex parte beatus & perfectus exi-
stat. NIC. At quæso, num anima soluta corpore in
cælis omnino beata sit ? BAR. Maxime. Nam
res, quæ animam beatam facit, Deus est.
nec menti ullo corporis sensu ad uidendum & co-
lendum Deum opus est : qui non a corporeis sen-
sibus, sed ab intelligentia comprehenditur. Qua-
re nihil minus felix est anima corpore exuta, quā
cum corpore coniuncta. NIC. Quid ? nonne ani-
ma corpus secum habere desiderat ? BAR. Desi-
derat.

derat. Verum hoc eius desiderium, quia ad diuinae uoluntatis normā regitur, nihil molestiae gignere potest: ne in beatum perturbationē ullam cadere dicas. At uero ubi corpus resumpserit, ampliari animae beatitudo uidebitur, quia in corpus dispergetur: magisq; tum de bono suo gaudebit. De fortunae bonis, quae ab hominis natura aliena sunt, nihil loquor; quia nullus usus illorum erit. Nec ad percipiendum diuini aspectus fructum amicorum consuetudo necessaria; licet ad exercenda inter se charitatis officia peropportuna. Erit autem sanctorum hominum amicitia, & caelestium angelorum societas iucundissima; qui depulsis iris, inuidijs, disensionibus una mente simul in amplissima ac splendidissima Dei domo in summa omnium bonorum ubertate habitabunt. Nec plura res ista modo requirit. Ceterum beatorum locus cælū est, suprema & præclarissima mundi pars: quod, ut a poëta graecorum optimo describitur,

οὐτ' ἀνέμοις τινάσσεται· οὐτε ποτ' ὄμβρος
δευέται, οὐτε χιὼν ἐπιπίλναται· ἀλλὰ μάλ' αἰθήρη
πίτταται ἀνέτελος, λευκή δ' ἀναδέδρουεν αἴγλη.

non uentis quatitur, non imbribus ullis
Spargitur; haudq; cadens operit nix: sed
tamen æthra

Ambit nube carens, & fuso lumine ridet.
Non.

Non describam beatorum sanctam ciuitatē aureo argento lapillisq; pretiosis undiq; nitentē. & ornatam Hierusalem : quam D. Ioannes in Apocalypsi mirifice designauit. (Decet autē aliquando res diuinas ad earum similitudinem depingere, quae oculis obijciuntur, ut quales sint mente cogitemus, cum nihil animo cernamus, quod a sensu non oriatur.) Illic nullius rei egestas est, sed omnium rerum, quae optari possunt, abundantia. Non esculentis, non poculentis opus : ipsa deitatis contemplatio nect̄ar & ambrosia est beatorū : qua qui uescuntur poëtarum sententia felices & immortales fiunt, nec senio nec morbo ullo unquā conficiendi. Non somni usus, quo felicitas interfcindatur ; quia nullus labor suscipitur. Non calorum, non frigorum molestiae sentiuntur. Non solis aut lunae radij, quia nullae sunt tenebrae, desiderantur : Deus ipse sua clarissima luce totam ciuitatem perpetuo illuminat. Non erroris, non inscientiae locus ; sed in Deo quisq; uniuersa uidet, quae scire fas est. Non seruitutis species ulla, nō ullius mali metus, non spes, non cura, non perturbatio ulla animum angit. Nam, ut sacra scripta loquuntur, absterget Deus omnem lacrymam ab oculis eorum, & mors ultra non erit, neq; clamor, neq; dolor, quae prius abierunt. Quid plura ? Deus omne beatorum desiderium explebit ; & implebitur quisq; letitia cum uultu eius :

M animoq;

DE SUMMO BONO

animoq; recte composito suauissima pace per-
fruetur. Et ut breui rem concludam, in diuinitatis
naturam commutati bonorum omnium fructū lē-
titiamq; percipiemus. Et ut Esaias inquit, Oculus
non uidit, nec auris audiuit, nec in cor hominis
ascenderunt quae praeparauit Deus ijs, qui
diligunt illum. Ad quā beatitudinem
assequendā nemo a natura ineptus
est: solum recta uoluntatis affe-
ctio quæritur. Verum qua ra-
tione tantam felicitatem
consequamur, alio ser-
mone disceremus.



90
IO. ANTONII

VIPERANI

DE SUMMO BONO

LIB. V.



De modo consequendae felicitatis.



PHILOSOPHORVM nescio quis Petre frater ingentes grates Dÿs habebat, quod græcus, non barbarus, atq; in ea urbe natus esset, in qua cum excellentissimis ingenÿs omnium bonarum artium studia, uirtutumq; florerent: quantam nos immortalì Deo gratiâ habebimus, a quo et tenebris in lucem uocati, & ab impiorum commercio seiuncti, ac cælestis regni cû unigena filio suo Iesu Christo hæredes duobus testamentis instituti sumus? Hoc beneficio nullum certe maius dici, aut cogitari potest. Nam haud sane uideo quid nos iuuat huius uita e usus, si infelicissimo exitu

terminetur; nec quid proſit intelligo principatus, quæ in animantes omnes tenemus, ſi a diuini numinis ſocietate, & coniunctione diuellamur: qua ſola felicitatem hominis contineri proxima diſputatione conſtitutum eſt. Verum tamen accessus iſte ad Deum niſi per Chriſtum homini patere nō po- teſt: qui nos e diaboli poteſtate eripuit, ac diuina myſteria edoctrōs ad patris amicitia adiunxit; cui obſcelus primi parentis uehementer inuiſi eramus: atq; ad placandū cœleſte numen tot tan- tiſq; mortalium omnium delictis uiolatum in cru- ce uelut hoſtiam ſeſe obtulit immolandum. Quā- obrem chriſtiani iure ſancti nuncupantur, quia Chriſti ſanguine tincti ſunt: quo uno peccatorum ſordes & maculae deterguntur. Quantum igitur beneficium hoc Chriſti eſt, quo nos patri reconciliat? ac quanta ruruſum patris erga nos benigni- tas? qui credentes in Chriſtū tam liberaliter ado- ptat? Ita q; nō ſumus amplius aduenae, ſed ciues ſanctorum, ſed filij, & domeſtici Dei. Immenſus proſecto campus ſe mihi offert ad tantorum bene- ficiorum explicationem: ſed nolo F. Bernardinū Barbanum de modo cōſequendae felicitatis diſſe- rentē interpellare: ¶ Proximo ſuperiori die multis et grauibus argumentis oſtendimus Deum ſummū bonū eſſe, utpote principium & extremū omnium bonorum, complectens in ſua uniuerſam boni rationem atq; naturam. Nic. Hoc a te qui- dem

dem mire ostensum est. BAR. Illud quoq; docuimus, licet in deum omnia referantur, non tamen eius excellentem prestantemq; naturam peraque ab omnibus cognosci. Quoniam quae rationis expertia sunt, nullo modo possunt caeleste numen inspicere: solum capacia rationis deum intelligentia capiunt, qui prestantissima mens est motu predata sempiterno. Itaq; fixum ac ratum est, summū bonum ab his solum possideri, quae ratione utuntur. NIC. Hoc etiam docuisti. BAR. Sed et de similitudine, quam mens hominis ad deum habet, nonnulla disseruimus. NIC. Dixti imaginē Dei uocari, cū res aliae uestigij nomine designentur, quod praeter ceteris naturā diuinā melius imitetur. siquidem imago alicuius rei figurā exprimens similitudo; latens uero & obscura similitudo uestigium est. BAR. Laudo dictorum magistri bene memorem nicolaum, neq; hebetem, neq; rudem discipulum. Diuinae igitur uirtutis aliquātis similis omnibus in rebus inest: sed sola mens, quae simplex est, sagax, & celer, numen diuinū capit intelligendo, atq; exprimit imitando. NIC. Sic est. BAR. Ac doctissimi uiri sanctae & indiuiduae trinitatis imaginem in humano animo effictam obseruauerunt: in quo memoria, intelligentia, & uoluntas, seu mens, notitia, & amor communis eiusdemq; naturae sint, tamenuarijs rationibus inter se distinguuntur; quēadmodum uni-

DE SUMMO BONO

eisdēq; naturae diuinae tres inter se differētes relationibus personae subsistūt, pater, filius, et spiritus sanctus: ac memoria patris, intelligētia filij, uolūtas spiritus sancti similitudinē gerit. Nic. Praclare. BAR. Mox quāta erit mēti cū Deo similitudo, cū diuino splendore in cælis accendetur? Nam euāgelista Ioānes Deo nos similes futuros esse ait, cū eius gloria apparuerit. Ergo solae mētes possunt esse, ac uere dici beatæ. Nec beatæ sunt, nisi cum in cælū euolauerint: nec unquā aliquid appetendi finē fecerint, nisi cū primū ens aperte cognouerint, atq; uniuersum & summum bonum perceperint. Deus autem est ipsum uerum ens, atq; ipsum summum bonum, qui principium & finis est uniuersi. Licetq; ad adipiscendum summum bonū a natura instigemur, tamen illud sine certis optimi Dei auxilijs consequi per nos ipsi nō ualemus. Quando igitur satis explicatū est, & quæ sit, atq; unde sit beatitudo, non inutile fore arbitror modum docere, quo acquiratur. MER. Non solum hanc rem scire expectamus, uerum etiam a te uehementer postulamus. BAR. Morem uobis geram quam lubentissime. Atq; in primis exponam uires animae, quibus propositum finem consequimur, tum de diuina opē agam, quæ naturalem hominis facultatem ad cælestis felicitatis adeptionem roborat. Nam in homine uirtus quædam a natura insita est, qua (ut ante diximus) uidere Deum ualet,

ualet; sed quæ nulla est, nisi diuina gratia cõfirmetur. MER. Vt porro uis. BAR. Et quidem mihi alia uis huic uerbo, cum summum bonum dico, subesse uidetur; alia, cum beatitudinem nomino. Nam summum bonum mea sententia id, quod in bonis extremũ est, significat; beatitudo uero summi boni adeptionem. MER. Idem quoq; mihi uidetur. BAR. Quod Deus summum bonum sit, superiori disputatione probauimus, simul etiam ostendimus, quod a sola mēte percipiatur: sed quæ ui, quoue modo, hoc differendum nunc est. MER. Nos te diligenter et attente audiemus. BAR. Ne tamen moris nostri oblitus uidear, te Nicolae interrogo, Annon Deus omnium rerum finis est, sicuti est principium? NIC. Certe? BAR. Atque ad finem nonne aliquo motu ferri necesse est? NIC. Etiam. BAR. Igitur ad consequendum summum bonum certa quadam actione opus; quæ est animi motus. NIC. Sic prorsus. BAR. Tum hominis beatitudo nonne humanæ naturæ absoluta perfectio est? NIC. Hoc ipsum sæpius docendi causa dixisti. BAR. At rei perfectionẽ extrema (ut aiunt) manus absoluit. Quare cognoscenda est proxima actio, qua bonorum summam attingimus. Cum uero summum bonum præstantissima res sit, maximeq; optanda, & præstantissimam esse oportet actionem, qua illam persequimur. NIC. Recte hoc ais. BAR. Quid sensis

ne? **NIC.** Haud equidem. Nam etiam bruta animalia sensum habent, & nihilominus beatitudinis expertia sunt. **BAR.** Ergo animo: qui in hominis natura principatum tenet? **NIC.** Scilicet. **BAR.** Et animi nobilissima actione? **NIC.** Videlicet. **BAR.** At uero præstat ea actio, quæ e uitali uigignitur constans atq; perpetua. **NIC.** At quæ hæc animi uitalis uis est? **BAR.** Ratio: sine qua animus nullus esset. Ceterum animi uirtus naturalis & insita duplex habetur, intelligentia, et uoluntas. Ergo mente & amore Deum amplecti oportet. Neq; enim satis est ad beatitudinem Dei cognitio sine charitate: nec quisquam amat, quod ignorat. **NIC.** Accepi duplicem animi uirtutem intelligentiam, & uoluntatem: tamen, si rogare hoc licet, quaero utra ad beatitudinem potior sit? **BAR.** Rem mihi ad indicandū perdifficilem proponis: de qua magnorum uirorum grandis est controuersia. Quorū alij plus intelligentiæ tribuunt ob sapiētiae nobilitatē, alij plus uoluntati ob efficacitatē charitatis. Nec argumentis solum, sed etiā diuinis scriptis utriq; nituntur. Pro illis est quod D. Ioannes scribit, Hæc est uita æterna, ut cognoscant te Deū: & D. Matthæus, Beati mundo corde, quoniam ipsi Deum uidebunt. Pro his est quod idem D. Ioannes inquit, Qui manet in charitate, in Deo manet, & Deus in eo; & D. Matthæus, Intra in gaudium domini tui. Gaudiū enim

enim est uoluntatis affectio. Quare tanta lis alii,
quam me, iudicem postulat. tamen uobis morè ge-
ram; & rem breuiter expediam. MER. Rem no-
bis gratam efficies. BAR. Primum intelligentia
uoluntate mihi ortu nobilior esse uidetur: quoniam
ex aliqua cognitione desiderium cuiusq; rei ge-
neratur: nec uoluntas appetit, nisi quod ratio bo-
num et secundum naturam esse cõmonstrat. Qua-
re alias uoluntatem capacem rationis appetitum
uocauimus. Vnde nulla res uoluntati obijcitur,
quam animus intelligentia, quae, qualisue sit, nõ
ante perstexerit. At multa mens pertractat, quae
ad uoluntatem non deferuntur. quoniam uoluntas
id solum, quod naturae accommodatum est, asci-
scit; intelligentia uero etiam boni rationem scru-
tatur. Quocirca magis ratione a belluis, quã uo-
luntate distinguimur: quippe quæ cum omni ra-
tione & sapientia careant, tamen rerum sequen-
darum aut fugiendarum appetitionem aliquam &
declinationem habent. Verumenim aliter mens,
aliter uoluntas ad rem sibi obiectã afficitur: siqui-
dẽ mens cum rem ipsam comprehendere non po-
test, in eius similitudinem sese induit; uoluntas ue-
ro rem studio & amore complectitur. At sane
maior est rerum, quam uoluntatum coniunctio:
sed præstat formarum concentui amoris concilia-
tio. Quamobrem intelligentia, cū rem ipsam ca-
pit, uoluntate insignior est: non autem æque in-
signis,

DE SUMMO BONO

signis, cum rei solam speciem accipit. Iam alia ratione, quando corpori inclusa est, alia, cum libera est, in perspiciendo diuino numine se habet intelligentia. Nam in terris, ubi sensus menti notiones rerum subministrant, similitudinem aliquam Dei in animum inducit: in cælis uero Deū ipsum concipit affulgente gloriæ lumine, & speciei uicem diuinā subeunte natura. Verum eodem studio & amore Deum uoluntas ubiq; prosequitur, quamuis charitas in cælis ex apertiori cognitione summi boni & scientia augeatur. Quamobrem in huius uitæ curriculo Deus magis diligi, quam intelligi a nobis potest; sed cum apparuerit gloria eius, & uidebitur sicuti est, non minus intelligetur, quam amabitur. Itaq; si naturam utriusq; , mentis inquam & uoluntatis, per se tum quamq; contemplemur, maior apparebit intelligentiæ uis, quam amoris. Quod si uoluntatis studium cū mentis ratione connectamus, proculdubio efficacior erit amor, quam intelligentia. Sed nec sapientia sine charitate, nec charitas sine sapientia cogitari potest. Potest ne optari, quod optandū esse ignoratur? aut non optari, quod naturæ aptum esse cognoscitur? NIC. Haudquaquam. BAR. Non igitur Deus, cum plane uidetur, nō amari potest, quia summum bonum est: ac quo magis cognoscitur, hoc etiam amplius amatur. Hoc nimirū est illud, quod interdum ab aspectu Dei, nonnūquam
a cha-

a charitate felices nominamur : nec certum ullum nomē aut a mente, aut a uoluntate beatitudo accipit ; quoniam utriusq; actionem suo complexu pariter tenet . Quibus quidem actionibus coniuncta est delectatio : quae in animi suaui motu est . Cum enim animus concupitae rei potitur , ex praesente bono iucunditate persunditur . Docte igitur Augustinus inquit , Fruimur cognitis , in quibus uoluntas delectata conquiescit . Id quod neq; res sensu carentes , neq; sensu praeditas animantes , expertes autem rationis attingit . Nam quae sensu carent , nullam delectationem capiunt , quia nullam sentiunt : bruta uero animantia etsi uoluptatem aliquam sensu percipiunt , tamen quia summum bonum non agnoscunt , nec capiunt quidem beatitudinem . Etenim hoc uerbum frui ad summum bonum pertinet : quod solū ui sua, propterq; se expetitur . Atq; homo tantum ea sui parte proprie beatus dicitur, qua Deo cognatus est : licet deinde felicitas ad inferiorem ex superiori parte redundet . NIC. Cognosco actiones animae, quibus summum bonum assequimur ; illarumq; inter se conuenientiam atq; discrimen attendo ; beatitudinis quoq; fructū ex tuis uerbis intelligo . Sed nescio quis scrupulus modo mihi iniectus est . BAR. Quis iste scrupulus est : aut quae dubitatio ? NIC. Quo nimirum modo caelestis beatitudo humanae naturae conueniat, & humana ui (quod a te dictum

DE SUMMO BONO

te dictum alias memini) capi nequeat. BAR. Dictum fateor. Nec tamen ab humanae naturae conditione beatitudo nostra idcirco abhorret, quia uim hominis superat. Nec piget aliquando rem eandem repetere, ut maior lux disputationi adueniat. MER. Scis Barbane istud a nobis in te laudari. BAR. Omnis nostra cognitio aut sensu continetur, aut ortum habet a sensu. Nam sapores, odores, colores, soni, aspera, mollia sub solos sensus cadunt: at cōmunē rerū, et uniuersam naturā ex singularum notatione aduertit. Sensus autem res praesentes dūtaxat, easq; singillatim accipit. Etenim animus corpori illigatus nullam rem cogitatione uersat, quam corporis sensus, tanquam satellites non sibi uidendam & examinandā obtulerint. Ac licet animus interdum opera sensuū non utatur, cum nimirum se a sensibus abducit; tamen eorum, quae secum agit, formam aliquam & speciem a sensibus aliquando arripuit. Quare quae cognoscimus, aut sensu percipimus, aut dicta per sensus animo retinemus. NIC. Istud non nego. BAR. Ergo Deum ideo qualis sit nec sensu, nec ratione possumus intelligere, quia nulla eius forma sub ullum sensum cadit: solum res creatae mentem nostram commonefaciunt illum esse; quoniam oculus offerens animo tantam mundi molem & apparatus, ad contemplandū opificij authorem eum inuitat. Itaq; mens obser-

uat

uat Deum esse, quia rerum procreatarum intelligit unum aliquē procreatorē esse oportere, cuius nulla origo sit. Qua ratione Deum a philosophis cognitū fuisse apostolus Paulus ad Romanos scripsit. Sed & quicquid est in uniuersi rebus laudabile, totum id ad eius parentem & opificem refertur; & si quid imperfectionis aut uitij inest, ab eodem remouetur. Non enim effectus res possunt totam efficientis causae uim naturamq; concipere. Vnde ab ipsarum conditione existit, si quid in illis uitij perspicitur; si quid autem in illis boni est a causa profluit: in qua uirtutes omnes maxime enitent, quippe primae, & a se productarum imagines. Ob hac Dionysius Areopagita triplicem uiam tradidit, per quam duce ratione ex uniuersitatis cōtemplatione in diuini numinis cognitionem a nobis peruenitur, Causae, Remotionis, Excellentiae. Quarum prima institui-mur Deum uocare principium, patrem, & procreatorem uniuersi. Altera docet in eo cōpellando negantibus uerbis uti, quae effectarum rerum imperfectiones & uitia ab eo abesse significant. Itaq; immortalis, immensus, infinitus nominatur. Tertia prębet nomina perfectionem aliquam uirtutemq; notantia: qualia sunt potens, bonus, sapiens, & his similia. Quas uias ad capeffendam notitiā Dei tenuit prae ceteris Plato pater et princeps philosophorum. Verum his uis & rationi-

bus

DE SUMMO BONO

bus tantum intelligimus quod Deus in rerum natura sit, omnium princeps causa: tamen eius proprias potestates, quæ sensum omnem fugiunt, quomodo, quæ uia, quæ ratione potest humanus animus inuestigare? Quamobrem necesse est, ut spiritus Dei nobis illas enunciet. NIC. Scite loqueris. BAR. Nec tantum sapientiae suae quisquæ tribuat, ut diuinæ naturae potestatem suo ingenio metiri audeat; ac dei uicepse denegat Deo facultatem, quam ipse sua mente non capiat. Vincit enim diuini numinis præstantia omnem & humanam & angelicam intelligentiam. quandoquidem rerum effectarum natura cum efficientis causæ uirtute nullo pacto æquari potest; nec infinita uirtus ab ulla definita re coerceri. Quamuis igitur homo Deum esse authorem & moderatorem uniuersi a se intelligat, tamen eius beneuolentia & coniunctione contineri felicitatem suam ne suspicari quidem a se potest. quoniam hoc omnem humanæ cognitionis modum superat. Quod si diuinam felicitatem homo nequit ulla ratione cognoscere, nec cæleste lumen affulgeat, neque illam nisi sua poterit adipisci, nec diuinum auxilium adiungatur. Quippe ad finem eminentem supra naturæ facultatem simili opus est ope. Itaque cælestis beatitudo supra humanam uirtutem est: neque idcirco tamen humanæ naturæ non cohæret: quia potest ab homine contingi, si diuinitus adiungetur. MER. Hoc auxilium

xilium nosse cupimus. BAR. De lumine gloriae, quo mens ad uidendum Deum in cælis habilis et apta redditur, proximo sermone dictum est; nunc de gratia, qua in terris animus ad cognoscendum & amandum Deum informatur, dicemus. NIC. Igitur quid gratia sit expone. BAR. Gratia est qualitas quædam a Deo animæ gratis infusa, qua naturam diuinam participamus: donum cæleste, immortalis uitæ origo, ac cunctorum bonorum principium. Quæ quidem qualitas si uel a nobis, uel in nobis inesset, uel aliquo nostro merito a Deo nobis donaretur, gratia non esset, sed uirtus aut insita nobis a natura, aut nostro studio comparata, uel operi nostro debita merces. Ideo autem gratia (ut apostolus Paulus ait) quia non ex operibus. Omne autem munus argumentum amoris est. NIC. Quid? omne donum a Deo nobis gratuito datum nomine gratiæ nomine signabo? BAR. Etiam. tamen donum, quo Deo chari reddimur, eiusque filij constituimur, nempe gerentes perfectam illius imaginem, commune nomen proprium fecit. NIC. Intelligo. BAR. Atque equidem gratia perinde nostram animam perficit, ac forma materiam: sine qua rudes & hebetes essemus ad functiones operum perfectæ iustitiæ. Perfectæ autem iustitiæ munus est diuinis monitis & præceptis parere: nec ad diuini numinis arbitrium fingere se quisquam potest, qui diuina gratia uacuus

cuius est. Proinde apostolus Paulus inquit, non
 est iustus quisquam. quia omnes in uita delinqui-
 mus; in quibus insunt inuitamenta libidinis. Vnus
 autem est Deus, qui iustificat. NIC. Quid est
 iustificare? BAR. Iustum, & uita aeterna dignum
 facere. Atqui solus Deus hoc facit sua gratia;
 qua nos sibi subdit, & nostrarum uirtutum actio-
 nes ad cœlestem gloriā instituit. Neq; enim ope-
 ra nostra eiusmodi sunt, ut maximi et infiniti pre-
 tij mercedem promereamur. Verum si actiones
 nostras Deus cœlesti gratia, quae uirtute par est
 gloriae, cōponat, reddet nos tanto prēmio dignos,
 in donando gratiam benignus, in tribuendo glo-
 riam iustus. Igitur absq; gratia nullus potest opus
 ullum efficere dignum diuina mercede; nec (ut
 Paulus loquitur) dicere Dominus Iesus, nisi in
 spiritu sancto nō solum docente, sed etiam in illius
 animo insidente. NIC. At obsecro Adae nostri
 generis parenti, priusquam peccasset, an isthac
 gratia opus fuisset ad retinendum iustitiam, per-
 fectum inquam uitae statum, in quo a Deo condi-
 tus fuerat? BAR. Maxime. quoniam ad aeterni-
 tatem a se aptus non erat: nec continere se a casu
 & prolapsione in peccatū multo tempore potuis-
 set, si non diuino auxilio & uirtute subnixus es-
 set. NIC. Quomodo igitur cœlesti gratia affectus,
 a diuino edicto mulieris oratione recessit? BAR.
 Quoniā uoluntas nostra libera est, nec cogi potest;
 atq;

atq; ut in nostra potestate est gratiam accipere, sic etiam in nostra manu est illam reijcere. Siquidem forma rem sibi subiectam effingit ita, ut illius fert natura. Atqui gratia forma est animae; quae dum in uia est, uaga & mutabilis est, consiliorum & sententiarum pro suo arbitratu faciens multas magnasq; mutationes. Quamobrem gratia ita animae inest, ut pro eius inconstantia & mutabilitate dimoueri possit. Vnde ante primi parentis nostri Adae peccatum ad iustificationem duo requirebatur, nimirum, Dei liberalitas, qui gratiam daret, & hominis uoluntas, qui illam acciperet, quamquam iste uoluntatis humanae ad suscipiendam gratiam motus ab ipsa gratia praeniente cietur. post peccatum uero etiam peccati detestatio et expulsio necessaria. Non enim gratia patitur peccatum in eodem secum esse domicilio: neq; illud ex animo remouetur, si non etiam animus ad illius depulsionem cum gratia conspiret. Ac quandiu in terris a caelesti Hierusalem peregrinamur, semper in periculo excidendi a gratia sumus, ni singulari beneficio a Deo confirmemur. Nam tot falsis opinionibus & erroribus circumfundimur, tot pro spiritu & ratione contra carnem & appetitum dimicationes suscipimus, tot a malis demoniis saluti nostrae grauitur insidiantibus dolis ac fallacijs dies & noctes petimur, ut semper (quod uulgo dici solet) in lubrico uersemur. Quapropter nos apostolus Paulus monet,

N

ut in

ut in timore ac tremore salutem nostrā operemur.
NIC. Quando de iustificatione dicere cœpisti, au-
 thorem illius, modum, & finem ex ordine pau-
 cīs ostende. **BAR.** Faciam: ne quid a uobis in hac
 nostra extrema disputatione desideretur. Quā-
 mentem cœlesti luce illuminat, idem etiam homi-
 nem diuina gratia iustum facit: Et quidem euan-
 gelista Ioannes Deum uocat lucem ueram, quæ
 illuminat omnem hominem uenientē in hunc mun-
 dum: eundemq; esse apostolus Paulus asserit,
 qui iustificat. Forma iustificationis est gratia:
 quæ quid esset exposuimus: quo tamen pacto, in
 species diuidatur, dicam modo. Est autem du-
 plex, altera præueniens, quæ uidelicet hominis an-
 imum mouet atq; instituit ad cognoscendum, &
 recipiendum diuinum donum. nam (ut idem apo-
 stolus inquit) non sumus ex nobis sufficientes ali-
 quid boni cogitare. altera (libet enim loqui uoci-
 bus ab ipsis authoribus usitatis) subsequēs: nē-
 pe quæ hominem bene agentem adiutat. Ideoq;
 inchoatio & absolutio cuiusuis boni operis Deo
 accepta referuntur: quia a Deo sunt: qui (ut
 eiusdem apostoli uerbis utar) dat in nobis uelle
 & perficere. Humanitas uero Iesu Christi, ut
 manus artificis, sic Deo annexū est coniunctumq;
 instrumentum, quo nobis gratiam largitur. quan-
 doquidem humana natura cum diuina in filij per-
 sona copulata est. Atq; ut per filium æterni pa-
 tris

bris sapientiam & uirtutem, per quem facta sunt,
 & administrantur omnia, etiam si nullum unquā
 peccatum contra diuini numinis imperium admis-
 sum esset, tamē iustitiae merces a Deo semper ho-
 mini tributa fuisset; sic per eūdem filium post la-
 sam maiestatem donari utiq; decet. Quamobre
 bene sacra scriptura inquit aliud nomen sub cælo
 datum non esse præter Iesu Christi, in quo opor-
 teat nos saluos fieri. At uero iustificationis fru-
 ctus est humanae mentis cum Deo cōiunctio. Hoc
 hominis summum bonum est, huc omnia referun-
 tur. Sed referri sine gratia non possunt; quae ani-
 mae uitalem uitā affert. Itaq; diuus Paulus gra-
 tiam Dei uitam æternam appellat: per quam sci-
 licet ad nouum genus uitae, & spiritale genera-
 mur. Ceterum a gratia certae quaedam uirtutes
 exoriuntur, quae ut gratia naturam animae, sic
 ipsae uires animae confirmant, atq; ad certorum
 munerum functiones idoneas reddunt: nec re a
 gratia, sed ratione, non aliter atq; animae uires
 ab animae natura distinguuntur. NIC. Ergo de
 his etiam uirtutibus dicendum tibi est? BAR. Est
 sane. Et te opinor meminisse Deum propter natu-
 rae suae simplicitatem ante a nobis actum philo-
 sophorum more uocatum fuisse. NIC. Optime.
 Quid tum? BAR. Quia si eius similiores esse ueli-
 mus, ipsum actione uirtutum conuenit imitari:
 a quibus rectae uitae modus describitur. Oportet

ante præclarissimæ uirtutis actione potissime Deum
imitari, qui præstantissima res est. Prestabiliores
autem animæ facultates; & insigniores sunt in-
telligentia & uoluntas: quæ in superiore sede
resident. NIC. At quibus rationibus cõformã-
tur? BAR. Merula noster cū de uirtutibus ageret,
alias uocauit inspectiuas, quæ in ueri cognitione
uersantur; alias actiuas, quæ actione consistunt:
atq; illis mentem, his appetitū perfici dixit: in il-
lisq; principiorum intelligentiā, scientiā, et sapien-
tiam numerauit; in his uirtutes, quæ uulgo mo-
rales appellantur. Veruntamen horum generum
uirtutes ad naturales quasdam actiones, non ad
cælestis felicitatis adeptiōem animū cõponunt: ad
quam nulla uis naturæ pertinet. Proinde ad tan-
tum munus alijs uirtutibus opus est, non humanis,
sed diuinis. NIC. Quæ uero istæ sunt? BAR.
Quæ? Fides, spes, & charitas. Fides mentē ue-
ræ Dei cognitione illustrat; spes ad summi boni
adeptiōem uoluntatem excitat; charitas homi-
nem beneuolentiā cum Deo coniungit. Quæ,
quia Deum respiciunt, & a Deo nobis immittun-
tur, theologicæ nūcupantur. De quibus or-
dine pauca dicemus. MER. Facis porro quod
uolumus. BAR. Et a cuiusq; definitione exor-
diar. MER. Istud ipsum in omni disputatione fieri
docti uiri præcipiunt. BAR. Fides quid sit expli-
cat apostolus Paulus ad Hebræos scribens his uer-
bis.

bis. Est autem fides sperandarum substantia rerum, argumentum non apparentium. Res, quae sperantur, sunt divinae: quae non videntur, sed expectantur. Nā quae in nostra facultate, et praesentia sunt sperat nemo. Neq; a nobis ulla scientia comprehenduntur. non enim necessarie demonstrantur. neq; in opinionem adducuntur; quae dubiam mentem huc illucq; impellit: sed diuino afflatu nobis persuadentur. Ideoq; Paulus fidē uocauit substantiam; quod esset firma & stabilis persuasio, faciens res sperandas in nobis subsistere: appellauit quoq; argumentum; quoniam sperandarū rerum cognitio diuinitus persuasa in animo constantissime inheret. Vnde a Secundo philosopho fides ignotae rei miranda certitudo; a nobis non opinor male sic describeretur, rerum diuinarum, earumq; sperandarum in animo diuinitus excitata persuasio. NIC. Egregie sic scriptam existimo. BAR. Sed definitionis partes persequar. MER. Iuste istud a te fiet. BAR. Primum fides nō quarūuis rerum est, sed tantū diuinarum, atq; earum dumtaxat, quarum aliquando nos esse potituros speramus: quae nimirum felicitatem nostram efficiunt. Tū fidei nomen assensionis est nota, quamens humana non physicis argumētis, sed diuinis enunciationibus commota res istas esse, & huiusmodi esse, quales in sacris monumentis describuntur, credit: quas alioquin nec sensu,

nec ratione caperet. Nam quæ dei sunt (ut
 apostolus Paulus ait) nemo nouit, nisi spiritus
 Dei. Et Eccl. Plurima supra sensum hominis no-
 bis ostensa esse refert. Itaq; fides neq; a nobis,
 neq; in nostra potestate est, sed a Deo nobis inge-
 neratur, prout Christus inquit, Nemo potest ue-
 nire ad me, nisi pater meus traxerit eum. Sed tamē
 assensus iste a uolūtate menti imperatur. Nemo
 enim credit, nisi uolēs. Hac de causa D. Augusti-
 nus scribit fidē in credentium uolūtate cōsistere.
 Neq; uero quia nostræ mētis aciē uincūt res, quæ
 fide tenētur, idcirco falsæ & uanæ sunt; aut rōm
 repugnāt, quia ratione dispici nequeūt. Hinc a fi-
 dei semita multi aberrauerunt, quod physicis ar-
 gumentis solū, & rationibus inniterentur: dicen-
 tesq; se esse sapiētes, stulti facti sunt. Quid enim
 stultius, quā humanæ intelligentiæ uim potētissi-
 mi Dei uirtuti parē facere? Ac iure Hieremias
 Stultus est factus, inquit, oīs homo a scientia sua:
 & Esaias, Sapiētia tua, & sciētia hac decepit te:
 atq; Apostolus, Sapiētia huiusmodi stultitia est
 apud Deū: quippe qui tales sapiētes irridet. Nec
 uero fidē ex rerū cognitiōe accipimus, sed per fi-
 dem in rerū cognitionem uenimus. Nā (ut multa
 alia omittā) immortalitas animæ, de qua tot pu-
 gnas inter se philosophi seruerūt, & premia, quæ
 post mortem pios manent, impiosue supplicia, de
 quibus tot cōmenta poëtæ excogitarunt, quomodo

da a nobis intellecta sunt, nisi per fidē? Bene itaq;
 Esaias, Nisi credideritis, non intelligetis. Nic.
 Quid uero in his rebus agendū, quæ rōne uersari
 non possunt? BAR. Sicut docet Apostolus, in ca-
 ptiuitatem redigendus est intellectus in obsequiū
 fidei. Redigitur autē, cum a uoluntate iubetur di-
 uinis enunciatis sine ulla disceptatiōe, aut hesita-
 tione assentiri. Nā quæ fides tū esset, aut quod fi-
 dei meritū, ubi humana ratio (ut ait Gregorius)
 prebet experimentū? NIC. Quæ tandem credere
 necessum est? BAR. Quæ diuinitus sacris monu-
 mentis enunciata sunt. Cōtrahūtur autem in arti-
 culos duodecim, quos Apostolorū symbolū facit.
 Preter hos nihil aliud oportet sapere. nec Pauli
 precepto sapiendū est, plusquā opus sit. NIC. At
 quomodo fides in nobis generatur? BAR. Per pro-
 batorū hominū sermonem lumine gratiae mentem
 illustrante, ut sacris dictis assētiatur. Idcirco Pau-
 lus. Quomodo credent, inquit, ei, quem nō audie-
 runt? Quomodo autem audiem, sine prædicante?
 Sed miraculis diuinisq; operibus confirmari co-
 cuit persuasionem, quæ humana ratione & intel-
 ligētia superior esset. Nec porro alia est fides ma-
 iorū nostrorū ab ea, quā habemus: sed illorū obser-
 ua, ac certis notis implicata, nostra plana et aperta
 est: quæ alio atq; alio tempore pro hominū capiti
 manifestius explicata fuit. Iam societas in Christū
 credentium Ecclesia nominatur: cuius figurā gerit

area a Noë iussu domini adificata: extra quā quā
 terr. r. eluuiōis tēpore inuēti sunt, medijs aquis
 submersi interierunt: nō aliter qui in ecclesia non
 est, morte perit aeternā. Nemo enim Pauli senten-
 tia potest sine fide placere Deo. Qui enim placeat
 Deo, quā Deī sunt nō credens? Ideoq; fides ca-
 tholica dicitur, quia una eademq; ab uniuersis te-
 nenda est. Qua de causa doctissimus Augustinus
 omnem infidelitū uitā peccatū uocat; quia nullū est
 bonū sine summo bono; atq; ubi deest cognitio ue-
 ritatis, falsa est uirtus, etiā in bonis moribus. Nic.
 Hic ille scrupulus est. BAR. Quis? Nic. Stea, quae
 fide creduntur, nulla intelligentia & rōne a nobis
 percipi possunt, qd est hoc infidelitatis crimen? cū
 lex aduocator nō iubeat? BAR. Istum scrupulū fa-
 cile a te ipse remouebis, si attendas nos ad fidem
 eatenus legē obstringi, quatenus ad fidem cōducen-
 tia diuina auxilia recipere debemus, quae legem
 naturae seruātibus dantur. Vnde infideles tanquā
 diuinorū auxiliorū expulsores a Deo graui pēna
 puniuntur. Nic. Laudo. BAR. Quoniā igitur de
 fide diximus, quae summi boni speculatrix, & re-
 liquarum uirtutum quasi sedes, & spiritalis aedi-
 ficij firmissimum fundamentum est, de spe &
 charitate dicamus. MER. Id ipsum a te dispu-
 tationis ordo requirit. BAR. Spes est non uana
 aeternae felicitatis expectatio. Est enim motus uo-
 luntatis ad consequendum bonum, quod intelligen-
 tia

etiam præmonstrat. Bonū uero, quod speratur, ipsum summum bonum est, cælestē et immortale, qđ non uidetur, & creditur esse; necdum habetur & expectatur. Nam quod uidet quis (inquit Apostolus) quid sperat? Nec presentis, sed uenientis boni spes est: at si longe absentis est, segnius animū mouet. **NIC.** At quomodo spes in nobis creatur?

BAR. A Deo per fidem. Munus enim Dei est. Quare certa & rata est, non fallax & mendax; quæ nos frustretur, & delusos uerecundo rubore afficiat. Proinde Apostolus inquit, Spes nō confundit: & Eccl. Nullus sperauit in Domino, & confusus est. Quia uero bonum, quod spe concipitur, difficile adeptu animo proponitur, ad mutanda pericula audacia, ad tolerandos labores patientia quæritur. Ob id idem Apostolus patientes in tribulatione debere nos esse admonet, cōstantesq; ne a concepta diuinitus spe decidamus: nec nostris uiribus fidere, sed diuino auxilio. quo recreatus apostolus Paulus omnia se posse dicebat: & in quo (ut scriptura loquitur) omnes qui sperant, non infirmantur. Ac spe gaudere oportet, sicut alacres & strenuos milites, quos spes uictoriæ ad pugnam audentes & acres reddit. Atq; ut in mari anchora nanem sistit, sic in huius uitæ æstu spes animum firmat, tenens dente non terram, sed cæli penetrales. Sic in aduersis rebus nos Paulus hortatur, ut confugiamus ad tenendam propositam

DE SUMMO BONO

sitam spem : quam sicut anchoram habemus ani-
 mae tutam, ac firmam, & incedentem usq; ad in-
 teriora uelaminis. Atqui si finem contingere non
 potest, qui ad illum certo cursu non incitatur, nec
 aeternam felicitatem bene sperare potest, qui uir-
 tutum actiones non exercet. Exercet autem illas,
 qui amat, quod sperat. Itaq; spei ratio ad merito-
 rum normam perpenditur; quae ad charitatē ip-
 sa dirigitur. Quapropter Augustinus, Non potest,
 inquit, aliquis diligere, quod esse non crediderit.
 Porro si credit, & diligit, bene agendo efficit, ut
 etiam speret. Sed naturam charitatis, quae ter-
 tia e tribus theologicis uirtus est, aperiāmus :
 mox illarum inter se cognationem, & quasi con-
 sensum concentumq; ostendemus. NIC. Quid est
 charitas? BAR. Charitas est amor, quo Deum
 tanquam felicitatis nostrae authorem amplectimur.
 Non enim quiuis amor, qui in Deum habetur, cha-
 ritatis nomen usurpauerit, sed is tantū, quo Deus,
 ut hominis summum bonum, amatur: cum pleriq;
 numen diuinum colant, nec eius cultu beatitudi-
 nem suam metiantur: nec quisquā metitur, ni pos-
 sideri a se posse speret; nec sperare, ni ita fore cre-
 dat; nec credere, ni diuinæ gratiae luce illu-
 minatus sit. Ergo charitas est uoluntatis motus
 a fide & spe excitatus, quo cū Deo coniungimur.
 Nam infunditur, ut inquit Paulus, in cordibus no-
 stris per spiritum sanctum: qui charitatis nomine
signa-

signatur, quippe inter patrem & filium amor. Atq; ut Dei uera cognitio uim omnem mentis superat, & (ut Pauli uerbis utar) omni humanae scientiae supereminet; sic eiusdem amor omnem uoluntatis naturalem conatum uincit. Nec dubitandum est, quin Deus amantes sui amplectatur: qui in sacris prouerbijs ait, Ego diligentes me diligo. Unde, ut tradit Ioannes Euangelista, Qui manet in charitate, in Deo manet, & Deus in eo. Hoc ipsum Paulus cōfirmat, dū inquit, Fidelis Deus, per quem uocati estis in societatem filij eius. Nā Christi societas Dei est cum hominibus consuetudo. Itaq; mutua inter nos & Deum beneuolentia charitas est. Nīc. Potest ne charitas in hac uita constanti aliqua absolutione finire? B. A. R. Nō. quia nulla Dei cognitio euidenter haberi potest. Erit uero summa in patria, cum in oculis et ore beneficētijs Dei acquiescemus. Initur autem hic in uia per fidem ex diuinæ gratiæ munere; illic autem in patria per diuini numinis præsentiā ex cælestis gloriæ lumine perficitur. Et præcipue quidē filij regni æterni a filijs perditionis charitatis nota discernuntur. Etenim Ioannis euangelistæ indicio qui nō diligit, manet in morte; qui autem diligit, legem obseruat. Quae sane lex secundum Paulum in uno sermone impletur, uno inquā charitatis præcepto: quo & Deum, ut parentē ac omnium, & proximū, idest, genere & natura uobis

DE SUMMO BONO

bis coniunctum diligere iubemur. Diuinae autem
 legis obseruatione cœlestem hereditatē adipisci-
 mur. Itaq; charitas præceptorum nexu cœrcita
 cunctas animi laudabiles affectiones cōplectitur,
 cum diuinis præceptis uirtutes omnes continean-
 tur. Nunc quantum amor Dei distet a sui ipsius
 amore, philautia græce, animaduertite. Ille ani-
 mum a multis uarijsq; rebus in unam cogitationē,
 quo modo placet Deo, inducit; hic in uarias affe-
 ctiones curasq; diuellit, honorum, diuitiarum;
 uoluptatum: quarum est infinita cupiditas. Ille
 docet omnibus hominibus, uel inimicis, beneuolen-
 tiam præstare; hic paucis tantum, aut sanguine,
 aut consuetudine communētis. Sed & charitas (nā
 proprium amoris est uoluntates inter se cōciliare)
 ita Dei & hominis amicitiam conglutinat, ut dis-
 solui nulla unquam aduersa re queat. Quo circa
 Paulus aiebat, Quis me separabit a charitate
 Dei? Quia uero cum adest quod amatur, delecta-
 tionem parit, profecto charitas incundissimā ui-
 tam efficit, Deum in oculis semper ferens. NIC.
 Quaeso (neq; enim puto absurdū esse id a te scisci-
 tari) quomodo Deus amandus est? BAR. Ad hoc
 tibi respondet diuus Bernardus, absq; modo. Quis
 enim infinitae rei modum reperiāt? Neq; in Deū
 tantam beneuolentiam nauare possumus, ut ma-
 ior adhuc nauari non possit: etsi animorum capa-
 citatis certus est modus. Hinc quandiu fingemur
huius

huius uitae muneribus, charitas maior fieri poterit, nec tamen ad eam magnitudinem peruenire, ad quam peruentura in cælis est, ubi clare diuinitatis species uultusq; cernetur. Quo enim presentior est Deus, eo uehementius diligitur. Promeremur autem uirtutis bonis actionibus a Deo charitatem nostram augeri & perfici: sicut Paulus nos monet, Facientes, inquit, charitate crescamus in illo. Ac reliquae uirtutes uia nobis ad cælum muniunt, sed charitas sola nos eo perducit. Immo fidei & spei usus in cælis non erit, quia illic cernemus aperte, quae hic obscure uidemus, & eorum potiemur, quae cum spe expectamus: charitas uero, ut Paulus loquitur, nunquam excidit. Nā siue in cælis, siue in terris, seu absens, seu praesens Deus semper amatur. Maiorem uero gratiam ex eius praesentia colligemus, quia melius numen eius obseruabimus. MER. Sed uelim scire uirtutes istae quo inter se nexu & uinculis cōnectantur. BAR. Primū omnes in eiusdem rei studio uersantur, nempe in cognoscendo, atq; assequendo summo bono: sed fides inuolutum obscuritatibus euoluit; spes ad illius quamuis arduam & difficilem adeptionem mouet; charitas uero congruenti studio & amore complectitur. Fides lumen ad cernendum uerum intelligentiae praefert; spes summi boni expectationē in animo ingenerat; charitas uoluntatem regit, & ab omni

intem-

DE SUMMO BONO

*intemperantia & immoderata cupiditate refrenat. Fides ad concipiendum spem, spes ad amplexandum charitatem cum fide animum informat. Quo enim magis cuiusq; rei natura cognoscitur, eo magis expetitur: nec quisquam sequitur, quod assequi se posse diffidit. Itaq; fides spem, spes charitatem ortu antecedit. Nec tamen fidem aut spem a charitatis commercio seiunxeris: sine qua nullâ uirtutis rationem haberent, quia carerent forma uirtutis, quae est charitas. Nam credendis rebus assentiri, & creditas res sperare a charitate est: quando rectus motus uoluntatis a recto amore prouenit. Quamobrem Paulus fidem charitate affectâ ueritatis charitatem uocat: eamq; per charitatem operari uult; & D. Iacobus sine operibus mortuam esse asserit. Tum spes ratione boni, quod sperat, charitatem insequitur; uerû ratione eius, a quo sperat, charitatem præuertit. Itaq; charitas licet a fide & spe generetur, tamē ipsa fidei & spei formam & speciem absoluit. Ob idq; mater & caput illarum est, atq; omnium uirtutum præstantissima, decernens omnibus uirtutibus amoris modum, quē quanq; seruare oporteat. Ac quidem spes & fides nos recte ad Dei beneuolentiam componunt, sed sola charitas nobis illam conciliat: illae Deum ex intervallo respiciunt, nā fides est de non uisis, spes de non habitis; at charitas Deum proxime amplectitur, atq; in illius na-
turam*

iurā nos cōuertit. Credētes & sperātes cū chari-
 tate stellis cœli, at arenæ mari cōparantur, qui sine
 charitate fidem & spem habent. Quamobrē Pau-
 lus nos hortatur, ut in charitate fundati, et radica-
 ti simus: quæ reliquarum uirtutum & radix &
 forma & perfectio est. Ac modo galea salutis no-
 minatur, quia summa est omnium uirtutū & ab-
 solutio; modo uinculum perfectionis, quia finis
 præcepti est, ac Deo nos deuincit; & pro-
 pter concordiam, quam parit, Christi uesti simi-
 latur, quæ (ne a sacrorum scriptorum uerbis re-
 cedam) desuper erat contexta per totum. Neque
 solum theologicarū uirtutum, sed etiā moralīū for-
 ma est. Nam ad æternam felicitatem etiā effingit
 formatq; appetitum: cuius rectæ affectiones uir-
 tutes morales nuncupantur. Etenim duobus prin-
 cipijs ad agendum mouemur, ratione, & appe-
 titu: sapientiæ rationem illustrat; ratio appetitū
 regit; utriusq; uim amor gubernat. Chari-
 tas igitur omnium uirtutum regina est, quæ mo-
 dum omnibus præscribit. NIC. Ecquid etiā uir-
 tutes morales a Deo, sicut theologicæ, nostris ani-
 mis iniiciuntur? BAR. Atte ego uicissim rogo.
 Virtus nonne est ad felicitatem uia? NIC. Est.
 BAR. Quod si finis in cœlo est, nonne uirtutes cœ-
 lestes esse oportet? NIC. Ita sane. BAR. Atqui
 non solum ab intelligentia, sed etiam ab appetitū
 humanæ actiones oriuntur. Oportet igitur etiam

DE SUMMO BONO

uirtutum moralium habitus ad consequendam celestem felicitatem diuinitus immitti. **NIC.** Qui uero sunt isti habitus? **BAR.** Prudentia, iustitia, fortitudo, temperantia. Quae uirtutes, quia christianae uitae modum describunt, cardinalium nomen apud quosdam inuenerunt. Scripsere quidem permulta de uirtutibus moralibus tum ueteres philosophi, tum rerum diuinarum periti: sed nostri melius; qui sese extra humanam consuetudinem extulerunt, non humana, sed diuina ratione et lege subnixi, quae rerum agendarum optima norma est, atque omni humana scientia praestantior. Quare de his dicere in praesens tempus supersedebo; et externa auxilia (nam uirtutes interna recte, opinor, uocaueris) breuiter indicabo: quae nobis ad consequendam beatitudinem optimus Deus comparauit. **NIC.** Quae uocas auxilia externa?

BAR. Sacramenta. **NIC.** Quid uocas sacramentum? **BAR.** Non solemne iusiurandum, sed rei sacra signum. Quae uox Ciceroni noua est, quia etiam res ignota. Signum autem sub aliquem sensum cadit. Ideo sacramentum constat re ad sensum aliquem pertinente. **NIC.** Hac ratione profecto res omnes, quae sensum aliquem tangunt, sacramenta sunt. **BAR.** Quinam? **NIC.** Quia sunt signa rei sacrae. **BAR.** Quomodo? **NIC.** Quatenus sunt diuinae bonitatis uestigia. Nam Dei bonitas res sacra est. **BAR.** Rem sacram hic dico, quae

quae hominem sanctū et iustum facit. Sola autem gratia huiusmodi est. Vnde sacrae rei nomen ob praestantiā obtinuit. Aliae res a Deo procreatae diuinae quidem bonitatis speciem representant; nō tamen hominē Deo charū & acceptū reddūt. Nīc: Probo quod dicis. Sed tamen gratia, quae sacramentis cōfertur, quid ab uniuersa gratia differt? B A R: Nihil omnino: solū pēcūliaria diuini numinis ad certas operas auxilia diuersis sacramentis ex statis ceremonijs designantur. Nīc. Et ista gratiae signa sunt ne ab hominibus instituta, an naturalia? B A R. Nō quidem naturalia, quia gratia naturae munus non est; nec ab hominibus, sed a Deo sancita, qui gratiā dat, solusq; iustificat. Tū quia sacramenta ecclesiae fundamenta sunt: ecclesia uero est domus Dei; sanē decuit fundamenta domus ab architecto & domino iacō & excitari. Quāobrem sacramētū definitur esse signū ex Dei institutione sanctificationem nostram representans. Ceterum forma & materia signum hoc constat. Materia res omnis est, quae aliquo sensu capitur, siue naturalis ea sit, ut aqua, oleū, panis, uinum: siue aliqua hominis actio, qualis in pēnitentia adhibetur. Forma uero est oratio spiritalē sacramenti uim effectūq; ex externo actū significans. Itaq; cū dicit ecclesiae minister, is, qui sacramētū exercet, Ego te baptizo, animi maculas rore caelestis gratiae detergi ex corporis ablu-

tione intelliges. Quare si aut debita materia desit,
 aut forma vitietur, sacramenti uis nulla est. NIC.
 At quæso (nā dicis sacramenta a Deo sancita es-
 se; & scita Dei sacris libris cōmendata sunt) li-
 quet ne monumentis euāgelistarū ulla esse sacra-
 menta? BAR. Liquet esse rem & uirtutem sacra-
 menti: sed nomen a sapiētissimis sanctissimisq; ui-
 ris postea factū fuit. NIC. Et omnia ne sacramen-
 ta in euangelijis agnoscuntur? BAR. Non omnia
 sacramenta ab euangelistis explicātur, sed potissi-
 mum ad fidem & ordinem ecclesiae necessaria:
 reliqua licet a Christo decreta sint, tamen ab Apo-
 stolis promulgata sunt; quorū doctrina utiq; cœ-
 lestis & diuina est. NIC. Quid uero opus sacra-
 menti, si fide, spe, et charitate beatitudinem asse-
 qui possumus? BAR. Vt qui scientiam a sensu ca-
 pimur, rebus, quae sensibus obijciuntur, erudire-
 mur, & quasi manu ad diuinārū occultarūq; uir-
 tutum cognitionem duceremur. Tū ex sacramen-
 tis certos quosdā fructus gratiae, et singularia cō-
 tra uitiorum morbos remedia accipimus. NIC.
 Quot uero sunt sacramenta? BAR. Septem. Quo-
 rum quinq; ad singulorum integritatem: reliqua
 ad christianae societatis propagationem & cōser-
 uationem pertinent. nā matrimonio genus nostrū
 producitur; ordine uero & potestate custoditur.
 At Baptismo quisq; in uitā aeternā generatur; cre-
 scens Cōfirmatiōe cōtra res aduersas, et ad tole-
 randos

randos labores fulcitur; Eucharistia alitur; Pen-
 tentia, si post baptismū in peccatū ceciderit, sub-
 leuatur; ac Deo, quem cadens offendit, in gratiā
 restituitur; Extrema unctione reliquiae peccatorū
 remouentur, & quae sordes nobis inscijs reman-
 ferant, eluuntur. Vnde ad diuersa gratiae opera
 spiritus sanctus uaria signa congruenter aptauit.
 Exempli causa, ad alimentum panem & uinum;
 ad ablutionē aquā; ad uirū corroboracionē oleū;
 eodemq; pacto reliqua sapienter cōstituit. Quare
 sacramentum aliqui dicunt esse, quod ex similitū-
 dine repraesentat, et ex institutione significat: ali-
 qui, in quo diuina uirtus sub tegumēto rerum sen-
 sibilium secretius operatur salutem. Operatur an-
 tem per ministros ab Ecclesia destinatos: in quibus
 propositū esse debet faciendi, quae Ecclesia mens
 & consilium est fieri. NIC. Igitur in ministro so-
 lum potestas quēritur, & uolūtas. BAR. Hoc aīo
 NIC. Quid eiusdem sanctimoniam nullam ne in re
 utilis est? BAR. Non ad donationē gratiae: quia
 Deus auctor eius est, nō homo: tametsi ministri orū
 sanctitatē aliorū pia affectio sequitur. NIC. Sci-
 scitarer adhuc a te libēter. BAR. Sciscitare. Nō
 sacramenta ueteris legis non ne erant sacrae rei;
 hoc est, gratiae signa? BAR. Erāt, sed cōferendae
 per Christū; qui nondum uenerat in mundū. Qua-
 re illis gratia non conferebatur. At nouae legis
 sacramenta signa sunt gratiae, quae per Christum

DE SUMMO BONO

presentē confertur: a cuius passione uirtus omnia
 emanat. Habetis uirtutes, habetis etiam sacra-
 menta; illa interiora, hæc extrinseca ad acquire-
 dam felicitatē adiumenta a Deo per Iesum Christū
 mortalibus allata: per quē gratia donatur; qua et
 iustificamur. NIC. Habemus. Sed quaeso uiuendi
 præcepta nobis a Deo data nōne etiā sunt ad felici-
 tatē adiumento? BAR. Sunt. Nā Deus optimus
 maximus, qui singulariter hominum saluti proui-
 det, propter imbecillitatē humane rōnis legē per
 famulum suū Moysen dedit; quae iubet faciēda;
 prohibetq; cōtraria, rectissima ad cōsequēdā ater-
 nam felicitatē uia. Non enim est humana intelli-
 gentia ex se apta numinis diuini sensum dispice-
 re; nec ratio perturbationibus animi cōmota quod
 iustū & equū est uidere. Quare diuinis præceptis
 ad recte uiuendū opus fuit. Sed ea tamen seruare
 nō potest, qui cœlesti gratia affectus non est: quae
 tantūmodo per filiū Dei Iesum Christū donatur.
 Sic D. Ioannes Lex, inquit, per Moysen data, gra-
 tia & ueritas per Iesum Christū facta est. Itaq;
 beatae uitæ inchoatio est gratia, perfectio gloria:
 & utramq; dat Dominus, ut egregius propheta
 testatur. Quamobrē Dei uoluntati obsequi, et ad
 eum omnia referre debemus, si perfecte beati esse
 uelimus. MER. Hoc nobis factū est opus. BAR.
 Etenim nostro etiā aliquo studio beatitudinē pro-
 mereri nos oportet; quia uolūtates nostræ liberae
 sunt,

sunt, nulli naturae necessitati parentes. Ideoq; nobis aliquid de meritis uidetur dicendū: quibus celestem fructū ex diuina gratia percipimus. MER. Amote quia id facis. BAR. Cū aliquo peruenire uis, nōne uia ingrederis, quae te eo pducatur? NIC. Sic est. BAR. Nec quisquā amicitia cum Deo iungitur, qui eius uoluntati non obsequitur. Viuendi autē praecepta nobis a Deo tradita instar uiae sunt ad felicitatē. Et quidem summū bonū oēs naturaliter appetunt: quanquā illud omnes in eadem re non ponunt. Quae naturalis appetitio finis gratiae est, a nostrorū plerisq; dicitur uolūtas, habēs se naturae modo: quoniam constans, & in omnibus hominibus eadē est. Nemo enim est, qui nō uelit esse beatus, hoc est, saluus, & in suo genere omni parte perfectus. Verū de his cōsultitur, quae ad finem conducunt, ut aptiora et opportuniore eligamus. Quae electio a uoluntate est; cui nomē agrecis est βούλησις, a nostris liberū arbitriū, libera in quā uoluntatis hoc, aut illud deligendi potestas. Quae uoluntas rōnis speciē habet, quoniam in diuersas partes, sicut consultatrix utilitatum ratio abducitur. Huius generis uoluntatē habere non possunt, quae mentis expertia sunt: quoniam carēt oī cōsilio; nec quae agūt, a se agūt, sed instinctu quodā naturae. Ex his cōcludo summi boni nullum esse delectū, licet eius inquisitio sit. Sed ne a proposito re digredi uidear, ad id responde, qđ te interroga-

NIC.

NIC. Interroga. BAR. Beatitudo, nonne ipsa uita
 aeterna est? NIC. Certe. BAR. Diuinis nero moni-
 tis & mandatis parere, nonne munus est perfectae
 iustitiae? NIC. Concedo. BAR. Ob id apostolus,
 Paulus beatitudinē, quam post mortē expectaret,
 spē iustitiae uocauit. NIC. Pulchre. BAR. Quid
 tandem merces datur ne ineptis? NIC. Quem uo-
 cas ineptū? BAR. Eum, cuius nullū meritum ex-
 tat. Nempe si quid datur non merenti, nō premiū,
 sed donū est. Hinc bruta animantia, quę sui iuria
 non sunt, nec ex se quidquam agūt, ut omni laude,
 & uituperatione carent, sic nullo prēmio, aut pœ-
 na digna censentur. Neq; enim quid bonum, aut
 malum sit possunt rōne conytere, nec quid consi-
 lij dubijs in rebus capiendū dignoscere, nec libere
 in hanc, uel illam partē sese appellere: dumtaxat a
 natura insita ui aguntur. Itaq; illorū omnis motus
 & actio ad naturam principē transfertur. Qua de
 causa principium et ratio promerendi est a liber-
 tate uoluntatis. At qui uolendi aliquid, nolendiq;
 facultatem quis præter eum habet, qui ratione &
 cogitatione utitur? qui res uariis ratiocinādo in-
 ter se confert, & ex rationis collatione potiorem
 eligit. NIC. Iam plane intelligo quē uoces apū,
 ineptumue ad promerendum. Ex quo decerno me-
 veri hoc esse, quod rem aliquā mercede dignam ef-
 ficere. BAR. Apte. Sed ne quis a proposito ni-
 mium digressos nos putet, aut ea, quae diximus,
 scopis

scopis (ut in proverbio est) dissolutis esse similia,
unde processit oratio, eo reuertamur. Adio itaq;
hominem et natura, quia mente præditus est, diui-
nae felicitatis esse capacem, et merito quodā, quia
suarum actionum habet liberam in se ipsa potesta-
tē: cum cetera animantia & rationis expertia
sint, & libertatis actionum. Quare ad felicitatē
preter rerum diuinarum scientiam, uoluntas etiā
queritur, & electio earum rerum, quae ad illam
consequendā necessariae sunt. Vnde ei, qui iustitia
uiam tenuerit, uita aeterna promittitur. Exposui
quid beatitudo sit, & unde sit, ac quomodo acqui-
ratur. Nic. Exposuisti quidē ista copiose & or-
nate: sed ubi aeternitatis a te mentio facta est, in-
dubij in mentem uenit, an felicitas amitti possit?
Bar. Si amitti posset, nulla esset felicitas. Nam
cum beatus intelligit se illā posse amittere, in me-
tu sit necesse est. Metus autem in malis est. Si ue-
ro hoc non intelligit, quae sint contra naturā suam
ignorat. Alqui ignorantia graue profecto malum
est. Nullum autem malum in beatum cadit. Tum
non decet Deum sanctitatis & aequitatis exem-
plar, odisse eum, a quo diligitur; nec uoluntas po-
test summum bonum non amare, cuius adeptione
in perpetuis gaudys est; nec in caelo ulla res est
aut Dei uirtute potentior, aut uoluntatis tranquil-
litati contraria, quae mūtā Deū atq; animae cha-
ritatem diuellat. Hinc beatitudinem legimus in
saeris

sacris uoluminibus uitam aeternam appellari quae
in omne tempus iucundissima permanet. In cuius
felicitatis possessionem Deus optimus, maximus
summis precibus semper orandus est, ut per Iesum
Christum filium suum, ac dominum nostrum nos,
quibus eam duobus testamentis benigne legauit,
pro sua pietate & clementia liberaliter asciscat.

F I N I S.

Errata aliquot sic corrigito.

Fol. 3. a. gatiā. gratiā. 4. b. ominū. omnīū. 7. b. a. a. d. e. f. e.
47. a. 5. b. 9. a. explioandi. explicandi. 12. a. Pithagorā. Py
thagorā. 13. a. apellatione. appellatione. 6. micordiam.
misericordiam. 25. a. incepit. inceptit. externa. hesternā.
27. b. distrahi. distrahi. *duarū. duarū.* 29. a. ad aliud
relatā. ad aliam relatā. 42. a. externis. hesternis. 46. b. aua
citiā. auaritiā. 50. a. uocatur. uocatur. 52. a. honoū aua.
honoū aua. 56. b. troiani ille. troiani illi. 58. b. genus.
genus. 61. a. uehementiorem animi. uehementiorū ani
mi. 63. b. indossubiles. indissolubiles. 74. b. aliuned. aliunde.
75. a. a quo formam. a quo forma. 85. b. redarguit.
redarguitur. 87. a. uias indagamus. uiam indagamus.

Hos quinque libros Ioannis Antonij Viperani de sum
mo bono eruditione, iudicio, eloquentia, ac pietate
refertos cum perlegissem, iudicauit dignissimos, qui
imprimerentur.

Ego Marius Floridus Societatis Iesu manu propria

Imprimatur. Lelius Sessa.

Io. Franciscus Lombardus.

